

I CIIMO CA MUNTU

UULONDOKEDE



Wa lumbwa, Mukwesu Neville. Mwami aku longezye.

Ncibotu kujokela mu cikombelo alimwi cifumo cino. I “mwabuka kabotu,” wa luzyalo kuli ndinywe nyoonse. Elyo Ndi syoma kuti obu buyooba buzuba bupati bwesu toonse, i mu—mu Busyu bwa Mwami wesu. Alimwi eno Ndi jisi ciyo cifumo cino. Ndi yanda kunjila ndyoonya eno ncobeni mu ciyo eci, nkaambo cila. . . Ndi yeeya kuti cila yandika maningi. Alimwi cila i. . . Alimwi kubamba nkamu ya bantu kuzwa ku kutanyongana maningi, nywebo mulizi, kweelela kutola ciindi cilamfu, banji kabaimvwi. Ndila njila ndyoonya eno mu ciyo.

² Elyo eno, masiku sunu, Ndi yanda ku kanana aali cakwiya ca *I Mweenzyi Wa Buumi Bwangu*. Elyo Nda syoma kuti banji abo bakonzya, boonse ba konzya kuba, bayo janika ku ciindi ca masiku sunu. Nekubaboobo, ikuti na ujisi mbungano yako ini, tuli. . . mu bwini, tu kuyanda kuti ube ku—ku mbungano yako. Oyo ngo mulimo wako kuba kuya, oko kuli bulizi bwa mulimo wako, ku lekela mumuni wako kumweka.

³ Lino, tu la zumanana kulangila eco, ciindi coonse wajoka, tuno cijisi busena bumbi buniini koonse kuno. Pele tuli mukuba abuyumuyumu a mbubo, oh, masena oonse. Balo ba nkamu ya basyomesi bavwuntauzya camasimpe mu zintu zyoonse. Elyo bakatuma ku busena bomwe, bayo buzumizya; nkabela kutuma ku busena bumwi bumbi, elyo ba cilesya. Elyo a kucijosya, elyo ba cizumizya kubusena *kuno*, a kujoka. Oh, ino nciindi nco twa kajisi! Pele, nywebo mulizi, Saatana ngu sikulwana eco ciluleme lyoonse. Amuyeeye buyo, muli luleme lyoonse kujatikizya. . .

⁴ Nda likuyeeya oko nkoobede, Anthony. Nda kubona koswaangana bauso. Elyo Nda langa koonse, kubusena mu nkamu ya bantu. Wa amba kuti wa kkede kuya. Twa botelwa kuba a nduwe a bauso kuno andiswe, Mukwesu Milano kuzwa ku New York. Kulangila, kuunka kumasena aalandukwa lwizi eci ciindi, Ndi jisi kulyokezya mu ciindi cimbi cakutebula, kuzwa ku New York, ku busena kuya, ikuti na Mwami wayanda.

⁵ Elyo aboobo tuli kkomene maningi nkambo ka umwi aumwi wanu. Buyo—buyo kabotu kuli ndinywe kuba kuno.

⁶ Elyo twa kajisi ciindi cibotu masiku aainda, nanka nokuceya Nda kacita. Nda kajisi i. . . [Mbunga yaamba, “Ameni.”—Mul.] “Elyo Isaya mu tempele.” Elyo aboobo nywebo. . .

⁷ Elyo cifumo cino, tu yanda ku kanana aa ciyo, nanka kuyiisya, mubwini, ikuti na tula konzya, “Kuyaka Cikombelo cipona; kuyaka i—kuyaka i Cikombelo cipona ca busena bwakukkalila Leza uupona, i Muntu uulondokede; i Cikombelo cipona ca Leza uupona, omo Mwa kkala.” Elyo ikuti . . .

⁸ Ndi syoma kuti ba jisi kumwi oku kwa kwiimba kubotu kuno. Ta ndikonzye ku kumvwa pe. Elyo masiku sunu, Ndiyo sola kusika kunselelo kuno. Mukaintu wangu wandaambila kujatikizya Mukwesu Ungren, Nda syoma zina lyakwe mbolya kabede, kuzwa kunselelo mu—mu Tennessee. Lino, wa kali kuno masiku aainda. Ta ndimubwene cifumo cino, pele Ndi yeeya kuti nkwali kuno ku busena bumwi. Elyo Ndi yanda ku mumvwa kwiimba masiku sunu, ikuti na Nda konzya, kuti, antela *Kuseluka Kuzwa Ku Bulemu Bwakwe*, nanka *Obo Bupati Yebo Mbobede*. Ndi yanda kumvwa ezyo. Mbangaye bayanda kumvwa Mukwesu Ungren? [Mbunga yaamba, “Ameni.”—Mul.] Oh, Nda—Nda botelwa i kwiimba kabotu. Elyo Meda waamba kuti ujisi musyobo wa jwi demu lyakwiimba. Ci la ndiibalusya zya Mukwesu Baxter wesu; ngu mwiimbi, awalo, mbuli mbotuzi toonse. Elyo *Kuseluka Kuzwa Ku Bulemu Bwakwe*, nanka *Obo Bupati Yebo Mbobede*. Nda syoma Nda mubona mpabede eno, kuya . . . Sa inga caba kabotu, Mukwesu Ungren, masiku sunu, ikuti na wayanda, ikuti na waona ku nga’anda yaumwi? Uyo kkala, nanka kusola koono nkambo ka kuswangana kwa masiku? Ee, Ndi—Ndi . . . Ee, ta . . . Nda mwaambila, ino kujatikizya eci, ikuti na twa . . . Ta ndi yandi kucitya muntu uuli oonse kuba aa kucumbana kuli koonse. Pele nkamboonzi kutacita, mpawo, ikuti na inga twacita, ku ciindi ca *I Zinamatizyo Ziliciloba*, cindi twaku kambauka eco, ikuti na inga waboola. Ndi yanda kwiibikka aa teepu, nywebo mwabona, a kuba anjiyo, *Obo Bupati Yebo Mbobede*, alimwi, ayalo, *Kuseluka Kuzwa Ku Bulemu Bwakwe*, mu ciindi eco.

⁹ Oh, sena tacili cibotu kubelekela Mwami? [Mbunga yaamba, “Ameni.”—Mul.] Ta ndizyi nce ndinga Nda cita ikuti naa ni Nda tali Munakristo! . . . ? . . . Ncibotu buyo maningi kuba Munakristo. Ndi limvwa buyo kusotauka buyo koonse a ku kwiila, aagolela jwi lyangu. Kuba Munakristo, amu ciyeeye, koonse kubombomana muli Kristo!

¹⁰ Ndi lizyi Ndi ita zina lya mwaalumi oyu bulubide ciindi coonse. Ngu antela S.T. nanka T.S., na cintu cimwi mbuli eco. Sumners, Mukwesu Sumner. Walo . . . Ndi yanda kumulumba a mukaintu wakwe muyandisi muniini. Ndi yeeya kuti wakatola ciindi citandila, ciboneka mbuli, citandila ku myeezi iili cisambomwe, aa kutaipa aya *Makkalo Aabungano Aaliliciloba*. Elyo eno twa lijosya awa, kali taipidwe, lyabambwa kuti libalwe akululamikwa, a kuunka mu ciimo ca bbuku, *I Makkalo Aabungano Aaliliciloba*. Mucizi Sumner, kufumbwa ku busena

nkobede, cancobeni uyo tuzibya ku kubbadela kuli eco. Kuti, eco cakatola mulimo mupati. Baa, ndi pati *boobu*. Inga lya nditolela kutandila myweezi iili cisambomwe ku libala lyoonse, kulileka lilikke kweelela kuligwisya kuzwa ku teepu, elyo mpawo kuli pindamuna akugwisya zyakulolola, a kulibamba kuba mu bbuku. Tuyo yoli bamba a kuli tuma ku muncina upurinta cakufwambaana, nkambo tula yeeya kuti ngu cintu eco bantu nco beelede kujatilisya ndyoonya eno, nkabela inga mwalibala. Elyo Billy wali ku nditondezya buyo, cindi ni Nda jokela kuya, maminiti masyoonto aainda, kuti—kuti—kuti lya kali—lya kali bambidwe eno kuunka ku muncina uupurinta. Aboobo, mucizi, cikombelo ciyo kubbadela kuli ceeco. Ta ndi langili nduwe kucita eco cabuyo. Elyo—elyo nanka naa swebo. . . Ikuti na twaba a bbuku a kweelela kubikka muulo aali ndilyo, nanka cintu cimwi, tuyo bikka muulo awo mpo tu jana cintu cimwi kufumbwa ciindi twa lisambala, kufumbwa mbocibede. Amwaambaule buyo ku nkamu, nkamu ya basyomesi, nanka bamwi babo kuya, elyo bayo ci langanya kuli nduwe. I Mwami aku longezye kabotu ncobeni.

¹¹ Mukwesu a Mucizi Kidd bakacembaala baniini ba kkede awa, kumwi kuciimo kutanaba sika mwaanda, asyoonto loko buyo. Elyo Nda muswaangana kaindi kasyoonto kainda, elyo waa kaamba, “Ee, eci antela ciyooba ciindi camamanino nce Ndiyo konzya ku kubona, Mukwesu Billy.” Kaamba, “Ndili mukukomena loko.”

¹² Nda kaamba, “Oh, ma! Ta ndi yandi ku kumvwa kwaamba obo. Uli buyo mbuli baama a bataata bakacembaala baniini.” Tu lamuyanda Mukwesu a Mucizi Kidd. Swebo, umwi aumwi, ulacita. Elyo cali buyo. . .

¹³ Ci cita cintu cimwi kuli ndime cindi Nda babona kweenda mu mbungano, a banabukwetene bakacembaala baniini mbuli abo. Elyo koyeeya buyo, bakali kukambauka Makani mabotu ka Ndi tana kuzyalwa. Elyo Ndi mwaalumi wakomena. Iiyi, koyeeya buyo, bakali kukambauka ka Ndi tana zyalwa. Elyo mpaawa mpo Ndi bede eno, Ndi talika kuyeeya kuti Ndili mukukomena loko. Ndi tandila kuyeeya kuba aafwi kuli bambila kuleka. Nda bona Mukwesu a Mucizi Kidd kaba njila, “Bulemu kuli Leza! Aleluya!” Nda amba, “Peepe, Ndi mvwa kabotu.” Iiyi, munene. Ku ba bona, obo mbo bakonzya, obo mbo bakugwasya ncobeni!

¹⁴ Mpawo ula ziba kuti, kutandila myaka yangu yakukomena, alubo, elyo mpawo kaba ciyabuya mu mulimo. Baboola kunselelo cifumo cino a kulomba mabbuku, ikuti bakonzye kubweza mabbuku aku yoasambala. Bakali kuyanda mateepu, kutegwa inga bainka ku masena, ku leta bantu kwiinda mu kulizya mateepu aya, aa kutandila myaka iili mwaanda yakukomena. Lino ali kuli “mababa obile” aako ayo nge twakali kwambaula masiku ainda? Iiyi. Nda katalika

kuyeeya aali ncico, “Ino ali kuli aangu?” cindi na kaamba kuteeti—kuteeti ijilo. Uli a myaka yongaye yakukomena, Mucizi Kidd? [Mucizi Kidd waamba, “Ndili makumi aali lusele aomwe.”—Mul.] Makumi aali lusele aomwe. Uli a myaka yongaye yakukomena, Mukwesu Tom? [Mukwesu Kidd waamba, “Makumi aali lusele ayobile.”] Makumi aali lusele aomwe a makumi aali lusele ayobile yakukomena, elyo kabaci belesya mababa abo, mu mulimo, kaba ciyabuya.

¹⁵ Kufumbwa cintu calubila mu Ohio, eco Mucizi Kidd ncazi ancico, luwaile lulila kuya mu ng’anda. I buzuba bumwi, waa katumina, a muvwanda muniini, muvwanda musimbi muniini, Nda syoma ngo nguwe, waka zyalwa, a matumbo kaali aanze lyawo. [Mucizi Kidd waamba, “Isubilo.”—Mul.] Isubilo, kalili anze lya muvwanda. Elyo dokotela taakwe nca kazi cakucita a ndilyo, nkabela wa kali yoowede kuzumina mulimo wa kwaandula. Twa kakomba. [“Kamwaandulwa, Mukwesu Branham, a kwaajosya, nkaambo, ba kaamba, ‘Ta kali ku konzya kupona.’ Nkabela baka josya buyo matumbo aakwe mukati.”] Ka josya matumbo mukati, kubelesya kupandulwa, elyo bakali kuyeeya kuti inga na takapona. Elyo wa kapona. [“Taakwe mwakwiinda.”] Taakwe mwakiinda mpawo kwa—kwa i. . .kuzwa ku muzindo, kwa cakulya kuti ciinde mo. Elyo Mucizi Kidd wakaumya alimwi. Twa katuula mupailo alimwi, nkabela eno uli jisi mwakwiinda muli kabotu. Elyo ngooyu awa, mbuli kamboni; i dokotela, awalo. Mwabona? Ngu bumboni kuti Mwami Jesu, i Mulengi mupati! Mwabona eco Saatani ncakali kusola kucita? Kukosola buumi obo bwa muvwanda. Elyo mpawo, mwabona, mpawo Nda syoma kuti mulindu waka boola ku Mwami. [“Waa kajoka ku Mwami, nkoonya ku ng’anda yangu.”] Ku joka ku Mwami. Mucizi Kidd waka musololela kujoka kuli Kristo, nikwaka mana maleele aya mapati aakacitika ku muvwanda wakwe.

¹⁶ Nda katambula luwaile kuzwa ku California, ijilo, mukutausi mukwesu muniini kubusena kuya, oyo ngo Nda kali awe cindi ni Nda kasaanguna kuya ku California, myaka yakainda. Muzukulu wakwe mulombe muniini wa kazyalwa a—a tone. . .tuvaluvu totatwe tujalide mu moyo wato. Elyo Nda kamwaambila kasimpe ka zya bulwazi obo. Nda kaamba, “I Leza oyo uukonzya kulenga kambi aaka a kuka lulamika, ulakonzya cancobeni kuponya muzukulu wako mulombe.” Komwaambila biyo mulombe kuti abe a cambia cibotu.

¹⁷ Elyo mulombe wa kali ku muswaangano cindi ni Nda kali lutaanzi mu California, kutandila myaka iili kkumi aali lusele yakainda eno, myaka iili kkumi aali cisambomwe yakainda, mbo cainda. Elyo Nda kali mu California. Elyo walo. . .I muswaangano wakoongelezya mulombe oyo kusikila. . .Cindi ni bakabweza muvwanda, alimwi wa kazyalwa, alimwi bakabona kuti kwakali cintu cimwi cilubide, wakali kusiyyuka,

elyo bakasola kupompa okusigini muli nguwe, a zimwi. Elyo tii cakali kuboneka kuti uyo futuka pe, elyo ba madokotela mpawo bakapa kulangalanga, nkabela baka jana kuti tuvaluvu totatwe twakali sinkide akunamatila mu moyo wato. Kwakanyina mwakwiinda kuli koonse, mwabona, buyo—buyovaluvu yomwe kaipompa. Elyo wa kaita bawisi, a kwaamba, “Taata, koita Mukwesu Branham, mpooya buyo ncobeni. Komwaambila kuti koonse . . . ‘Ko lomba buyo Kristo. Ula cicita.’” Nce cico. Oh, ma! Oko koongezya, eco ncoba bona, bona, ncotwa kakanana, masiku ainda. I cintu ciluleme ku ciindi ciluleme.

¹⁸ Ee, tu la zumanana kwaambaula, inga tii twanjila mu ciyo, sa inga twacita? Cili mbuli molasesi kuciindi ca cifumo citontola, ula lema buyo mbuli mbo mboukonzya, nywebo mulizi, a koonse kujatana antoomwe. Tuli kkomene maningi kuba aa luswaanano luli obo. Iiyi, munene.

¹⁹ Aboobo eno atuli tontonzye, eno, a kuswiilila maningi ku ciyo eno. Kuunka ndiza . . . Ta ndizyi naa mula konzya kubona eco nanka pe, aa boodi lisiya. Ndiza ikuti Ndili nyone mujulu mbuli *boobu*, mu ziindi ziniini, baa, tuyo konzya, eno, no bamwi nywebo, ku . . . [Mukwesu Edgar “Doc” Branham waamba, “Tuyanda kabeela aali ncico?”—Mul.] Waamba nzi? [“Mu yanda kabeela aali ncico?”] Peepe, ta Ndi yeeyi boobu, ndyoonya eno, Doc. Buyo ndiza mu kusyoonto loko. [“Mpoonya aa cibuye, inga Nda bikka kabeela aali ncico.”] Ee, tuyo—tuyo cita eco cindi Nda akujana kusyoonto . . . Kujana kabeela awa? Ncibotu. Atu cijule buyo mponya aali ncico. Sena mula konzya kubona kusule loko kuya? Mula konzya? Ikuti na ula konzya kubona, nyamuka mujulu janza lyako, ikuti na ula konzya kubona boodi lisiya eelyo, kubala eco cili awo. Peepe. Ncibotu. Kobikka kasena. Lino, kuciindi nobali mukubamba nkambo ka eco . . .

²⁰ Nda muka kutalika cifumo cino; nanka, peepe, peepe, kutandila maminiti aali kkumi aosanwe cakufwambaana. Elyo aboobo, mpawo, tuyo tola ciindi cesu cilamfwu eno, nkaambo ta tuyandi kubinda pe. Cindi waba mu kubinda, mpawo ula nyonganya buyo zintu nzo wali kweelede kwaamba. Lino, Nda kali kuswiilila ku teepu, buzuba bumwi, mbuli mbo Nda kamwaambila, elyo Nda kausa nsoni maningi kuli lwangu; kutali eco nce Nda kali kwaamba, pele nzila mbo Nda kali kucaamba cakufwambaana maningi, nkabela ngu kumvwika kwa kulibilika. Nda limvwa mbuli kulindila. Ci . . .

²¹ Nda—Nda kabona buyo buzuba bumwi oko nko bakali kuyanda kuyaka busena bwa luwaya lwazya musokwe, muno mukati ka Louisville. Elyo Ba. Brown, Nda syoma wakali nguwe, kutala kuya, wakapa madollar aali milioni yomwe kugwasya ku busena bwa luwaya lwazya musokwe. Ee, ikuti ni Nda kali iijisi, inga ni Nda kapa eyo kuti baangulule banyama abo. Ta—Ta ndisyomi mu kuyakila kufumbwa cintu mbuli obo. Ndi buyo . . . Nda inka ku luwaya lwazya musokwe akubone

banyama abo bakaindi bapengede, bamasekese, a balavu, a zintu, kazyeeenda koonse akoonse, kwaangwa kwa buumi, nywebo mwabona. Cikupa kulimvwa bubu. Kakuli, bala jatwa ku bupambu bwa muntu uli musongo maningi kwiinda mbobade. Mwabona? Elyo bala bajata a kuba bikka mu buzike.

²² Elyo Nda kayeeya ancico: i dyabolosi ulacita eco. Ula bweza bantu babotu abo beelede kupumbulika mu masena mapati aa Leza, a myuunda, a— a zintu mbuli eco, mpawo ku mubikka mu ng'anda ya ntolongo ya kabungwe kamwi, nanka kayanza kabuzumini bumwi, nanka cintu cimwi, a ku mwaanga mukati muya. Nkabela ino ncintu ciyoosya mbocibede.

²³ Elyo ta Ndi botelwi luwaya lwazya musokwe. Pele Ndi mvwa cintu cimwi mbuli umwi wa banyama abo, cindi nimwa yakililwa koonse mu luwaya elyo kusola buyo kwaanguluka, nywebo mulizi, ku—ku kuzwa kuti uucita cintu cimwi.

²⁴ Lino, katutana kuboola ku Ijwi, atu boole kuli Mukamwini wa Ijwi, mbuli mbo tu kotamika mitwe yesu eno mu mupailo.

²⁵ Taata wesu Wakujuu Siluzyalu, twa bungana cifumo cino alimwi mu Zina lya Mwami Jesu, Mwana Wako muyandisi. Leza, mu mbili, wa kaboola ku nyika, nkambo ka mulungo wa zibi zyesu, a kufwa, i Mululami; kuti swebo, kwiinda ku mululami Wakwe, mukuba bataluleme kuteeti tubambwe kuba balondokede muli Nguwe. Twa boola ka tulyaambilila ikuti ta tweelede, Mwami. Kwiina cintu cibotu kujatikizya ndiswe. Elyo toonse tuli mu ng'anda mpati ya ntolongo. Takukwe makani omo mu kasena motwiimvwi, tu cili mu ntolongo toonse. Umwi inga takonzyi kugwasya umwi. Pele, Leza, mu luse Lwakwe lutagoli, wakaboola ansi a kujula milyango ya ntolongo, kuteeti atwa ngulule. Ta tucili bayakilidwe mu luwaya lino. Ta tuli mu luwaya lwa nyika, pele eno tuli angulukide. Tuli aanze.

²⁶ Oh, obo mbotu Mu lemeka a ku Mu yandisya! Mbobuti mbo tukonzya kweenda moonse mu myuunda mipati ya cisyomezyo Cakwe, a kwiibona kaiyubununwa kumbele lyesu! Elyo kwiinda ku meso esu eni, tulabona Leza mupati wa Butamani kaliyubulula Lwakwe kumbele lyesu, a kulibamba Mwini kuba kasimpe, mbuli Mbwa kacita ku basinsimi bakaindi. Mukuziba eci, kuti bala jatilila a kaanzambwene, kuti buzuba bumwi tuyo boozegwa alimwi, kwalo buumi obu bwamana, aa bubuke, ku Buumi Butamani obo butaka yabaali. Mibili yesu taika cempaali. Elyo tatu ka fwi pe. Elyo tatu kafwi nzala. Elyo tatukabi acakubula. Pele tuyo enda a Nguwe. Tu yanda ku Mu mvwa kaamba, “Amu njile mu lutangalo lwa Mwami, olo lwaka bambilwa ndinywe kuzwa kumalengelo aa nyika.” Kaindi cibi kacitana njila, obo Mbwa kajisi kulibambila kubambidwe, mbuli kwa Adamu a Eve, kuti inga tii bakeelede kuciswa nanka kuba a penzi. Elyo eno

Wa kaimbambila ndiswe, nkabela Wa kalizikale kuti twakali kuboola. Cibi caka bamba cintu cisinkila cipati, nkabela eno cibi cagwisigwa, kwiinda ku Bulowa bwa Jesu. Lino, tuli mu lweendo kuya ku Nyika ya cisyomezyo, kwiinda ku cisyomezyo ca Leza, cili ngu Butamani.

²⁷ Tu longezeye lino, Taata, mbuli mbo twiyya Ijwi Lyako. Tu yanda kuziba oyo musyobo wa bantu mbotweelede kuba, kutegwa tukabe Kuya. Tugwasye sunu mu cikolo eci, kuti tukonzye kuba a Mwiyyi Mweendelezi mupati kuba andiswe, i Muuya Uusalala, kuti inga waseluka a kuliyubununa Lwakwe kuli ndiswe, kwiinda ku Ijwi Lyakwe. Nkambo twa cilomba mu Zina Lwakwe a ku bulemu Bwakwe. Amenii.

²⁸ Lino, lutaanzi, Ndi yanda ndinywe kuti mujule a ndime kuli Petro Wabili, capita 1. Ndi yanda kubala cibeela ca Lugwalo olu, Petro Wabili, capita 1. Elyo kuli ndinywe nomu jisi mapepa a mapenso aanu . . .

²⁹ Elyo Nda syoma kuti Nda ambilwa cifumo cino kuti—kuti ciindi cimwi, kunyona mutwe wangu kuzwa kuya, kupa teepu kuta swililika kabotu. Ta ndiyandi ncobeni kucita eco. Elyo Nda syoma, ciindi cimwi, ikuti na inga twa yeeya kujana i—i maikrifoni ya lusabwe lwawaya a kwiilengelezya aa siling’i boodi awa. Takukwe makani nkonga waba mpawo, inga kunooli kabotu. Inga kuno londokede, koonse buyo kubusena, maikrofoni ya lusabwe lwawaya buyo aatala aa siling’i boodi.

³⁰ Elyo eno, mbuli kuciindi no Nda ambaula; elyo ikuti na nywebo, kwamana kuswangana, naka muyanda ku, inga mwakopolola mbaakani ntete eyi awa. Mpawo Nda kulemba ambebo mubupati awa. Ndiyo bweza ka kulengelezya a kukubikka kumbele awa, ikuti na mula yanda kucicita ciindi cimwi. Amuboole muno cakufwambaana masikati aya, kutegwa inga twa mvwisya.

³¹ Lino tu boola ku *I Zinamatizyo Ziliciloba*. Twa zwaa kumana biyo *I Makkalo Aambungano Aaliciloba*. Nkabela oyu Mulumbe uli aa kuyiisya, eco ciswaanganya muntu mukati, oyo uyo nununwa ku Bulowa bwa Mwami Jesu, elyo uyooba mu bukkalo abo bwa Mbungano, obo bukkalo bwa Mbungana Butamani ku mamanini aa Zinamatizyo. Lino tu lizyi kuti tuli aa Myeembo iili Yosanwe, Zipenzyo zili Zyosanwe, Mitiba, a zimwi, ezyo nzyo tunjila, mbuli mbo tuya buzwidilila. Pele tuli mukulindila busena bupati kutegwa bantu inga bakkala.

³² Lino, alimwi Nda li kuyeeya kuti eci inga ciswaanganya mukati buyo oko nko Nda likulangila. Ta ndilangili kulemba mbaakani eyi ntete, pele buzuba bumwi Nda kali antomwe a beenzuma bangu bamwi, bana Cox, ku musanza mu Kentucky. Nda kainka ku musanza, kayeeya kuti ndiza ndiyo njila mu buzuba bumwi bumbi bwa kuvwima basikaale kacitana jalwa ciindi ceelede. Elyo Nda kali kutala mu zisaka a mweenzuma

wangu, Charlie, wiimvwi awo, a Rodney, munyina wakwe. Tii Nda kabona kasikaale akwalo. Ndi yeeya kuti Nda kabakonga kucija boonse, cindi ni Nda koongolola kutala kuya mu zisaka. Eci nci caka boola kuli ndime, balombe, alimwi—alimwi Mucizi Nellie alimwi a Margie, elyo cindi ni Nda kamwaambila kuti inga Nda mwaambila Munsondo cindi Nda sika kuli ncico. Eco nci cakaboola kuli ndime, aa mulumbe ngu Nda likweelede kukanana wo. Elyo obo zimwi zyaco mbo zyaka swaangana moonya muli ncico! Elyo, oh, Nda botelwa eco. Kajisi i—i muuya wancobeni—wancobeni wa koongolola, kutala kuya mu zisaka.

³³ Aboobo eno, atu bale eno, Petro Mutaanzi, nanka . . . Petro Wabili, mubwini, capita 1, cibeela ca Ncico.

Simoni Petro, muzike a muapostolo wa Jesu Kristo, kuli baabo bajisi lusyomo luyandisi mbuli lwesu antomwe a ndiswe kwiinda mu bululami bwa Leza a Mufutuli wesu Jesu Kristo:

³⁴ Nda botelwa inzila mbo caambidwe ncobeni kuya, nkaambo ciiyo cangu coonse cifumo cino cili a lusyomo. Mwabona? Andi cibala eco alimwi. Amuswiilile kabotu.

Simoni Petro, muzike a muapostolo wa Jesu Kristo, kuli baabo bajana—bakajana lusyomo luyandisi mbuli lwesu . . . kwiinda mu bululami bwa Leza . . . Mufutuli wesu a Jesu Kristo:

³⁵ Amubone, uli mukwaamba, kuti, “Nda kajana lusyomo olu, elyo Ndili muku kananina eci kuli baabo a bajana lusyomo luyandisi mbuli lwesu.” Ndi yanda . . . Ta cili ku nyika yaanze. Eci nca ku Mbungano, mwabona, abo bali muli Kristo.

Luzyalo a luumuno luvuzizigwe kuli ndinywe kwiinda ku luzibo lwa Leza, a (kwiinda ku) lwa Jesu Kristo Mwami wesu,

Kweendelana ku nguzu zyakwe zybuleza wa tupa zintu zyoonse . . . nguzu zyakwe zybuleza eno wa tupa zintu zyoonse ezyo zijatikizya ku buumi . . . kulemekaleza, kwiinda ku luzibo lwa nguwe oyo wa twiita ku bulemu a bubotu:

Mulinzizyo twa kapegwa kuli . . . kapegwa kuli ndiswe zisyomezyo ziyandisi a zipati loko: kuti kwiinda kuli zeezi (zisyomezyo ezi) tu konzye kuba basizyaabilo zya bupange bwa buleza, . . .

³⁶ Lino amuleke eco cinjile kungsi mu miyeeyo ncobeni eno. Kutali kukambauka cifumo cino; tu yiisya buyo ciiyo eci. “Bupange bwa Buleza.” Andi bale kampango ako ka 4 alimwi eno, kutegwa muta kakilwi kucimvwa. “Mulinzizyo tu lipedwe . . .”

Mulinzizyo kuli pedwe kuli ndiswe zisyomezyo ziyandisi a zipati loko: kuti kwiinda kuli zeezi

(zisyomezyo ezi) *tu konzye kuba basizyaabilo zya bupange bwa buleza, mbo twaka vunwa ku bubu obo buli mu nyika kwiinda mu cisusi.*

37 Mwabona, “i nyika,” twa vunwa kuli eco eno. Uli mulemba eci ku Mbungano. Aako nke kaambo tuli ano cifumo cino, nku jana kuti ni nzila nzi, oko nkoyandika kwa Leza. Taakwe muntu mukati muno, oyo uyanda Leza, pele uyanda ku—uyanda kukozyanya loko mbuli Kristo. Lino cili bikkidwe abusena awa. Oonse Munakristo! Ndili siluzibo lunji wakaindi. Amulange ku Mukwesu a Mucizi Kidd awa, antela mbe bapati maningi mu buyake. Pele kuti inga Nda babuzya, “Ino kuyandisisya kwa moyo wanu ninzi?” Inga kwaba, “Kuswena loko kuli Leza.” Cindi wayiya kwa Kristo, kuli cintu cimwi cijatikizya Nguwe eco ciyandwa maningi, ula sola buyo kunjila moonya muli Nguwe.

38 Mundijatile ku mwaambo oyu. Nda kambila mukaintu wangu, awa kutali ciindi cilamfu cakainda, waa . . . toonse tuli mukucembaala, elyo Nda kaamba kuli nguwe, Nda kaamba, “Sena ula ndiyanda mbuli mbo kali kucita?”

Waa kaamba, “Nda cita cancobeni.”

39 Elyo Nda kaamba, “Yebo ulizi, Nda kuyanda maningi mane inga Nda yanda kukubweza a ku kukwelela mukati muli ndime, kutegwa tukonzye buyo kuba, cakasimpe, kuba bomwe, kunji.”

40 Lino, kuti, civuzizye eco milioni iili mwaanda, elyo mpawo uyo jana obo kuti musyomi, oyo uba muyando a Kristo, mbwayanda kuba muli Nguwe, nkaambo ngu luyando. Nkabela awa Uyo tondezya obo kuti, kwiinda mu zisyomezyo ezi, kuteeti inga twaba basizyaabilo zya bupange bwa Buleza ibwa Kristo. Eyi, mibili iifwika, obo kwalo mbo tukonzya kuba basizyaabilo.

41 Inga Nda amba cintu cimwi awa. I kaambo nco Ndi syoma . . . Lino muntu umwi taka ndimvwa kabotu koonse, awa kutali ciindi cilamfu cakainda. Ndi jisi lugwalo kuzwa ku nkamu ya bakutausi, eyo ya kaamba kuti Ndi syoma kuteeti kwakali . . . “Twa kabambwa kuba banabukwetene kubuntu. Elyo tweelede kuleka mbetu kwetene antoomwe ikuti na tee twakabambwa kuba banabukwetene kubuntu kuli mbabo, ku kwata umwi umbi oyo ngo twaka bambwa kuba banabukwetene kubuntu.” Oh, ma!

42 Nda kaamba, “Ta ndi jisi mulandu wa buzumini bwa bunzangi bwabukombi mbuli obo.” Nda cilwana eco lyeonse. Ta—Ta ndi syomi muli eco pe. Camasimpe kutali obo. Nda syoma kuti Leza ulatupa mweenzuma. Eco mbwini. Elyo mpawo twaba cibeela umwi aumwi. Cili luleme. Elyo mwaalumi katana kwata, uleelede kuyeeya zintu ezi, ku cilangalanga.

43 I mwaalumi mukubusyi waka ndibuzya buzuba bumwi, kaamba, “Yebo uyeeya kuti inga Nda, ndeelede kukwata, Mukwesu Branham, mu musimbi uli *boobu-a-boobu?*”

Nda kaamba, “Nkunji buti nko muyeeya?”

Wa kaamba, “Oh, ma, Nda muyanda buyo.”

Nda kaamba, “Ee, ikuti na tokaponi kakutakwe nguwe, yebo ncibotu umukwate mpawo. Pele ikuti kokonzya kupona kakutakwe nguwe, yebo ncibotu utaciti. Aboobo, pele ikuti na ciyo kujaya, yebo ncibotu—yebo ncibotu uyaambele a kukwata,” Nda kaamba. Elyo aboobo eco nce Nda kali kusola kuti amvwe, eci, kuti, ikuti na yebo ula muyanda maningi!

⁴⁴ Lino, ndyoonya eno, kotana kwata, zintu zyoonse zili kabotu buyo a kunoneezya. Pele wamana kukwata, mpawo mapenzi a masukusyo aa buumi ala njila. Eco nce cindi cakuba mu luyando maningi cakuti mula zibana umwi aumwi. Ciindi wa tyompwa mu nguwe, waa tyompwa muli nduwe, mucu zibana umwi aumwi.

⁴⁵ Eyo nje nzila mboibede kuli Kristo. Mwabona? Tweelede kuba maningi mu luyando a Nguwe, mane cindi twa lombacintu cimwi, elyo Ta cipi kuli ndiswe, eco taci tuzunganyi nokuceya. Mwabona? Mwabona? Nkamboonzi? Elyo nzila buyo mbomu konzya kucita eco, nkuba basizyaabulo zya bupange Bwakwe bwa Buleza, nkabela muyo mvwisya kaambo nca Ta konzyi kucipa kuli ndinywe. “Basizyaabulo zya bupange Bwakwe bwa Buleza.”

⁴⁶ Elyo amulange awa, “Mbokunga mwakavunwa bubu obo buli mu nyika kwiinda ku cisusi.” Kavunwa kuli ncico! Mwabona oyo ngo caambilidwe? Nku Mbungano, balo abo bali muli Kristo, baka sumpulwa aatala aa zintu ezi. Kutali kuti waka lisumpula lwakwe, pele Kristo waka musumpula.

⁴⁷ Ku bakwesu bangu bantu basiya a bacizi abo baliko cifumocino, ta Nda ambi eci kwiinda ku kunyonganya kuli koonse. Pele, ndakali mu muswaangano ciindi cimwi cakainda, ta Ndi zyi naa Nda kasola ku caamba mu cikombelo. Nda ka caamba mu masena manji. Kwakali mucizi uusiya wakaamba, “Sa inga Nda zumizigwa kupa bulunguluzi, nanka kupa bumboni?”

“Cancobeni, mucizi, ko zumanana ncobeni.”

⁴⁸ Waa kaamba, “Ndi yanda kwaamba bumboni obu ku bulemu bwa Leza.” Waa kaamba, “Nywebo mulizi, Ta—Ta ndili obo mbo Nde elede kuba,” alimwi waa aamba, “Ta—Ta ndili obo mbo Ndi yanda kuba, pele,” waa kaamba, “cintu comwe masimpe, ta Ndili mbo Nda kabede.” Mwabona? Waa kazwa ku busena bumwi. Waa ka sumpulwa.

⁴⁹ Eyo nje nzila mbo tuziba kuti twakazwa kuzwa ku lufu kuya ku Buumi. Tu lalanga ku mulindi oko nkwa gwisigwa. Mwabona? Ta tuli obo mbo tuyanda kuba; ta tuli akwalo mbo tweelede kuba; pele cintu comwe nco tulumbila, ta tuli obo mbo twa kabede. Mbombubo. Tuli mu mugwagwa.

⁵⁰ “Elyo mbokunga twa kavunwa ku bubu bwa nyika.” Mbokunga twa kavunwa kuli eco, cisusi a bubu bwa nyika,

yebo uli aatala aceeco. Lino eeco—lino eeco nce cikonyano ca muntu oyo Ngwali mukubandikila, muntu oyo waka vunwa ku zintu ezi, mwabona, bubi bwa nyika.

Elyo kunze lya ceeci, amusungwaalile ca moyo oonse, amuyungizye ku lusyomo lwanu bubotu; a ku bubotu luzibo;

Elyo ku luzibo lulyeendelezyo; . . .ku lulyeendelezyo lukakatilo; . . .ku lukakatilo kulemekaleza;

Elyo ku kulemekaleza luyandano lwabunyina; elyo ku luyandano lwabunyina luyandisyo.

⁵¹ Lino Wa tupa bupanduluzi bupati awa kuli eco cakucita, kuziba nzila yakucicita. Lino, mbuli mbo Nda amba, toonse tusola kuboola mumsi maningi kuli Leza. Ako nke kaambo nco Nda sala Mulumbe oyu cifumo cino, ku mbungano, kuziba kuti bantu bali mu lweendo. Kwa masiku ainda, Nda kaamba, “Mbangaye bali kuno, bata kkali mu dolopo?” Kutandila cibeela cili makumi aali fuka alusele ca bantu, bata kkali mu dolopo. “Mbangaye bali kuno bazwa mamaile aali mwaanda?” Baa, ca indilila, Nda yeeyela, cibeela ca makumi aali lusele. “Mbangaye bali muno bazwa kwiindilila ma maele aali myaanda yasanwe?” Alimwi kutandila i—i bunji bwa bantu bakali kuno bazwa kwiinda mamaele aali mwaanda, myaanda yosanwe kulaale. Amu ciyeyeye, ku bantu mu lweendo. Ee, abo bantu taba booli ku cikombelo mbuli obo buyo kuti babonwe. Taakwe omwe. . .mbuli eco nyika yaanze ncoinga yabona bweebesi buli boonse ku busena obu. Mbantu boonse bazizilwe, basama, buzizilwe caansi. Taakwe nyimbo zilemu kuzwa ku kkwaya imwi ya Baangelo yakuli cengeezya, maogani amapai, mpulunwido zimwi zya magilazi aamabala mabala. Mu jisi ciindi ciyumu ca kujana aakukkala a cuuno akwiima ku bwaanda boonse. Ta ba booleli mbuli cili boobo. Pele bala boola nkambo mukati muli mbabo muli cintu cimwi cibona bweebesi obo liso lya kunyama ncoli takonzyi kubona. Ngu liso lya kumuuya eelyo lijata bweebesi bwa Kristo. Ako nke kaambo nco baboola.

⁵² Aboobo, ku mazuba katutanaba a kuswaangana, Nda komba cakuzumanana. Kuya ku zisaka, kutolelezya mu nkomo yangu. . .Kwaambila mukaintu wangu, “Ndi inka kubusena bwa kuyo vwima basikaale cifumo cino.” Elyo Nda bikka penso a pepa mu nkomo yangu. Kufumbwabuyo kwaba mumuni weelede wa kukubona, Ndili kkedede kuyaama ku musamu ku busena bumwi, maanza mujulu mu luwo, a kwaamba, “Mwami, ino inga Nda citanzi sunu? Ino Uyo ndipa nzi ca bana Bako?”

⁵³ Mpawo cindi Nda uma cintu cimwi eco cibaanga cilapya kungsi amoyo, kuboola cintu cimwi mbuli eci. Cindi Busyu Bwakwe kwaswena, Nda talika kumvwa cintu cimwi mbuli

kulaale mu musinzo, cintu cimwi mu bweende obu. “Ziindi zyobile kwa zyobile ngu tone.” Mungsi maningi, “Ziindi zyobile kwa zyobile ngu tone. Ziindi zyobile kwa zyobile ngu tone.” [Mukwesu Branham wakanana kuloolola akumwi kufwambaana maningi aniini—Mul.] Kuyabuya, kuyabuya, kuyabuya, mbuli obo. Ngu Busyu Bwakwe kabunjila.

⁵⁴ Ko lipa lwako, elyo kwainda kaindi yebo ulatalika kutakonzyi kulijata. Mpaawo kwaboola cilengaano, “Koya ku busena buli *boobu-a-boobu*, a cintu cili *boobu-a-boobu*.” Mwabona? Watalika kweenda, kuzwa ku kuyeeya muzeezo wako kuya aali Leza, kuzwa ku nyika, kutantamuka kuzwa ku nyika, kubusena mu nkanda, koli olikke.

⁵⁵ Elyo Bu latalika kuboola, “Komwe, komwe. . .” Nda amba, kufumbwa mweelwe, nanka kufumbwa cintu, cintu cimwi buyo catalika bucebuce, kuyabuceya kulimwisya kunjila. Mpawo cilaboola kubinda loko, kubinda loko. Ula kkala awo a kunyamuna maanza ako mujulu, kutaamba jwi, kujatilila buyo maanza aako mu luwo. Cintu citaanzi mulizi, buntu bwako boonse bula kwempwa. Mpawo ula bona zintu ezyo Nzya yanda kuti uzibe, ku kutondezya zintu ezyo iziciza.

⁵⁶ Ciindi cimwi cila libonya ku busena, kusikila ku busena bumwi, elyo mpawo nkwiima. Ta cinjili mu cilengaano. Mpawo Magwalo alaboola mubunji buyo antoomwe. [Mukwesu Branham walizya kanwe kakwe ziindi zyoatatwe—Mul.] Nda kwempa penso yangu, kutegwa Ndi ta cilubi, a kucilemba aapepa, kucilemba aapepa.

⁵⁷ Elyo Nda boola ku ng’anda a ku cilangalanga, aku cilingula. Nkabela ziindi zimwi tacibambi akwalo kuyeeya kubotu kuli ndime cindi ne Ndili mu kucilangalanga. Elyo mpawo, kwainda kaindi kaniini, nceeci mbo cibede! Eco cilauma, elyo kulaale cilainka alimwi. Mpawo Ndi labweza kabbuku kaniini mbuli *awa*, elyo kutalika buyo kulemba cifwanikiso kuya ansi, canguzu buyo mbuli mbo Ndi konzya, eco nca Nda ambila. Nda kayeeya, “Mwami, Ndiya kunselelo ku cikombelo a kubaambila. Nda. . . ‘Kuboola kunselelo.’ Ndi jisi cintu cimwi cabo.” Ee, obo mbociboola. Eco mbombubo. Kusikila, lutaanzi, Wa cipa kuli ndime, ta Ndi konzyi ku civozya.

⁵⁸ Aboobo, mpawo, aa kulemba oku kuniini oko nko mundibona kulanga ansi aali nkuko. Elyo oku, lutaanzi, Nda katalika, tee Nda kajana cibeela eci awa kusikila buyo kutandila i buzuba nanka mazuba obilo, kutala mu zisaka.

⁵⁹ Lino, aba bantu bali—bali. . . Petro ulaamba, awa, nzila eyo mbo tweelede kuba basizyaabilo zya bupange Bwakwe bwa Buleza. Lino, umwi aumwi wesu tuli mukusola kukomena kuba mu ciimo ca Leza.

⁶⁰ Lino, twamana kuzwidilila a Zinamatizyo Ziliciloba, mpawo, ku ciindi ca kulila kwa Cinamatizyo Caciloba, nanka ikunamatula...Mubwini, tu lizyi cinamatizyo nco caamba, nku namatula mulimo, nku namatula Zinamatizyo Ziliciloba. Elyo tu lacibona eco mpaonya aa pepa lya durowing'i. Ngu kunamatula Mulumbe, cintu cimwi cinamatikidwe.

⁶¹ Masiku aa Munsondo yainda, Nda kakambauka aa, "I Cijaluzyo." Nkabela cijaluzyo ngu lusyomo. I lusyomo lujata cijaluzyo, alimwi cijaluzyo ngu Malembe. Elyo Kristo ngo Mulyango. Mwabona? Aboobo lusyomo lulabweza twa tujatizyo tuniini twa Malembe a kubbutukizya ibulemu a bubotu bwa Leza, kuzibya ku bantu Bakwe. Mwabona? Aboobo, ngu, lusyomo lujata cijaluzyo eco cibbutukizya akuzibya Kristo ku bantu; ku cibbutukizya akucizibya, ku ciyubununa.

⁶² Aboobo, sunu, tuyo sola kubweza cijaluzyo eco nciconya, tu bbutukizya akuzibya nzila ya Munakristo uulilemeka kabotu maningi mu ciimo ca Leza, kuti, a kuba Cikombelo cipona ca Leza uupona kuti a kakkalila mo.

⁶³ Amuyeeye, Leza ula liyubununa Lwakwe mu nzila zyotatwe. Ciindi citaanzi, Wa kaliyubununa Lwakwe mu Musumpululu wa Mulilo, obo mbwakali kutegwa Bubebwataata. Mpawo oyo nguwenya Leza, kayubuluka muli Jesu Kristo, kwalo Wa kayaka mubili, kabamba mubili oyu. Catatu, kwiinda mu lufu lwa mubili oyo, Wa kasalazya Mbungano kuti Akonzye kukkalila mo. Wa kali Leza aatala lyesu; Leza aswebo; Leza muli ndiswe; Leza nguwenya.

⁶⁴ Ako nke kaambo ncocakali kutegwa Taata, Mwana, Muuya Uusalala. Kutali Baleza botatwe; milimo yotatwe ya Leza omwe. Ni baka yeeya buyo boobo ku Nkamu yaku Nicene, inga notwa taka nyongana toonse pe, sa nitwakaba obo? Mbo mbubo. Kutali baleza botatwe. I bantu tii baka konzya kumvwisya Jesu nzila mbwa kaambaula kuli Taata, elyo Walo a Taata bali Umwi. Ee, mboobo cintu coonse mbocibede. Masimpe, ku ciyubununa buyo. Ncamasimpe. Mwabona? Ta bali Baleza botatwe. Milimo yotatwe! Kotatwe kuyu- . . .

⁶⁵ Ino ncinzi? Leza kalitola aansu kuya ku bulenge Bwakwe. Leza uyanda ku kombwa. I bbala *Leza* caamba "cintu ca kukomba." Elyo ngu Leza kali mukusola koongelezya bantu Bakwe, kutegwa A konzye kujana kuzwa kuli mbabo eco Nca kabalengela. Ta kakubamba kuba cintu cimwi cimbi kunze lya mwana mulombe amwana musimbi wa Leza. Ikuti na wa kaciimpya eco, kuba mwana mulombe amwana musimbi wa Leza, yebo wakaimpya mbaakani.

⁶⁶ Elyo "kwiimpya," bbala *c-i-b-i* caamba "i kwiimpya mbaakani," kwiimpya mbaakani. Mpawo, ikuti na Ndi dubula ambakani, kuuma cigwabikidwe ku mayaadi aali makumi osanwe, alimwi Nda dubula; kubikka aansu ntoblo yangu a

kudubula, elyo Nda impya, mainci one nanka osanwe, ncinzi cakacitika? Ntobolo yangu iyandika kucinwacinwa kabotu. Kuli cintu cimwi cilubide. Elyo ikuti na Nda impya lusyomo muli Leza, ikuti na Nda impya kuba Munakristo. . . Leza waka kubikka awa kuba Munakristo. Ikuti na uli aanze kulubazu lumwi, ko joka kuti ululamikwe kabotu. Nkabela cintu comwe luzutu cikonzya ku kululamika, ayo Malembe. I Muuya Uusalala mu Malembe, ula kululamika, ku kuleta kwini ku mbaakani alimwi. Mbo mbubo.

⁶⁷ Lino, tu yoiya Ijwi Lwakwe. Stefano wa kaamba, mu Incito 7, alimwi akwalo mu. . . Atu bale buyo eco. (Kwaambaula eno, tuli mu kwaambaula zya Cikombelo ca Leza.) Lino, Stefano wa kaamba. . . (Cilenge, ciyooba Cikombelo cipona ca Leza.) Stefano wa kaamba, mu Incito capita 7, elyo Nda syoma tu. . . mu Incito 7, kotalikila kutandila kampango ka 44:

Bamatata besu bakali jisi cikombelo ca bumboni mu nkanda, mbuli mbwa kalailila, kaamba kuli Musa, kuti uleelede kucicita mbubonya ku cikozyanyo eco nca kabona.

Nceceeco acalo bamatata besu ncoba kajisi, bamatata besu abo ba kanjila kutobela kuleta mukati. . . Jesu ku lukono lwa Bamasi, abo Leza mba katanda kumbele lya busyu bwa bamatata besu, kusikila ku buzuba bwa Davida;

Oyo waka jana luzyalo kumbele lya Leza, nkabela wakayanda kujana cikombelo ca Leza wa Jakobo.

Pele Solomoni waka muyakila i ng'anda.

Nekubaboobo Sijulu lwa majulu takkali mu matempele aaka citwa aa maanza a muntu; mbuli mbwa kaamba musinsimi,

Julu ngu cuuno cangu, a nyika mbu tandabilo bwa matende aangu: ino ni ng'anda nzi nywebo njomuti ndiyakile? mbwaamba Mwami: nanka mbubuli busena bwa kulyokezezya kwangu?

⁶⁸ Lino mu. . . Lino, “cikombelo,” ngu, mubwini, busena oko nkotuunka kuyo lyookezya, eno, kujana bubotu bupya, a zimwi, mbuli kulyookezya kuzwa ku koono, nanka a zimbi. Lino, ba Hebrayo 10, a kampango ka 5, Paulo ula cinjizya.

Nceceeco ncaambila bobuya cindi na kaboola mu nyika, wa kaamba, Cituuzyo. . . (Oyo ngu Kristo). . . Cituuzyo a cipo enzyo nzyeyanda pe, pele mubili ngo kandi bambila:

⁶⁹ Ino Cikombelo ncinzi lino? I Mubili, Leza kakkala mu Mubili.

70 Leza lumwi, kuya kujulu, cindi Na kaseluka aa cilundu, nekuba kuti i-i musune na ng'ombe yaka guma cilundu, ileelede ku jaigwa. Leza ulasalala.

71 Mangolezya akainda, cindi Baangelo aabo niba kavumba masyu Aabo. Baserafimu Basalala a masyu aabo asalala, tabazi akwalo cibi nco caamba, elyo beelede kuvumba masyu Aabo, mu Busyu bwa Leza; kuvumba matende Aabo, mu bubombe.

72 Lino, Leza uusalala takali kukonzya kuzumizya cibi, aboobo taakwe cintu cakali kukonzya kuguma cilundu abusena Leza mpakabede.

73 Mpawo Leza wakaba mu mubili wabuntu a kukkala aakati kesu, mu ciimo ca Jesu Kristo, Mwana Wakwe, cilenge Cakwe. Mpawo oyo Mwana wakapa buumi Bwakwe, elyo seelo lya Bulowa ilya Leza lyakakwamuka, kutegwa Buumi bukonzye kuzwa ku Bulowa, kuya kuli ndiswe.

74 Kwiinda mu Bulowa obo twa kasalazigwa. Elyo eno bulowa bwesu, buumi bwesu, obo bwaka boola kwiinda ku kuyanda kwa kulyanankwela, bwakaleta buumi bwesu mu nyika. I Bulowa bwa Jesu Kristo bula tusalazya, bucinca bupange bwesu, kwiinda mu kutuma Muuya Uusalala aali ndiswe; mpawo twaba mu bupange bwa Buleza ibwa Leza, mpawo twaba busena bwakukkalila kwa Leza. Jesu wa kaamba, "Ku buzuba obo muyo ziba kuti Ndili muli Taata, a Taata muli Ndime; Mebo muli ndinywe, a nywebo muli Ndime." Mwabona?

75 Kuziba obo Leza oyo mbwabede mu Mbungano Yakwe. I Mbungano eno yeelede kubweza busena bwa Kristo, kuzumanana mulimo Wakwe. "Oyo usyoma aali Ndime, milimo Nje cita uyoicita ayalo. Kwalo kaindi kaniini, elyo nyika tici Ndi boni limbi; kwalo muyo Ndi bona, nkambo Ndiyo oba a ndinywe, a muli ndinywe, ku mamano a nyika." Mwabona? Nceeco mbocibede, kuzumanana mulimo Wakwe.

76 Lino, Leza, nanka Bbaibbele lya kaamba awa, kuti. Stefano waka kanana kwa Solomoni kuyaka tempele, "Elyo Sijulu Lya majulu takkali mu matempele akacitwa aa maanza. 'Nkambo Julu ngu Cuuno Cangu, a nyika mbutandabilo bwa matende Aangu. Elyo buli kuli busena bwa kulyokezezya Kwangu?' 'Pele Mubili Yebo ngo ka Ndi bambila.'" Amen. Mboobo mbocibede.

77 "I Mubili Yebo ngo waka Ndi bambila." Leza ukkala mu ciimo ca muntu, kalitondezya Lwakwe mu Buntu obo. Kukomba kulondokede! Leza muli ndiswe, kuba Cikombelo Cakwe, Leza kayubunuka. Oh, obo mbo tukonzya kukkala aali eco kusikila inga wafundilila mukati muno, kuzwa ku kupya. Amuzibe, kuti, Leza lyoonse, ku ciindi coonse, waka litondezya Lwakwe mu muntu.

78 Oyo wakali Leza muli Musa. Amulange aali nguwe, wakazyalwa musololi; Kristo. Mu ciindi nca kazyalwa kwakali

kupenzegwa kwa bana, kusola kumu jaya; mbubonya mboca kabede a Kristo. Elyo wa ka—wa ka nununwa mu ciindi eco; a Kristo mbwa kabede. Wa kali sikupa milao; a Kristo mbwa kabede. Musa wakainka kutala, mazuba aali makumi one, a kutambula milao, nkabela wakaseluka. Kristo wakainka mu nkanda, mazuba aali makumi one, a kujoka, kaamba, “Yebo mwakamvwa kuli balo bakale, ‘Uta citi bumambi.’ Pele, Nda mwaambila, kufumbwa muntu uulanga aa mwanakazi, ca kusukama a nguwe, wacita kale bumambi a nguwe.” Mwabona? Zyoonse ezi zintu zyaandene, kuti, Leza ulalitondezya Lwakwe.

⁷⁹ Amulange aali Josefa, wakazyalwa mulombe wa kumuuya aakati i—i kankamu ya babunyina. Ba kali bantu babotu, boonse balo basikale. Pele, cindi Josefa na kaboola, wakali andeene. Wa kali kukonzya kubona cilengaano, kupandulula ciloto, nkabela wa kasulaikwa a babunyina bakwe nkaambo ka ceeco. Nkaambo ka mulimo nguonya oyo Leza ngwaka mubikkila aa nyika kuti acite, babunyina bakwe baka musulaika nkambo ka nguwo. Mwabona? Nkabela cakali kutondeka ku ciingano. Alimwi, amulange, wa kauzigwa kutandila nsiliva zili makumi otatwe, a babunyina bakwe. Kamusowela mu mulindi, kuti afwe, a babunyina bakwe. Wakagwisigwa kuzwa ku mulindi oyo, a kuunka a kukkala ku janza lya lulyo ilya Farao. Elyo taakwe muntu wakali kukonzya kuunka kuli Farao, oyo wa kali kweendelezya nyika ku buzuba obo, taakwe muntu wakali kukonzya kuboola kuli Farao, cita kwiinda muli Josefa. Taakwe muntu wakali ukonzya kuboola kuli Leza, cita kwiinda muli Kristo. Alimwi cindi Josefa nakazwa mu ng’anda yabwami, katana kuzwa, kwakali mweembo wakalila, elyo basikuzuza bakazuza kumbele lyakwe, akoongolola, “Amufugame ku mazwi! Josefa ulaboola!” Takukwe makani awo mpo kabede, nanka eco neokali kucita, obo mulimo mbowakali mupati; wa kalelede kufugama aa mazwi aako kusikila Josefa wasika kuya.

⁸⁰ Elyo cindi Mweembo waakulila, bumwi bwa mazuba aya, mazwi oonse ayo fugama a ndimi zyoonse ziyo amba. Cindi Kristo, Josefa wesu, aakusiya Bulemu a kusika, milimo yanu taikabi mipati eelyo. Mazwi oonse ayo fugama, a ku Mwaamba kuba Mwana wa Leza. Mbo mbubo.

⁸¹ Oh, obo mbo tu Mu bona muli Davida! Obo Davida, i mwaami wakakakwa, wakatandwa ku cuuno cakwe cabwami cini, a babunyina bakwe, mwana wakwe wini, kakkala aatala Mulundu wa Elaioni, mbuli mbwakali kutanta, aatala lya Mulundu wa Elaioni, wakacebuka koonse aali Jerusalemu a kulila; nkambo kuya bantu bakwe beni, abo mbaka belekela a kubayiisya zya Leza, elyo bantu bakwe beni baka mufutatila a ku mufusa zintu, kuswida mate aali nguwe a kumufubaazya, cindi nakatalika kuya aatala lya cilundu nkabela wakakakwa.

Oh, obo mbo cilondokede ku Mwana wa Leza, myaka iili lusele yakacilila; Mwaami wakakakwa, aakati ka bantu Bakwe Beni, waka kkala a mulundu a koomokela Jerusalemu, mbuli Mwaami wakakakwa.

⁸² Ino cakali cinzi? Leza kalitondezya Lwakwe mu basinsimi aabo, katondezya Kristo.

⁸³ Nkabela mpaawo kwaboola Umwi wakali bulondosi bwa Leza. Wa kali Leza aakati kesu.

⁸⁴ Elyo kuzwa ciindi eco, Wa litondezya Lwakwe mu Mbungano Yakwe, lubazu olu lwa Kalivari. Aboobo, nywebo mwabona, toonse tuli mukusola kusika ku busena obu bwakukkalila, Cikombelo ca Leza uupona. Lino kuli bantu bamwi . . .

⁸⁵ Tu labona awa, wa kaamba, “Lutaanzi tu lijisi lusyomo, bubotu, luzibo, lulyeendeleyo, lukakatilo, bubebubotu nanka kulemekaleza, a luyando lwabunyina.” Ncibotu. Luyandano lwabunyina, elyo mpawo amuyungizye luyando. Andi bale eci, koonse, kuloolola alimwi, kutegwa mube masimpe kucimvwa eno. Lino tuyo talikila a kampango ka 5.

Elyo kunze lyaceeci, amusungwaalile ca moyo oonse, amungizye ku lusyomo lwanu bubotu; a ku bubotu luzibo;

Elyo ku luzibo lulyeendeleyo; a ku lulyeendeleyo lukakatilo; a ku lukakaktilo kulemekaleza;

Elyo ku kulemekaleza luyandano lwabunyina; a ku luyandano lwabunyina luyandisyo, luli ngo luyando.

. . . ikuti na zintu ezi kazili muli ndinywe, a kukkalila, ziyo mubamba kuti mutabi batolo nanka batazyali micelo mu luzibo lwa Mwami Jesu Kristo wesu.

⁸⁶ Lino Petro upa bupanduluzi bwa twaambo tupati twa cintu cimwi awa kuli ndiswe, kwalo nzila mbokusikwa kuya.

⁸⁷ Lino Ndi yanda kwaamba eci, kuti, kuli bantu bamwi abo bajisi cibeela ca bubotu, luzibo, busongo, lukakatilo, a zimwi, abo batasoli ku lyaamba kuba Munakristo. Lino tuli biyo . . . tu yiisya cikolo ca Munsondo. Nkabela eco mbwini. Kuli bantu bamwi bajisi cibeela eci, abo batasoli kulicengeezya kuba Munakristo. Pele eco taca . . . Eco taci koocicita. Cili mbuli muyuni uusiya kusola kusama mapepe a piikkoko mu mababa aakwe, ku mubamba kuba piikkoko. Uli sampaula buyo lwakwe. Ncibotu kukkala kuba muyuni uusiya. Mwabona? Cindi a sola kubelesya zintu ezi kakutakwe kuba Munakristo, uli zwide koonse buyo ncobeni kuzwa ku busena.

⁸⁸ Cili mbuli musamu wa mukuyu kusola kupanga maapele. Ta ukonzyi kucicita, mwabona, nekubakuti musamu. Pele taukonzyi kupanga maapele.

⁸⁹ Cili mbuli kambongolo kakasola kupanga boyabwambelele, kakasola kuba mbelele kakuli ngu—ngu kambongolo. Nywebo mwabona, takaka konzyi kupanga boyabwambelele. Ta kakonzyi kucicita. Buyabwambelele ngu cipego ku mbelele, kutali ku kambongolo. Inga kasola kulilemeka mbuli mbelele, pele kalo kacili kambongolo. Mwabona? Aboobo, wa amba, “Ee, Inga ndalya mbuli mbelele. Inga nda cita *eci* mbuli mbelele.” Elyo takukwe makani eco ncocita, mweelede kuba mbelele kutegwa mube aboyabwambelele.

⁹⁰ Elyo a ndiime awa kwakaindi kaniini. I mbelele taipangi boyabwambelele. Ili jisi boyabwambelele nkaambo ni mbelele. Bunji bwa bantu basola kwaamba kuti, “Ee, Ndiyo sola kuba mubotu. Ndiyo sola kucita *eci*.” Uta pangi cintu cili coonse. Peepe, tokonzyi ku cicita. I mbelele taiciti, tii yakalombwa, tii langilwi kupanga boyabwambelele. Ila mena boyabwambelele, nkabela ila cicita nkaambo ngu mbelele.

⁹¹ Elyo cindi wanooli Munakristo, yebo uzyala buyo mucelo wa Muuya. Yebo to—yebo toupangi. Yebo to soli mucipanga. Yebo usola . . . Muta libambi lwako kuba cintu cimwi eco ncomutali mbubo. Amube buyo obo mbo mweelede kuba, elyo nkabela cido libambi lwaco. Sena mwakamvwa bantu ka baamba, “Ee, Nda mwaambila. Ndili . . . Nda kaba cibeela ca mbungano. Nde—Nde elede kuleka ncobeni kubeja oku?” Musola kupanga cintu cimwi alimwi, eno. Ta mukonzyi kucicita, aboobo taakwe kuyandika kusola, buyo kwiinda i—kwiinda i—i kambongolo inga kalipangila boyabwambelele. Ta kakonzyi kucicita.

⁹² Nanka, ikkubi kusola kulya antoomwe a nziba, ikkubi kusola—ikkubi kusola kuba nziba. Sa inga mwayeeyela lubanze kubusena kuya, kwaamba, “Yebo ulizi, Ndi nziba,” a kubikka mapepe muli nguwo, kwaamba, “Mwabona, Ndi boneka mbuli . . .” Mwabona? Inga waba buyo mucuimo camubili uutali kabotu. Ooyo i—i ngo muntu uamba kuba cintu cimwi kakuli tali boobo. Mwabona, tokonzyi kucicita.

⁹³ Yebo tokonzyi kwaamba, “Lino langa, Nde elede kuba a bubotu, aboobo Ndi yooba a bubotu. Nde elede kupona ca kulemekaleza, aboobo Ndi yooba nkuko.” Baa, uli mukusola buyo kubikka mapepe. Nekubakuti ulakonzya kwajana, pele tokonzyi kubikka mapepe mu muyuni uutali nguwo. Mwabona? Ta ci kabeleki. Alimwi citondezya buyo kuba sikuupaupa oyo muyuni mbwabede. Mwabona? Sa inga mwayeeyela awa lubanze wakaindi kusola kuba a mapepe manji aa nziba, kwaamba, “Amulangisye awa, mwabona, Ndi nziba?” Mwabona? Nkaambonzi, toonse tu lizyi ngu lubanze. Mwabona? Mwabona? Kwa mana. Tu lakonzya kuziba kuti ngu lubanze.

⁹⁴ Ee, eno eyo nje nzila mboibede, kusola ku—ku panga Bunakristo. Tamu konzyi kucicita. I cintu citanzi nco mweelede kucita, nku zyalululwa. Mweelede ku cincwa.

Mwabona? Elyo cindi mwacincwa, mwaba zilenge zipya. Lino muli mukuba kabotu, eno. Mwabona? Lino tamweelede kulibilika amakani aa mapepe, ciyo libamba lwaco, cindi—cindi mwa zyalululwa. Iyi, munene.

⁹⁵ Mbuli mbo Nda kaamba lyaonse. Mwa bweza i—i ngulube, kwisanzya cakukumba canguzu a kwisamika nsuuti ya simaato ya tukisi, nanka nsuuti mbotu maningi yaku cilalilo, mubwini, aali njiyo, kuya ngulula kubusena kuya; iyo inka nkoonya ku mulindi wantimba a kubumbuluka. Nkaambo, nywebo mwabona, inga tii yaicita bubotu buli boonse. Ni ngulube. Obo mbo bupange bwayo. Kubumbuluka mbo bupange bwayo. Mweelede kucinca bupange bwayo, alimwi (walo) zya syaala ziyo libamba lwazyo.

⁹⁶ Lino amubone. Mweelede ku zyalululwa, nko kuti, kucinca. Kuleelede kuba kucinca.

⁹⁷ Yebo waamba, “Ee, Mukwesu Branham, Ndi zyi mukaintu umwi oyu kutala kuno, baa, takacita cintu cilubide cili coonse. Ngo mukaintu mubotu. Nanka, oyu mwaalumi uli *boobu-a-boobu*, ngu mwaalumi mubotu. Ta citi cintu cili coonse. Yebo ulizi tanyonganyi muntu uli oonse.” Eeco ta caambi cintu cimwi. Inga waba simukobo mubotu, pele tali Munakristo kusikila wa zyalululwa.

⁹⁸ Jesu wa kaamba, “Kuti muntu taa zyalululwa,” Musalali Johane 3, kuti “ta konzyi akwalo kubona Bwami.” Lino, eco caamba, *kubona*, nce caamba kuti “kumvwiya.”

⁹⁹ Yebo wa langa a cintu cili coonse, waamba, “Ta ndi konzyi kucibona buyo.” Yebo waamba kuti tocimvwiysi.

¹⁰⁰ I muntu takonzyi kumvwiya kambo bantu nco baongolola. I muntu takonzyi kumvwiya kaambo mwaambo wa muntunsi ncounga wa cinca elyo inga waamba mu milaka. I muntu wanyama takonzyi kubona obo bulemu bwa Leza mbo bunga bwaboola ku meso aa muntu, elyo inga wabona cilengaano a kwaambila muntu zintu zimwi, a eco cakucita; ku baambila zintu zili aafwi kucitika, a kubamba zintu zyeelede kucitika, mbuli Mwami mbwa kacita kuli ndiswe kuno masiku ainda, akwalo. Mwabona? Mwabona? I—i muyeeyo wa muntu wanyama ula sola kumvwiysiya. “Ee, ino wa citanzi? Na, ino musyobo nzi wa lweeno ndwali muku belesya? Ino nkooze nzi nka jisi?” Ku bona muntu kakanana mu mwaambo, inga baamba... elyo muntu umwi wapandulula a kwaamba mbubonya buyo zizo zimwi zya Mubili nco baka cita, a ceeco nco bateelede kucita. Mwabona? Mwabona? Ba yeeya kuti musyobo umwi wa lweeno. “Kuli cintu cimwi cisitilidwe aakati kabo.”

¹⁰¹ Ta bakonzyi kucimvwiysiya kusikila bantu abo ba zyalululwa. Mpawo cindi a zyalululwa, mpawo uli mulumvwano lwa luswaanano, nkaambo ngu cilenge cipya.

Obo bube mbwa kabede bwa kuzumbauzya, akuyeeyela bwakaindi, buli fwide. Lino, ngu cilenge cipya. Aboobo, nywebo mwabona, ta yeelede kuyungizya cintu cili coonse kuli nguwe, eno, nkaambo ciyo yungizigwa acilikke.

¹⁰² Amubone, mweelede ku zyalululwa. Elyo cindi mwa zyalululwa, nywebo ta mukonzyi ku zyalululwa kakutakwe lusyomo. Cili kabotu. Aboobo, nywebo mwabona, aa pepa lya durowing'i yangu awa, Ndi jisi njiyonya ntalisyo, lusyomo ngu ntalisyo ya coonse cancico. "Nkambo kuti kakutakwe lusyomo nciyumu kubotezya Leza. Oyo uboola kuli Leza uleelede kuzumina kuti Mpali, alimwi a Sikupa bulumbu bwa baabo ba Mu yandaula camoyo oonse." Mwabona? Uu leelede kuba. Nkabela cindi wanooli sikudoneeka wa Bbaibbele, cindi wanooli sikudoneeka Ijwi kuba liluleme, yebo inga wakkala buyo kusikila kusanguna wa li syoma.

¹⁰³ Ino cibi ninzi? Kutasyoma. Kuli bube bobile buyo obo bweendelezya muntunsi. Eco ngu kuzumbauzya na lusyomo, cimwi na cimbi. Muli jisi cimwi eco ceendelezya maumi anu. Ci tola buyo obo bunji bwa lusyomo ndo mujisi, obo mujulu mbo mukonzya kutanta.

¹⁰⁴ Pele, kusanguna, lu leelede kuba a lusyomo. Andi kale a ntalisyo eyo kwa kaindi kasyoonto. Lino, lusyomo ngu ceeco ncoelede kuzumina. Lusyomo ngu eco... "Lusyomo ngu cintu ca zintu nzo tulangila." Nkokuti, muli cijisi kale cindi mwanooli a lusyomo, nkaambo cili yubunwidwe mu lusyomo. "Lusyomo ngu cintu ca zintu nzo tulangila," ba Hebrayo 11, mwabona, "citondezyo." Ino ncinzi? Ino musyobo nzi wa citondezyo? I citondezyo cisalala.

¹⁰⁵ Aboobo, cindi waamba, "Mukwesu Branham, Nda syoma kuti Leza ngu Sikuponya." Ee, ikuti na ula syoma eco, elyo mpawo ko Mu tambula mbuli Sikuponya wako, a kutali kweneena, pele kusyoma ncobeni kuti kwiinda ku mibunda Yakwe waka ponesegwa, taakwe cintu ciyo kugwisya kuli ncico. Ngu cintu cimanide. Lino inga waba a bulangizi, kuzumanana buyo kuleya *eci* a kuleya kuli *eco*. Pele cindi wano jisi lusyomo, uli luzi, nkaambo ngu citondezyo. Uuli lujisi kale. Nda kali...

¹⁰⁶ Mba ngaye, kufumbwa muntu, wasola kumvwa Oral Roberts cifumo cino, cindi nali kukambauka cifumo cino, Oral Roberts? Nda—Nda mumvwa kaamba cintu cimwi na cimbi kujatikizya kuti kuli lusyomo, olo lwa kuponesegwa, kukomba mupailo wa lusyomo, lwa kuponesegwa. Wa amba, "Amubambe ku kwabana kwanu kwiinda mu kuguma redio, amu bambe ku kwabana kwanu kwiinda mu kuguma cintu cimwi, kutegwa..." I mwaalumi wakali kucita eco, kutegwa inga capa bantu cintu cimwi awo mpo bakonzya kubikka maanza abo. Cintu cimwi, yebo waamba, "Nda cijana eno, nkaambo wa ndaambila

kuguma redio yangu. Nda cijana.” Mwabona? Lino, eco cili kabotu. Pele, eno, lusyomo lwini ncobeni ta lweelede kuguma zintu ezyo. Lino, ta Ndili mukujana butongo ku Mukwesu Oral, kutali boobo. Uli mukucita mulimo mupati, alimwi muntu uyoowa leza, elyo Ndi—Ndi masimpe ndalemeka Oral Roberts. Ncibi loko ta kujisi banji ba baabo.

¹⁰⁷ Pele cintu nce Ndili mukusola kwaamba, kuti—kuti, lusyomo taluyandi cintu cili conse. Mwabona? Lusyomo lulazumina Ijwi lya Leza. Nkambo lusyomo lulaboola kwiinda ku “kuguma”? Peepe. “Lusyomo lu laboola kwiinda ku kuswiilila, a kuswiilila Ijwi lya Leza.” Eco cila lujata. Nko luli. Mwabona? Elyo lusyomo, mbuli mbo kwaambwa, talukwe musinzo mulamfwu kuli neico. Lusyomo ngu ndyoonya eno. Lusyomo luli ano. Lino mbuli kuti na kuli muntu umwi. . .

¹⁰⁸ Oyo muvwanda muniini, buzuba bumwi. Oyo mutumbu oyo Mucizi Kidd a bamwi ngo bakali kwaambaula, oyo wa kajisi muvwanda oyo muniini wakali a matumbo aanze, kakutakwe mwakwiinda ku muzindo, kuti cakulya ciinde mo. Lino, mulindu oyu, nakali kumvwa Mucizi Kidd a bamwi kabapa bumboni, wakasyoma kuti na wakonzya kunjila mu kukwabana, akuti Ndi kombele muvwanda oyo. Lino, mwabona, Leza ula tupa bantu. . .

¹⁰⁹ Bamwi besu tuli jisi luzibo a Leza, ncobeni loko—loko kuti Leza uba mbuli biyo kuunka awa, mbuli, kwaambaula ku Mukwesu Neville na muntu umwi oyo ngo zibilene kabotu. Elyo ziindi zimwi tu lalomba bantu abo kuti batu kombele. Obo mbo tweeledede kucita. Mpawo ikuti katu jisi lusyomo kuti mwaalumi na mwanakazi oyo, kufumbwa muntu utukombela, wambaula kuli Leza, nkokuti lusyomo lwesu lu lajata maningi. Lu jatisya kabotu. Lu lakkalikila.

¹¹⁰ Mpaawa. I muna Roma wakazwa kuyo swaana Jesu. Elyo wa kaamba, “Ta—Ta ndeelede kuti Yebo inga waboola kungsi aa ciluli cangu. Ta ndili. Ta—Ta ndeelede. Alimwi Ta—Ta ndi. . . Ta—Ta ndili yeeyeli kuba umwi oyo mu nzila eyo. Pele,” kaamba, “mwana wangu uli cisidwe maningi. Nkabela Yebo koamba buyo Ijwi, mwabona, mwana wangu uyo pona.”

¹¹¹ Ino cakali cinzi? Musinzo tii wakapanga lwandaano. Mwabona? Nkaambo, Leza ngu uulikokoonse. Leza ngu oyo uujisinguzuyonse. Alimwi ku masena oonse Leza nkwali, kubaanguzuzyoonse nkokuli kuya. Elyo Leza, mbali uulikokoonse, eco cibamba Leza kuba ku masena oonse, koonse akoonse. Mwabona? Leza ngo mupati akwalo mu Germany, mu Switzerland, ku musanza mu Africa, ciindi cino ncoonya, mbuli Mbwa bedede ano. Oh! Nceeco we.

¹¹² Aboobo eno wa kaamba, “Ta ndeelede kuti Yebo inga uboole ku ciluli cangu. Koamba buyo Ijwi.” Ino cakali cinzi? Lwakali olo lusyomo lwa muna Roma. Wa kacisyoma.

Elyo Jesu wa kaamba, “Koya mulweendo lwako. Mwana wako ula pona.”

¹¹³ Elyo wa katalika kweenda, lweendo lwa mazuba obile. Elyo buzuba bwaka cilila, katana sika ku ng’anda, wa kaswaana bazike bakwe bamwi ka baboola. Nkabela ba kaamba, “Mwana wako ulapona.”

¹¹⁴ Elyo muna Roma waka botelwa loko, kusikila wa kati, “Ino ncindi nzi ca buzuba ncatalika kulimvwa kabotu? Ino ncibeela nzi ca buzuba?”

Wa kaamba, “Kutandila ciindi ca kumazuba, wa talika kuba kabotu.”

¹¹⁵ Elyo muna Roma waka ziba kuti cakali ciindi nciconya eco Jesu na kaamba, “Mwana wako ulapona,” nkabela wa kasyoma. Amen.

¹¹⁶ Uujisinguzuyonse, uulikokoonse, uuzizintuzyoonse, mupatikompatila, oyo ngu Leza. Aboobo, cindi baumya luwaile a kwaamba, “Kokomba!” Oko kukwabana! Elyo lusyomo lwako luleta Leza. Ngu cintu eco cileta mupailo a Leza, antoomwe, aa cilawo. Mupailo! Lusyomo lula cinca kuzwa *awa* kusika *awa*. Lu lacileta antoomwe.

¹¹⁷ “Koamba Ijwi. Koonse nko Ndi yanda Yebo nkuti uambe Ijwi, elyo zintu zyoonse zili kabotu.” Mwabona, Ta keelede kuba kokuya. “Ko amba buyo Ijwi.” Nkaambonzi? Leza ngu uulikokoonse. Ngu uujisi nguzu zyoonse. Ngu singuzu maningi buyo kungsi lya nyika mbuli Mbwa bedede aatala aa nyika, na ku mabazu oonse. Ngu Leza. “Elyo cintu luzutu Yebo ncoelede kucita nkwaamba biyo Ijwi,” wa kaamba.

¹¹⁸ Elyo, eno, lusyomo zimwi zya ncico. Lusyomo lula cita zimwi. Aboobo mweelede kuba a lusyomo kuba a ntalisyo. Boonse Bunakristo, koonse nko mubede, koonse nko muyosola kuba, kuli aa lusyomo mu Ijwi. Ako nke kaambo nce Ndi syoma Ijwi. Mwabona?

¹¹⁹ Ta ndikonzyi kubikka lusyomo aa cintu cimbi cili coonse. Ikuti na Ndi yo lubikka mu mbungano, njili mbungano inga mpo Ndiyo lubikka: Katolika, Lutherani, Methodisti, Baptisti, ba Pentekoste? Mpaali mpo Ndi nga ndalubikka? Ta ndizi. Zyoonse zili nyongene a zintu zyoonse zimbi, mikondo iipilingene, a zintu zyoonse zimbi.

¹²⁰ Pele cindi Nda bikka lusyomo lwangu mu Ijwi Lyakwe, luli jatilide. Taakwe muntu uu Li pandulula. Ndeeli Mbo libede, MBUBOOBO MBWAAMBA I MWAMI. Mpawo Nda syoma Eco. Njeeyo ntalisyo.

¹²¹ Dokotela muniini mubotu kumusanza awa mu dolopo, mulongwe wangu, Dokotela Sam Adair. Twa kali balombe antoomwe. Nyoonse muli muzi Sam. Elyo wa kaamba kuli ndime, wa kaamba, “Bill. . .” Kumane kuboola cilengaano eco,

kamwambila awo mpayo yakila busena bwakwe, nzila mbo buyo boneka. Lino kamuya mukati muya, muka mubuzye ciindi cimwi na tacili bwini. Myaka yobile na yotatwe kacitana citika, ka mwambila mpo buyoobeda. Nda kaamba, “Uyo tandila kutola busena bwa buyake bwa dolopo.” Elyo taakwe pele cintu comwe aakati kanguwe a eco, nkabela obo mbusena bwa kugwasya kubambulula maumi aa bantu. Dokotela Adair ujisi cimwi ca nceico, a muntu uusambala misamu. Kwa mana. Dokotela Adair waka zuzya eco mbubonya buyo, cilengaano eco. Oko, busena mbwa kaamba, “Ta bukonzyi akwalo kugumwa kwa myaka iili makuni obile ayosanwe. Buli mu nkuta.”

¹²² Nda kaamba, “Dokotela, Mwami acipe kuli nduwe, nkaambo ka bubombe bwako.”

Wa kaamba, “Ta ndili mubotu.”

¹²³ Nda kaamba, “Uli fulwe. Yebo ujisi cipapa aanze, cikwa cakuti uyo langa a beenzinyoko kubusena awa, pele mukati muli nduwe uli mulombwana ncobeni. Kozwa mu cipapa eco.” Nda kaamba, “Leza wacipa kuli nduwe.”

¹²⁴ Wa kaamba, “Ta ndinaba nda kuzumbauzya, Billy, pele Nde elede kuzumbauzya eco.”

Nda kaamba, “Ko zumanana kuya ku ofesi lyako.” Elyo aboobo waka zumanana kuzwa.

¹²⁵ I cifumo cakacilila, wa kandi tumina luwaile, kaamba, “Ndili mukufwa mpeyo maningi calufu.”

¹²⁶ Nda kaamba, “Ino ndi penzi nzi?” Cakali kutandila ku Kunkumunamasamu. Nda kaamba, “Ino ndi penzi nzi, Dokotela?”

¹²⁷ Kaamba, “Nda buula kale busena, Billy. Ba kajisi muswaangano masiku ainda mu Boston, elyo Nda buula kale busena cifumo cino.”

Kaamba, “Nda kakwaambila.”

¹²⁸ Nda kali kumusanza kuya buzuba bumwi, kandambaula kuli nguwe, cindi ntobolo niya kabbotoka mu busyu bwangu. Wa kaamba, “Nda yeeyela Nda kacaamba ku bantu bali cuulu abo baka boola mukati muno, mbuli obo.” Ino ncinzi? Lino, cindi Leza na kanana cintu cili conse, ci leelede kucitika.

¹²⁹ Mangolezya ainda beenzuma bamwi bakaboola mukati. Ba kali mvwide cilengaano eco cakaambwa kujatikizya munyama deo oyo waka jisi meja aa mainci aali makumi one aobile, a masekese mukali usiyasiya akusalaluka mubala koonse. Ta ndizi na mbangeye bantu abo bakaboola ku ng’anda, bayanda kubona eco. Nda kaamba, “Njeeyi tepu yakweelekela. Amutalike kwaamba zya lwija.” Ba kamvwa ka caambwa kacitana citika. Mwabona? Nkaambonzi? Cindi Leza aamba cintu cili coonse, ceelede kucitika. Ako nke kaamba, mpo citalikilide.

¹³⁰ Lino, *njeeyi* nzila a lufutuko. Elyo mpawo ikuti cilengaano Cakwe cakacitika munzila iilondokede, mbubonya nzila mbo baamba kuti mbobacita, elyo mbungano eyi kuno iilizi kuti eco cili luleme, mpawo ino kujatikizya Ijwi Lyakwe. Mwabona? Eco cili masimpe loko kwiinda cilengaano. Ikuti na cilengano tee ca kaamba mbuli Ijwi, nkukuti cilengaano cili lubide. Pele ngu Ijwi, lutaanzi, nkaambo Ijwi ngu Leza. Mwabona? Aboobo, Ngu oyo uulikokoonse. Wa kaamba eco kuno, a kucibamba kucitika mu Canada. Ameni. Mwabona, Ngu uulikokoonse. Ncibotu.

¹³¹ Kutanguna, mweelede ku zyalululwa. Elyo mpawo cindi mwa zyalululwa, mwaba a lusyomo; mwa syoma Ijwi. Kuti kamutana zyalululwa, nywebo muyo Li kazyu. Ikuti na mu yeeme buyo cabukombi, alimwi—alimwi mu jisi i—i—i luzibo luniini lwa buntunsi kuti mweelede kucita ciluleme, ta mukakonzyi kuzuminana aa Ijwi lya Leza. Ta muka konzyi kucicita. Nywebo mweelede ku zyalululwa. Alimwi, ku zyalululwa, ku leta lusyomo. Ncibotu. Mpawo, mwamana kujana lusyomo, eco mponya *awa*, l-u-s-y-o-m-o, lusyomo, mpawo muli buyo mu busena bwa kukomena.

¹³² Lino, bantu banji balainka kutala ku cipaililo, a kukomba, a kwaamba, “Mwami, ndi jatile.” Elyo luzibo lupati lwa kukkutala lula boola aali mbabo, a zintu. Mpawo muli jisi cindi cibotu, kuya atala ku cipaililo, koongolola. Yebo wajoka, waamba, “Lelekwe Leza, Nda cijana.” Peepe, nywebo mwatalika buyo kuya kubusena oko nko mukonzya kukomena. Ta muna cita cintu cili coonse. Mwabona? Cintu biyo nco mwacita mwa bamba buyo ntalisyo.

¹³³ Lino muyo yaka ng’anda, elyo mwatila ntalisyo yanu, kwaamba, “Mulombe, Nda iyaka.” Mwabona? Mu jisi ntalisyo ya kuyaka ng’anda yanu atala. Lino mweelede kuyaka ng’anda.

¹³⁴ Lino mpaawo abusena cintu mpo cinjila, cifumo cino, nco tuyo ambaula eno. Ncibotu. I ng’anda, eyi ntalisyo ngo lutaanzi. Ino ntalisyo ya Bunakristo ninzi? Lusyomo mu Ijwi lya Leza. Eyo nje ntalisyo yanu. Mpawo mwatalika kukomena. Mpawo mwatalika, mwatalika ku yungizya ku ntalisyo eyi.

¹³⁵ Lino, kuyaka ng’anda, mula bikka zyakutantila zyanu kuti mwiimikile mpawo a zintu zyoonse zimbi. Mukwesu Wood, a bamwi aba babezi bamasamu a bayaki bapati kuno inga batwaambila mbo kuyakwa ng’anda yanu. Mwabona? Pele Ndiyo mwaambila mbo kuyakwa ng’anda yanu ya kumuuya, omo Leza mwakonzya kukkala. Uya nda kukkala muli ndinywe. Uya nda kumubamba mbuli Lwakwe. Uya nda ndiywe kutodezegwa, kutondezya, mubwini, Buntu Bwakwe.

¹³⁶ Nywebo mulizi, mu ciindi cakale elyo nobakali kupanga ngolide, kabatanaba cibelesyo ca kunyebulwida lubulo, bakali kunga bayoonda ngolide kugwisya zitayandiki, koonda kugwisya tombe, butale a mukuba a zintu, kugwisya,

a kuzumanana buyo koonda, a kuyonyoonya, a kwiionda. I bama India balacita eco eno, koonda ngolide, elyo bala yoonda. Nywebo mulizi mboba kali kukonzya kuziba kuti butale boonse bwakazwa muli njiyo, a tombe lyoonse a zintu, makanci oonse kuzwa muli njiyo? Cindi umwi oyo wakali koonda nakali kukonzya kubona kutondezegwa kwakwe mwini, mbuli ciboniboni, muli ncico. Ca kali kusalala a kunjoloma kweelede kusikila catondezya sikoonda.

¹³⁷ Eyo nje nzila Leza mbwacita. Ula bweza ngolide eyo Nja jana mu nyika, nkabela Ula yoonda, a Muuya Uusalala, kuyonyoonya, a koonya, a koonya, a kuyoonda kusikila (Ula tambula) Ula konzya kubona bube Bwakwe. [Mukwesu Branham wakamba maanza aakwe ziindi zinji muciiindi coonse ca muzila oyu—Mul.]

¹³⁸ Elyo eco nce tweelede kucita, kutondezya Mwana wa Leza. Nkabela tweelede kucita mulimo Wakwe. Wa kaamba, “Oyo usyoma aali Ndime. . .” Musalali Johane 14:7, “Oyo usyoma aali Ndime, milimo Nje cita uyo icita ayalo.” Mwatalika kutondezya milimo ya Kristo.

¹³⁹ Pele bunji loko bwesu tusola kucita milimo ya Kristo kakuta naba a kutondezegwa kwa Kristo muli ndiswe. Lino ndeelyo penzi. Tu lajana zintu ezyo kazicitika. Nywebo muli cizyi. Ndili cizyi. Tu labona ezi, kazigaba mumbali lya mugwagwa. Tu lajana cilwi cazisengele ica bakutausi, ca Banakristo, kabalundikidwe mumbali lya mugwagwa, ngu kaambo kakuti tee baka cinjila kabotu.

¹⁴⁰ Elyo nke kaambo nce Ndili ano cifumo cino, nku sola kuyiisya mbungano eyi niini, a lwangu, nzila mbo tukonzya kuba busena bwakukkalila kwa Leza uupona. Mbangaye bayanda kuba boobo? [Mbunga yaamba, “Ameni.”—Mul.] I busena bwakukkalila kwa Leza uupona!

¹⁴¹ Lino nceeci nco tweelede kucita. Ino cintu citaanzi ninzi? Mube a lusyomo, a ku zyalululwa. Oko nkubamba ntalisyo.

¹⁴² Mpawo, twa mana kubamba ntalisyo, cabili amuyungizye ku ntalisyo yanu. “Amuyungizye ku lusyomo lwanu,” Petro waamba awa. Amuyungizye ku lwanu. . . Lutaanzi mu jisi lusyomo, mpawo amuyungizye bubotu ku lusyomo lwanu. Eci nce cibeela cicilila. Lutaanzi, amutile ntalisyo yanu, lusyomo. Mpawo, ku lusyomo lwanu, amuyungizye bubotu.

¹⁴³ Lino, mponya awo cila tumwaila ansi toba bunji bwesu. Iiyi, munene. Iiyi. “Amuyungizye bubotu ku lusyomo lwanu.” Eco tacaambi buyo kupona buumi busalala, nywebo mulizi, mbuli mwanakazi na mwaalumi, a zimwi zimbi. Eco tacikwe cakucita a cintu aceeco.

¹⁴⁴ I Bbaibbele lya kaamba, twa bala kuya awa mu Bbuku lya Luka, oko nko Lya kaamba, “Bubotu bwakazwa kuli Nguwe.” Mbo mbubo na? [Mbunga yaamba, “Ameni.”—Mul.] Ikuti na tu yooba mbuli Nguwe, tu leelede kuba a bubotu, kai. Twe leede

kuba abo, kuti tube mbuli Nguwe. Ngu lwiimbo lutaanzi ndo Nda kasola kuyanda, mu—mu ziimbo, imwi mpati maningi, yakali, *Kuba Mbuli Jesu*. Ee, ikuti Ndi yooba mbuli Jesu, Nde elede kuba aa bubotu, akwiinda eco kuti inga cainka kumbele kuzwa kuli ndime kuya ku bantu. Nkaambo, “Bubotu bwakazwa kuli Nguwe kuya ku bantu.” Bubotu! Elyo kamutana kubu lekela kuzwa, mweelede kuti kamu bujisi kusaanguna. Na tamu bujisi, tabu koozwa. Taakwe cintu ca ncico kuzwa.

¹⁴⁵ Ino kuti muntu umwi wasola kujana bubotu kuzwa kuli ndiswe, nkabele iceke inga lyajoka nkaambo “kakuceya kwa mali”? Mwabona? Peepe, peepe, taakwe muntu ukonzya kujana, iceke lyakajosegwa mukubula mali. Muntu umwi uulanga aali nduwe kuba Munakristo, elyo juunza wamubona kubusena kuno kokwankana mbuli sizibi, kwiina bubotu bunji bukonzya kujanja kuli eco. Mwabona? Ncobeni.

¹⁴⁶ Bubotu bweelede kuba muli ndiswe. Elyo kusikila twajana bubotu... Mpawo cindi twajana bubotu bwa kasimpe, inga twa buyungizya ku lusyomo lwanu. Obo mbo bwaanda bwa ntalisyo icilila. Lino, lutaanzi mweelede kuba a lusyomo. Lusyomo lulikke talu konzyi ku cicita. Mweelede ku... Petro wakaamba, “Mpawo amuyungizye bubotu ku lusyomo lwanu.” Mweelede kuba a bubotu, kutegwa mu luyungizye ku lusyomo lwanu.

¹⁴⁷ Lino, mpawo, inga caba, kaambo nco muta bujisi, nkambo imbungano zinji zya sunu zimu yiisya kuti tamweelede kuba ambubo, nanka mazuba aa mbubo akamana. “Ta beelede kuba a mbubo pe. Cintu biyo ncoelede kuti nkuba buyo cibeela ca mbungano. Inzya, mazuba akamana.”

¹⁴⁸ Bubotu, kufumbwa muntu ulizi bbala bubotu nco lyaamba, mwabona, nkabela tweelede kuba a mbubo. Ikuti na bubotu bwakazwa kuli Nguwe, ku kuponya mwanakazi oyo waka cisidwe, Uu langila bubotu mbubonya mu Mbungano Yakwe, nkaambo Wa kali mukozyano kuli ndiswe. Elyo ikuti na Wa kajisi bubotu bwakupa bantu, Uu langila ndiswe kuba a bubotu bwakupa ku bantu. Nkabela ino bubotu niinzi? Bubotu nkukonzya, nguzu.

¹⁴⁹ Bamwi babo taba syomi mu nguzu zya Leza. Ba laamba, “Ezyo—ezyo—eezyo zyakamana. Cintu luzutu nco mweelede kucita nkubikka buyo mazina aanu mu bbuku, akuba bakasansailwa, na kutilwa maanzi, na kubapatizigwa, na kufumwa zintu zimbi. Elyo oko nku koonse ncoelede kucita.”

¹⁵⁰ Pele Petro waamba awa, “Amuyungizye bubotu.” Lino, Petro uli muku kanana makani a kuyaka Ng’anda ya Leza, mwabona, Tempele lya Leza, ku liyaka ku busena. Elyo mwamana kuba a bubotu, nywebo mweelede kuba... Mwamana kuba a lusyomo, mweelede kuba a bubotu a ndulo. Cili kabotu. Amube a bubotu bwa nyika yoonse.

151 Nda kakambauka nkambauko kutandila myaka iili makumi obile yakainda, Nda yeeyela, aa Muf. Ba. Mpana. Mpana, i mweembili. Kacigwisya kuzwa ku cibalo awo Jesu mpa kaamba, “Amulange mpana, obo mbo zibeleva a kupesana. Nekuba boobo Nda mwambila, Solomoni mu bulemu bwakwe boonse tasakatidwe mbuli imwi.”

152 Amulange ku mpana. Ila zwa kulaale aansii mu buloko. Nkabela ku kaindi koonse ka buzuba ileelede ku noojana kuzwa ku nyika. Mwabona? Elyo icita nzi a bubotu obu mboi jana? I la tondezya. I bamba kuboneka kubotu kuli sikweebela. Ila lijula kulibambila lwayo ku buci, ku nzuki kuti iboole a kujana cibeela cayo. Tai tongauki. Ya cijana buyo, ku vozya. Ino kuti inzuki yanjila muya; taakwe mali aakugwisya, taakwe buci? Eyo inzuki niini inga yalikhwazya mu mutwe wayo a kwaamba, “Ino musyobo wa mpana nzi eyo?”

153 Ikuti na muntu kaboola ambali, kusola kujana lufutuko, waunka ku mbungano eyo izumina kuti mazuba aa maleele akainda?

154 Mbuli Jack Coe wa kaamba lomwe. Kainka mu resitiranti, a kujana pepa zyakulya zyandeene zibotu ncobeni; katalika kucibala kuyaansi, nyama ya Tufuwa a zintu. Kwaamba, “Ndiyo sala nyama ya Tufuwa.”

“Ee, eco cakali ca buzuba bwakainda. Ta twii jisi.”

155 Inga akwalo mwabikka aansii pepa zyakulya zyandeene a kuzwa, mwabona, mbo mbubo, nkambo taba jisi cintu cakulya, kuli koonse. Aboobo inga akwalo mwainka ku resitiranti ijisi cintu cimwi cakulya.

156 Elyo muntu simuuya, ukomena, uyandika cintu cimwi ca kuzumanana kulya. Eelyo ndi Ijwi lya Leza. Nda syoma Ijwi lyoonse lya Ndilyo.

Leza ujisi tafule oko basalali ba Leza nkoba
saninwa,
Ula tamba bantu Bakwe basalidwe,
“Amuboole a kuzolalila.”
A mana Aakwe Uu lasanina, Uu latupa
kubula kwesu koonse,
Oh, ncibotu kulalila a Jesu ciindi coonse.

157 Mbo mbubo. Iiyi, munene. Wa Ci jana. I Mbungano ili Ci jisi, Mbungano ya Leza uupona, eyo yakayakwa kuya mujulu ku muntu oyu uulondokede, ku luzibo lwa Kristo. Lino, lino mweelede kuba a bubotu.

158 Nda kaamba mpawo, cintu citaanzi nywebo mulizi, kuli muntu umwi uyandisya ku nunkizya bweema. Tali sindya bantu. Uu jisi bweema. Katana vozya bweema, uleelede kuti kabujisi. Katana vozya buci, uleelede kuti kabujisi. Katana kuvozya bweebesi, uleelede kuti kabujisi.

¹⁵⁹ Kamutana kukonzya kuvozya bubotu, mweelede kuti kamu bujisi. Aboobo, amuyungizye ku lusyomo lwanu, bubotu. Ameni. Mwamvwisya na? Inga twa kkalilila aali eco kwa ciindi cilamfu, pele ciindi cesu inga catumanina. Kuyungizya bubotu ku lusyomo lwanu. Lino, lutaanzi ngu lusyomo, mpawo bubotu.

¹⁶⁰ Elyo mpawo, catatu, amuyungizye luzibo. Luzibo, eno, olo ta lwaambi luzibo lwa nyika, nkambo obo mbufubafuba kuli Leza; pele luzibo lwa kubeteka, kubeteka (inzi?) ciluleme kuzwa kuli cilubide. Mbobuti mbo mu cibeteka, mpawo, ikuti na muli jisi luzibo lwa Bunakristo antomwe a bubotu a lusyomo? Mula beteka naa Ijwi liluleme na lililubide. Elyo ikuti mwakonzya kubikka aambali toonse tuzanza twanu twabuzumini, a koonse kutasyoma kwanu, zintu zyoonse ezyo nzomutaminina kuti mwakacita, nkokuti muli jisi luzibo lwa kusyoma kuti Leza takonzyi kubeja. “Majwi a muntu oonse abe aa bubeji, pele Angu abe bwini.” Mwabona? Lino muli mukujana luzibo. Olo ndo luzibo lubotu maningi. Nywebo ta mweeede kuba a madgirii one mu kkolegi imwi, na cintu cimwi mbuli eco, kuti mu lujane, nkaambo zyoonse ezi zyabubotu zila pegwa kuli ndinywe a Leza, kuteeti zibikwe aa ntalisyo ya lusyomo lwanu, kuti mukonzye kusika ku ciimo cizwide ca muntu wa Leza, uupona ncobeni. Iiyi, munene.

¹⁶¹ Amuyungizye, amuyungizye luzibo, nkaambo, luzibo lwa Ijwi Lyakwe. Mweelede kucisyoma munzila eyi. Kupa mukozyano, mweelede kusyoma sunu kuti i . . . a kuci tambula, kuti mazuba aa maleele tamanide. Luzibo lwa eco Leza nca kaamba, Leza ulakonzya kubeleka.

¹⁶² Abrahamu wakasyoma eco. Elyo cindi nakali a myaka iili mwaanda yakukomena, taakwe naka zungaana ku cisyomezyo ca Leza kwiinda mu kutasyoma. Amulange obo Ijwi eelyo mbo lyaka boneka kuba bufubafuba. Ngooyu muntu, a myaka iili mwaanda yakukomena, kalangila muvwanda kuti azyalwe mu ng’anda yakwe, kwiinda ku mwanakazi wa myaka iili makumi aali fuka. Mwabona? Kutandila myaka iili makumi osanwe yakutacizyala, kapona awe kuzwa ciindi nakali i-i musimbi muniini, na kukomena kwabwana. Elyo mpaawa mpali, kukunka kwa buumi bwakwe kwakali fwide. Nkabela luzyalilo lwa Sara lwakali fwide. Alimwi boonse bulangizi bwakali manide, mbuli mbo cakabede ku bulangizi. Pele, nekuba, katacikwe bulangizi, wa kasyoma mu bulangizi, nkaambo waka jisi luzibo lwa Leza kuti Leza wakali kukonzya kubamba zintu zyoonse ezyo Nzya kasyomezya.

¹⁶³ Lino, cindi mwajana cili boobo, mpawo amuyungizye eco ku lusyomo lwanu. Cindi mwajana bubotu bwa kasimpe, amubuyungizye ku lusyomo lwanu. Cindi mwakonzya kweenda aanze awa mu kagwagwa, kuona mbuli Munakristo, kulilemeka mbuli Munakristo, kuba Munakristo, amuyungizye eco ku lusyomo lwanu. Cindi mwano jisi luzibo . . .

164 Yebo waamba, “Ee, Ta ndizyi eno naa Malembe *aya* aliluleme ncobeni. Lino njeeyi Incito 2:38, Ta ndizyi nzila mwakutalikila kucita a Incito 28:19. Ta ndizi.” Ncibotu. Nywebo muta—muta yungizyi kufumbwa cintu, nkaambo tamuna Ci jana. Mwabona? Ino muyo cita nzi? Nkaambo, tamu jisi luzibo lweelede lwaku ziba makani aa Leza, nekuba, kuti Bbaibbele talili kazyi Lwayo. Ka mulusiya alulikke. Muta caambi makani andulo. Mwabona? Ka mulusiya alulikke.

165 Pele cindi mwakonzya kubona kuti Malembe taali likazyi, kuti inga mwaamba kuti; a kukonzya kubona, kuti, ku ciyubunuzyo ca Leza, Ijwi lyoonse lili lembedwe mu maseseke, nkabela cita luzibo lwa Leza ndolunga lwa Lu yubununa; mpwao cindi mwamvwisya a kwaamba, kuzumina Ijwi lya Leza lyoonse kwiinda muli “ameni,” mpawo amuyungizye eco ku lusyomo lwanu.

166 Oh, uli mukuba muntu mubotu maningi ndyoonya eno. Mwabona? Uli mukuboola kuba kabotu, mwabona. Ino anzi? A lusyomo, mpawo a bubotu, mpawo luzibo. Mwabona na obo mbo ciyaka muntu oyu? Inga mwabona kwiina—kwiina i ya kucitija. Eyi nje nzila ya kuba mu ciimo cizwide ca Kristo. Iiyi, munene.

167 Ku beteke, beteke kabotu. Kubeteke naa cililuleme na cililubide, ku syoma Ijwi lya Leza. Kubeteke naa cililuleme na cililubide, Nde elede kubelekela kayanza kabuzumini na kubelekela Leza. Kubeteke naa cililuleme na cililuleme, kuti Nde elede ku zyalululwa na kuba cibeela ca mbungano. Nkokuti uli mukutalika. Kubeteke kabotu, cindi mukambausi aamba, “I mazuba aa maleele akamana.” I Bbaibbele lya kaamba kuti, “Jesu Kristo mbobuca nguwenya, sunu, amuya myaaka.” Lino nce cili ncomuyo syoma?

168 Cindi yebo, “Ndiyo sala Leza.” Lino, yebo toamba eco ku kwaamba buyo, “Ee, Nda—Nda cisala,” kuzwa buyo ku moyo wako. Pele, cintu cimwi muli nduwe, lusyomo lwako lulagwisya kuya. Mboobo we. Lusyomo lwako lulaamba, “Ndi lizi kuti Uli mbubonya. Ameni. Nda ka Mu peda bumboni kuti ngu mbobuca. Taakwe cintu cikonzya kucigwisya kuzwa kuli ndime. Ndi lizi kuti Ngu kasimpe.” Ameni. Mpawo amuyungizye eco ku lusyomo lwanu. Mu cibikke aa ntalisyo. Kuyabuya atala eno, kuzumanana kuboola atala ncobeni ku Bwami. Twasika ku kasena eno. Kuli kabotu.

169 Lino, cintu cicilila, mukambausi uyo kwaambila, a bantu banji ba laamba, “I...Ezi zintu nzo mubala mu Bbaibbele, zyakali zya buzuba bumbi. Lino, Nda mwaambila kuti nkaambonzi. Nkaambo, tatu ziyandi zintu ezyo sunu. Ta tu ziyandi. Mwabona? Ta tweeledede. Ta tweeledede kucita zintu ezyo, kuponesegwa kwa Buleza. Ta citi zya kwaambaula mu myaambo, mu mbungano, ku—ku bamba mbungano yesu kuti kailuleme. Elyo tatu citi *eci*.”

170 Tula sika kuli eco. Ndi jisi Malembe aalembedwe aa pepe atala awa kujatikizya eco, mwabona, naa tweelede kuno ciciti na pe, eno.

171 Pele awa wa kaamba, “Ta ndizi. Ta twe elede kucita eco sunu. Cintu luzutu nce Ndi yeeya kuti tweelede kucita, twe elede kwiiya kwaambaula kabotu kumbele lya nkamu ya bantu. Twe elede kuunka a kulekela dokotela wazya kusilika boongo kuti asunke miyeeyo yesu, kubona kuti na tula konzya kullitondezya kabotu, ikuti na IQ yesu ni nji kweelede kuti inga cacitwa, a—a zimwi mbuli eco. Ndi yeeya . . . Alimwi tweelede kuba a miswaangano ya mabungano mapati maningi. Tu layaka kabunga kesu.”

172 Ta tuli mukuyaka kabunga. Ta ndili ano kuseeni kuyaka kabunga. Kristo kwiina naka ndituma kuyaka kabunga. Kristo waka ndituma kuyaka bantu kuti babe ku ciimo ca Jesu Kristo, kuti inga babe ng’anda njumu loko aizwide bukozu a busena bwakukkalila kwa Muuya, kwiinda ku Ijwi Lyakwe. Kwiinda ku Ijwi Lyakwe, mwabona, kusumpula muntu kusika ku busena obo. Kutali kuyaka kabunga kusika ku kabungwe kapati maningi, pele kuyaka muntu amuntu kusika ku bana balombe abana basimbi ba Leza. Oyo ngo muzeezo. Mwabona? Amuyungizye ku lusyomo lwanu, bubotu; ku bubotu bwanu, amuyungizye luzibo. Ee, eno muli mukuboola ku busena.

173 Lino cindi batalika kwaamba, “Ee, ta tuzumini eco sunu.” Mu leede. Ci leelede kuba.

174 I Malembe takonzyi kubeja. “Alimwi Ta jisi bupanduluzi bwa muntu,” Bbaibbele lya kaamba. Amu Li syoma buyo nzila mbubonya Mbo li lembedwe Kuya. Mwabona? Mu leelede kuba a zintu ezi. Elyo nzila buyo mbo muyo sola kukonzya kuba anzizyo, nkuba aluzibo lwaka zyalwa ku Julu. Alimwi luzibo lwaka zyalwa ku Julu luyo simpikizya Ijwi. Mwabona?

175 Mweelede ku syoma, kutali kulicengeezya kuli ndilyo. Taakwe kwa zeezi kwa kusyoma kulicengeezya, mwabona, ikuti na wasola kwaamba, “Nda cijana.” Utabi muyuni uusiya akulibikka mapepe aa piikkoko, mwabona, nkaambo ayoosomoka. Ta ka komena mukati muya mukulengwa. A somekwa buyo mukati.

176 Nda yeeya awo Davida mpa kaamba kuya, Ntembauzyo 1, “Uyo ba mbuli musamu usyangidwe muni a milonga ya maanzi.” Nywebo mulizi, kuli lwandaano kuzwa ku kusyangwa a kusimpwa, kunamatika. Mbuli musamu wa mubanga, oyo usyangidwe, oyo ukokoma ansi aujata kubotu. Kasamu kaniini kakaindi kali somekedwe mukati muya, ta muzi eco ciyo citika kuli nkako. Taka jisi miyanda. Taka jisi ntalisyo. Mwabona?

177 Eco cili mbuli bantu bamwi baboola kuzwa ku seminari na cintu cimwi, mwabona. Taba jisi. . . “Ee, Mwiiyi *Naani-naani* waka ndinanika mu mulimo.” Ta cibambi lwaandano luli loonse eco mbo cakabede.

178 Kristo wazyalwa muli ncico, mwabona, mwabona, kwiinda ku lusyomo lwako. Mwabona? Mwaka zyalululwa a kuzyalwa muli ncico. Elyo mpawo mwamana kuzyalwa muli ncico, ezi nze zintu ezyo Nzya langila kuli ndinywe kuyungizya. Kuzumanana buyo ku ziyungizya. Lino tuli mu kuunka aansu nkonya ku mundando.

179 Lino kuyooba cintu cimbi ku luzibo olu, neo tunga twa kanana wo, luzibo lwa kulemekaleza. Mwabona? “Sa Bbaibbele mu buzuba buno lya swekelwa bupanduluzi Bwalyo?” Mwabona, ba, bunji bwa bantu bala kwaambila kuti, kuti Bbaibbele ta lyaambi mbubonya mbuli obo. Ikuti na Leza ula ndi mamela, a kundilulamika mu cibi cangu, nkabela ikuti na Ndili mwana wa Leza, Ula cita eco. Ula mucita mu nzila eyo, bana balombe abana [Kabeela katakwe cintu aa teepu—Mul.] basimbi. Cindi mwacita kufumbwa cintu cilubide, Ula munyona. Mpawo ikuti na Leza ula bikkila maanu loko ncobeni kujatikizya ndinywe, cakuti Ula mumamela a kumunyona, nkunji maningi buti Nkwa jisi ku Ijwi Lyakwe, uuli ngo mukozyano wanu, uuli ngo Mwini!

Ku matalikilo kwakali Ijwi, elyo Ijwi lyakali a Leza, elyo Ijwi wakali Leza.

Elyo . . . kalifungula kuba mu mubili wabuntu, a kukkala aakati kesu, . . .

180 I Ijwi ngo ciyubunuzyo ca Jesu Kristo, i Bbaibbele lya kaamba obo, Kristo kayubununwa mu Ijwi Lyakwe. Elyo ikuti Wa mumamela cindi nomu sotoka milao eyi, Ula mupa mulandu nkambo ka njiyo, nkunji maningi buti Nkwa mamela mulao Wakwe oyo uumupa mulandu! Ameni.

181 Ko zumanana, mulombe, uta ndaambili zintu ezyo!

182 Nda syoma mu luzibo, lwa Muuya Uusalala lwini. Luzibo lwa Muuya Uusalala luyo zuminana lyoonse a Ijwi kukwaamba “ameni.” Cindi mwamvwisya zintu ezi ziboneka kulikazya, mu Bbaibbele, mwa kkala ansi a ku cilingula, a munzila ya kukomba mbuli obo. Nkabela cintu citaanzi mulizi, Muuya Uusalala ulatalika kweenda koonse. Kwainda kaindi kasyoonto cila liswaanganya antomwe, elyo mpaawo wacimvwa. Mwabona? Olo ngo luzibo.

183 Bamwi babo balamba, “Ee, eno, Bbaibbele lya kaamba kuti Ngu mbobuca nguwenya, sunu amuya myaaka.”

184 Elyo mbungano yaamba, “Mu kuyeeya kumwi, Ngu mbobuca.” Huh-uh! Huh-uh! Mwa mwaya mweenya, mponya awo. Mwabona? Iiyi, munene. Peepe, munene. Ngu mbobuca. Iiyi, munene.

¹⁸⁵ “Jesu Kristo mbobuca nguwenya, sunu, amuya myaaka.” Kwiina lwandaano muli Nguwe, noluceya. Ula pona mu Mbungano Yakwe, kacita cintu nciconya. “Kaindi kaniini,” mbuli mbo Nda kabalulula kaindi asyoonto kainda, “kaindi kaniini elyo nyika tii ci Ndi boni limbi, nekubboobo muyo Ndi bona.” Nkambo, Wa kaamba, “Njooba a ndinywe, akwalo muli ndinywe, kusika ku mamanino aa yika.” Alimwi, Wa kaamba, “I milimo eyo Nje cita muyo icita ayalo.” Alimwi, Wa kaamba, “Njooba Musaansa. Mu yooaba mitabi.” Nkabela mutabi uponena buyo ku Buumi bwa Musaansa. Kufumbwa zili mu Musaansa zilazwa kwiinda mu mutabi. Bulemu! Mpawo, “Kristo ngu mbobuca nguwenya, sunu, amuya myaaka.” Ula zyala Buumi bwa Mwami Jesu Kristo. Amenii.

¹⁸⁶ Luzibo; kutali lwanyika (lu labuzyabuzya). Kufumbwa musyobo wa luzibo lwa nyika lula buzyabuzya. Mwabona? Pele lusyomo lunyina kubuzyabuzya. Leza ula yubununa cintu cimwi kuli nduwe cili *boobo-boobo* kuti ciyo citika, boonse basayansi mu nyika inga bakwaambila, “Ci liimpene. Ta cikonzyi kucitika.” Yebo ula cisyoma, munzila iili yoonse. Mwabona? Iiyi, munene. Ta lubuzyibuzyi. I Bbaibbele lya kaamba, “Tu sowela ansi kubuzyabuzya.” Yebo tobuzyani a lusyomo. Lusyomo talukwe kubuzyabuzya. Lusyomo lulizyi awo mpo lubede. Lusyomo lulabeleka. Lusyomo lula jatilila. Ta lukonzyi kuswena pe. Taakwe cintu cikonzya ku luswenya. Ta ndikwe makani kufumbwa cintu caamba *eci, eco, cimbi*. Ta lusweni, nokuceya. Lu lakkala mponya awo, kulindila, kulindila, kulindila. Taci bambi lwandaano luli loonse. Lu lakkala mponya awo.

¹⁸⁷ Leza wakaambila Nowa zintu ezi kuti ziyo citika. Wa ka cisyoma. Mwabona? Leza wa kaambila Musa zintu ezi kuti ziyo citika. Wa ka cisyoma. Leza wa kaambila basikwiiya zintu zimwi kuti ziyo citika, “Ka muya kutala kuya ku Pentekoste a kuyo lindila.” Ba kakkala mponya awo. Iiyi, munene. Kuli kabotu.

¹⁸⁸ Lino, luzibo, eno, kutali luzibo lwa nyika, pele ngo luzibo lwa ku Julu. Nkabela luzibo lwa ku Julu, kakuli Leza ngu kasensa ka luzibo loonse, alimwi Leza ngu Ijwi, mpawo, ikuti na muli jisi luzibo lwa ku Julu, mula lisyoma Ijwi, nkokuti muyo buzya kufumbwa cintu kwiinda ku Ijwi.

¹⁸⁹ Elyo kaambo aka ka mutelo ako mbungano muya kabede, na mo Nda kabede. Umwi wa bamaalumi ciindi cimwi, mu kumvwa kuniini, ka ndaambila. Kaamba, Nda kaamba . . . “Tii bakakonzya kujana cintu cilubide.” Elyo ba katalika ku . . .

¹⁹⁰ Nda kaamba, “Ee, mpawo, ikuti na kunyina cintu cilubide, nkaambonzi toleki ku ndipenzya?” Mwabona? Mwabona? Elyo Nda kazumanana, ku mwaambila makani aa Malembe.

¹⁹¹ Wa kaamba, muntu mupati ncobeni a musanga wa tomwe mu janza lyakwe, wa kaamba, “Ba. Branham, Ndime sicikolo wa Bbaibbele.”

Nda kaamba, “Nda botelwa kumvwa eco.”

¹⁹² Wa kaamba, “Lino Ndi yanda kuziba zya malweza aya, yebo ula bbadelesya tutambala otu nto tumizya ku bantu, ayo malweza mace a kukombela tutambala a ku tutuma ku bantu, twalo ‘tusani tunanikidwe,’ mbo twiita, ‘kasila.’” Wa kaamba, “Mpawo ula bbadelesya otu.”

Nda kaamba, “Peepe, munene. Taakwe kubbadela ku nkako.”

Elyo wa kaamba, “Ee, aa malweza aya.”

¹⁹³ Nda kaamba, “Yebo uciita kuti malweza, munene. Yebo wa nda ambila mu kaindi kaniini kainda kuti wali sicikolo wa Bbaibbele.”

Wa kaamba, “Mbo ndibede.”

¹⁹⁴ Nda kaamba, “Kobalulula kuli ndime Incito 19:11.” Luzibo! Wa kali zamba lwakwe mwini muli ncico, kasola ku cinca mubandi. Nda kaamba, “Mpawo kobalulula kuli ndime Johane 5:14.” Takakonzya ku cicita. Nda kaamba, “Mpawo Jakobo 5:14.” Takakonzya ku cicicta. Nda kaamba, “Sena ulizi Johane 3:16?” Mwabona? Luzibo, busongo, nyika! Pele, cindi . . .

¹⁹⁵ Wa kaamba, “Pele, Ba. Branham, yebo uli mukusola kubeteka kaambo aka a Bbaibbele. Tu li muku beteka kwiinda ku milao ya nyika.”

¹⁹⁶ Nda kaamba, “Munene, sa milao ya nyika tii janwi aa Bbaibbele? Nkokuti nko kululama.” Ameni! Masimpe.

¹⁹⁷ Luzibo; kutali lwa nyika. Luzibo lwa kumuuya ilwa Ijwi, mukuziba eco Leza nca kaamba, kucita eco Leza nca kaamba, cili luleme. Mpawo ikuti ulijisi olo a kukonzya kusyoma zintu ezi, kuti Ngo mbobuca mu zintu ezi zyoonse Ijwi mpo lyaamba kuti mbwini, yebo ula zuminana zyoonse ku kwaamba “ameni.” Cili kabotu. Amuyungizye eco ku lusyomo lwanu. Eeco cili kabotu. Iiyi.

¹⁹⁸ Ikuti na muntu wasola ku kwaambila, kuti, “I Bbaibbele lyaka sweekelwa nguzu. Kwiina cintu cili boobo mbuli lubapatizyo lwa Muuya Uusalala.” Huh-uh. Uta yungizyi eco. Ta cikoobeleva pe. Ciyo kulumbuka. Mbuli kubikka bulongo aa bbwe, ta buka kkalilili. Bula kulumbuka.

¹⁹⁹ Mpawo bantu bakwaambila, “I Bbaibbele tali konzyi kusyomwa sunu. Yebo ko cenjela eno. Utainki kasyoma eco pe. Ta cikonzyi kuba bwini.” Wa kamvwa eco ciindi coonse. Kwaamba kuniini, “Yebo tokonzyi kusyoma Bbaibbele.”

Ee, ikuti—ikuti ujisi eco mu muzeezo wako, yebo uta—uta soli ku ciyungizya, nkaambo ta cikabeleki. I buyake boonse buyoowa mponya awo.

²⁰⁰ Bu leelede kubikwa idaka kwiinda ku Muuya Uusalala. Nda amba kujatana antoomwe, idaka eelyo licinamatika. Elyo cintu nciconya eco cibunamatika . . . Yebo ulizi nzila . . .

²⁰¹ I kapila kakaumpwa kuti kayumi lyoonse kala kkala ciindi cilamfu kwiinda cigamba buyo cakagambikwe icakaindi. I kupya kuniini kwajata ku cigamba icakaindi aa tayela, cintu citaanzi mulizi, kobamba tayela eelyo kupya aniini, kozuza kufwaambana kukubwene, nkabela ciyo namatuka. Iiyi, munene. Mwabona?

²⁰² Elyo nde penzi ku bantu banji sunu. Ba sola kunamatika luzibo lwabo aa luzibo lwanyika, a gulu wanyika wakaindi muniini, alimwi, cindi masukusyo aasika, “Ee, ndiza Nda kalubizya.” Mwabona? Nkabela muwo wazwa, yebo waponse ka kaindi kaniini. Koonse koongolola kwako a kusotauka konse akoonse taakwe nekwaka kugwasya nokuceya. I bantu bala kubona kujoka moonya mu mulindi nguonya wa meenda alimwi. Mwabona? Cili kabotu.

²⁰³ Pele ikuti na mwakkala kuya a kupya kweelede kwa Muuya Uusalala, mane ca mubamba kuba bamwi nywebo a tyuubbu. Nce cico. Nywebo a tyuubbu mwaba bamwi. Cindi mwakkala kuya mane nywebo a zisyomezyo zyoonse zya Leza mwaba bamwi, mpawo amuyungizye eco ku lusyomo lwanu. Ikuti ta muciti, muta yungizyi nokuceya.

Yebo waamba, “I Ijwi tali konzyi kusyomwa.” Uta soli kuyungizya eco.

²⁰⁴ Yebo waamba “I zisyomezyo omu mukati, zya lubapatizyo lwa Muuya Uusalala, lwakali buyo lwa baapostolo bakali kkumi ababili,” mbuli imbungano zimwi mbo zyaamba sunu, uta soli kuyungizya eco. Awo mpaali ntalisyo yabo, yoonse ipandaukide. Mwabona? Mbuli Uziya mbwa kabede, masiku ainda, cindi nakabona ntalisyo ya mwaalumi oyu mwaka jisi kaanzambwene, yoonse kipandaukide, kaumwa a cinsenda, tee yakali mbotu. Lino, “Buyo ku baapostolo bali kkumi ababili, buyo baapostolo bali kkumi ababili.”

²⁰⁵ Nda kali kunselelo ku Mukwesu Wright . . . Ndi yeeya kuti bali kusule kuya kubusena bumwi. Busiku bumwi, kwakali mukutausi kunselelo kuya, Nda kali kukambauka, bakambausi bone nanka bosanwe antomwe. Oyu mukambausi wakanyamuka a kwaamba, “Lino, Ndi yanda ku mwaambila cintu cimwi no bantu bayandwa. Oh, Ndi yeeya kuti muli bantu babotu.”

²⁰⁶ Nda kaamba, Nda kaambila muntu umwi, Nda kaamba, “Oyo—oyo ngo umwi ukkede mponya awo. Langilila.”

207 Aboobo, Junior Jackson, kusule kuya, nakazwaa kumana kukanana. Elyo wa kaamba . . . wakali ku kambauka aa luzyalo lwa Leza. Oh, ma!

208 Wa kali kuya bunyema, kalindila. Wa kaima kuya elyo wa kali kusola kumvwisya. “Lino, Ndi yanda kwaamba kuti Ba. Branham awa, Nda mwaambila, mba sikulwanyakristo.” Elyo wa katalika kwaamba mbuli obo, ciindi cilamfu ca busiku.

209 Bamwi bakambausi baka talika . . . Nda kaamba, “Amulindile kaindi kaniini. Lino, mutaambi cintu cili coonse, bakwesu. Uli buyo alikke nkabela swebo tuli nkamu.” Nda kaamba, “Amu muleke buyo alikke eno. Wa ndi sampaula.” Nda ka ciyanda, lwangu, maningi, tee Nda kazyi eco cakucita. Mwabona?

210 Aboobo, wa kaamba, “Ba. Branham mba sikulwanyakristo,” elyo wa kazumanana kwaamba zintu zyoonse mulizi, zyamakani. Wa kaamba, “Wa amba awo, ‘I lubapatizyo lwa Muuya Uusalala.’” Kaamba, “I Bbaibbele lya kaamba awo kuti kwakali buyo bali kkumi ababili bakatambula Muuya Uusalala.” Kwaambaula zya kuponesegwa kwa Buleza, “Buyo bali kkumi ababili mbe bakajisi kuponesegwa kwa Buleza.” Wa kaamba, “Tu kanana awo Bbaibbele mpo li kanana, a kuumuna awo Bbaibbele mpo lyuumwine.” Nda kalindila mane wapalauka kulaale kutandila cisela ca ora.

211 Nda kaamba, “Kolindla kaindi kaniini biyo. Nda kalemba aa pepa awa kunji loko,” Nda kaamba, “kondipa ciindi ca kuvwiila zimwi.” Elyo cindi ni Nda kaima, Nda kaamba, “I munene, wa amba kuti wa ‘kanana awo Bbaibbele mpo lyaka kanana,’ mbungano yakwe mbo yakacita, ‘a kuumuna awo mpo Lya kaumwine.’ Nywebo nyoonse muli bakamboni. ‘Iyi.’” Nda kaamba, “Lino, waamba kuti ‘Kuli buyo bali kkumi ababili abo bakatambula Muuya Uusalala.’ I Bbaibbele lyangu lya kaamba kuti kwakali bali mwaanda a makumi obile, kaambo kataanzi.” Ameni! Amusowe oyo musyobo wa luzibo, nywebo mwabona, olo ndwakali kusola.

212 Nda kaamba, “Mpawo Ndi yeeyela kuti Paulo taka tambua Muuya Uusalala cindi nakaamba kuteeti wakacita.” Mwabona?

213 Nda kaamba, “Kumusanza mu . . . Cindi Filipino nakaselemuka akuyo kambauka kubana Samaria. Ba kabapatizigwa mu Zina lya Jesu. Luzutu, i Muuya Uusalala tii wakalina seluka aali mbabo. Nkabela ba katumina a kutambula Petro a Johane, bakaselemuka aku zobikka maanza aali mbabo, elyo Muuya Uusalala waka boola ali mbabo. Ndi yeeyela kuti bakali buyo bali kkumi ababili na?”

214 Nda kaamba, “Mu Incito 10:49, cindi Petro nakali aatala lya ng’anda, elyo wakabwene cilengaano kuti bali kuya kutala kuli Korneriyo. Kuciindi Petro nakacili kwaamba majwi aya, i Muuya Uusalala waka bawida abo bakamvwa

Ijwi.” Nda kaamba, “I Bbaibbele li cikanana. Ili kuli mbungano yako?” Ili syalilide kuli baabo balangilwa kuba boobo. Kuli kabotu. Mwabona?

²¹⁵ Nda kaamba, “Kuponesegwa kwa Buleza, wa amba kuti, ‘Buyo baapostolo bakali kkumi ababili mbe bakajisi kuponesegwa kwa Buleza.’ I Bbaibbele lyaamba kuti Stefano waka selemuka kuya ku Samaria a kuyo tanda badyabolosi a kuponya baciswa, nkabela kwakali lutangalo lupati mu muunzi. Elyo ta kali umwi wabali kkumi ababili. Ta kali muapostolo. Wa kali daikona.” Ameni. Ameni.

²¹⁶ Nda kaamba, “Alimwi Paulo taakali umwi wa bakali kkumi mubabili abo bakali mu ng’anda ya mujulu, nkabela wakali jisi cipo ca kuponya.”

²¹⁷ Nda kaamba, “Ko langa buyo ku zipo zya kuponya! Elyo mbubonya kuzumanana, myaka iili makumi otatwe yakacilila, wa kacili mu ba Korinto, kazumizya cipo ca kuponya ku Mubili wa Kristo.” Oh, ma!

²¹⁸ Lino, musyobo oyo wa luzibo oyo ngo mwiiya kuzwa ku bbuku limwi, ncibotu mu lusowele mu cingungulu. Amuboole ku luzibo olu. Cindi Leza nakaamba, “Ngu mbobuca nguwenya, sunu, amuya myaaka,” amwaambe, “Ameni.” Iiyi, munene. Iiyi, munene. Kutali kuli bali kkumi ababili; ndwa bantu boonse. Cindi mwajana musyobo oyo wa—wa lusyomo, cindi lusyomo lwanu lwa cizumina, tubeela toonse, kukwaamba “ameni,” mpawo mwaamba, “Kuli kabotu,” amuyungizye eco kuli ndulo.

²¹⁹ Cane. Tweelede kubinda, nkaambo Ndili biyo... Ci limvwisya biyo kabotu kwiima awa a kucikanana. Ameni. [I mukwesu waamba, “Tuli muku cibotelwa.”—Mul.] Inzya. Cane... Nda lumba.

²²⁰ Amuyungizye “lulyendelezyo.” Oh, ma! Twaboola ku lulyendelezyo. Lino, mwali jisi lusyomo, lutaanzi; mweelede kuba a olo, kuzwa ku matalikilo. Mpawo amuyungizye bubotu ku lusyomo lwanu, ikuti na musyobo mubotu wa bubotu. Mpawo amuyungizye luzibo, ikuti na musyobo mubotu wa luzibo. Lino muyo yungizya lulyendelezyo.

²²¹ Lulyendelezyo ta lwaambi, “kuleka kunywa bukoko,” awa, akwalo. Peepe, peepe. Lulyendelezyo ta lwaambi kusilikwa kuleka kunywa bukoko pe, kutali muciiimo eco. Olu ngo lulyendelezyo lwa Bbaibbele, lulyendelezyo lya Muuya Uusalala. Eco ncimwi buyo ca zisusi zya kunyama, pele tuli mu kwaambaula makani a lulyendelezyo lwa Muuya Uusalala. Olo lwaamba, nzila yakujata lulimi lwako, kutaba simaambani; nzila yakujata bukali bwako, kutali kunyema buyo ciindi coonse kufumbwa muntu aa kunyonganya. Oh, ma!

222 Mulombe, bunji bwesu tu yokakilwa awa katutana talika, embo na? Mwabona? Mpawo tu lagamba kambo Leza nca tali mu Mbungano Yakwe, kucita maleele ngo bakali kucita a zintu nzobakali kucita. Iiyi, munene. Mwabona?

223 Amuyungizye zintu ezi. Amuyungizye lulyendelezyo kuli ndulo. Oh, lulyendelezyo, nzila mbo kuvwiilwa mu luzyalo ciindi bukali bwaambwa kuli nduwe. Muntu umwi waamba, “Nywebo no nkamu ya babumbulusi basalala kunselelo kuya!” Muta sotokeli anze a kusuta maboko amasyati aanu eno. Mwabona? Kutali olo. Pele kwambaula a luyando lya bunaleza, lulyendelezyo, lubomba. Sa eyo nje nzila njomuyanda kuba? [Mbunga yaamba, “Ameni.”—Mul.] Cindi mwa sampaulwa, tamu josyi kusampaula. Amu Mu leke abe mukozyano wanu.

224 Cindi ni bakaamba, “Ikuti na Yebo uli Mwana wa Leza, sandula mabwe aya abe cinkwa,” Inga na cicita, a kutondezya kuti Wa kali Leza. Pele Wa kajisi lulyendelezyo. Cindi nibaka Mwiita kuti, “Bezebule,” Wa kaamba, “Njo mujatila kuli eco.” Mbo mbubo na? Ba kamumozola malezu aazula mu janza kuzwa ku busyu Bwakwe, a kumuswida ku busyu Bwakwe, a kwaamba, “Koseluka kuzwa ku ciingano!”

225 Wa kaamba, “Taata, bajatile. Ta bazi akwalo eco ncobali mukucita.”

226 Cindi, Wa ka jisi cipo, Wa kalizi zintu zyoonse, nkambo muli Nguwe mwakali buzule bwa Buleza camubili. Ba ka Mu bona kacita maleele, kwiinda mu kwaambila bantu eco caka lubide kuli mbabo, a zimwi mbuli eco. Ba kabikka kasila kuzambaila mutwe Wakwe mbuli boobo, koonse ku meso Aakwe, a ku Mu uma aa mutwe kulesya kasamu, elyo kaamba, “Kosinsima, twaambile oyo wakuuma Yebo. Tuyo kusyoma Yebo.” Mwabona? Wa kajisi lulyendelezyo.

227 Lino, ikuti na mujisi luli mbuli boobo, amu luyungizye ku lusyomo lwanu. Ikuti na mucikakilwa kujata bukali a kupapila, a kunyema kwakutongauka, a kulibilika, a kukwankana, huh-uh, ta mujisi pe. . . Ta mukonzyi kuyungizya eco, nkaambo ta cikoosangana. Mwabona? Ta bukoyumisigwa. Ta mukonzyi kubweza kabeela kamupila, mulizi, aku kayumya ku cibeela ca butale. Ta cika beleki buyo. Peepe, ci leelede kucinca kuti ceelele mbubonya, mbuli mupila mboubede. Mwabona? Elyo cindi lusyomo lwanu a lulyendelezyo lwanu lwaba musyobo omwe wa lulyendelezyo lwa Muuya Uusalala olo Ndwa kajisi, mpawo ciyo yumisigwa a Nguwe. Mwayungizigwa kuli ncico.

Cindi bubotu bwanu kabuli mbuli bubotu Bwakwe, nkokuti buyo sangana kuli ndulo.

228 Cindi luzibo lwanu kaluli mbuli lubizo Lwakwe, “Nda boola kucita luyando Lwako, O Leza.” Mwabona? A Ijwi lya Taata,

Wa kazunda badyabolosi boonse. Majulu a nyika ziyo loba, pesi Ijwi tali kalobi. Mwabona? Cindi mwano jisi musyobo oyo wa luzibo, luyo yumya antomwe a lusyomo lwanu.

²²⁹ Cindi mwano jisi musyobo mubotu wa lulyendeleyo, mbuli Ndwa kajisi, luyo yumya antomwe. Ikuti na tamu jisi, buzumini buyo bwa kakwabililwa mu viniga amunyo, lutali kabotu maningi lwa kapangwa aa bantu, na lulyendeleyo, “Oh, Nde elede ku muuma lubayi awide aansii, pele—pele ncibotu Ndi taciti, nkaambo inga ba bikka zina lyangu mu mutende kujatikizya ncico.” Oyo tauli musyobo wa lulyendeleyo Ndwa li mu kaambaula. Muta soli kuyungizya eco. Ta ciko beleka. Pele cindi nomunga ncobeni, a bubotu kuzwa ku myoyo yanu, kujatila bantu boonse, a kuumuna, a kucilekela caunka, mwabona, mpawo ciyo yumya. Inga mwayungizya eco ku lusyomo lwanu. Fyuu!

²³⁰ Ani ta cigambyi mbungano ncoibulide. Sa eco tacili mbubo? Ani ta cigambyi. Nda kali kwaamba, “Amusanduke a kubapatizigwa, Bbaibbele lya kaamba, mu Zina lya Jesu Kristo.” Elyo muna Trinitaria uutobela kabotu tasyomi eco, laamba, “Oyo sikulwanyakristo wakaindi. Ngwa Jesus Name. Ngwa Jesus Only.” Cenjala, mulombe, Ta ndizi kujatikizya lulyendeleyo lwako ndyoonya eno. Mwabona? Nkambonzi tokonzyi kusika, a kwaamba, “Atu buzyanye eci antoomwe, Mukwesu Branham. Ndi yanda kumvwa Eci kupandululwa?” Mwabona? Mpawo selemuka a kuzo Ci swiilila. Elyo mpawo Ci labikka nkoonya kumbele lyako, elyo nkabela weenda wazwa; tuyo—tuyo sika kuli eco mu kaindi kasyoonto, mu “kulemekaleza,” mwabona. Pele cindi mwa—cindi mwa nyema buyo, muyanda kusotoka ku kumanizya koonse, huh-uh, olo—olo taluli ndulo pe. Mwabona? Ta munaba a lulyendeleyo lwa Bbaibbele cindi mwacita eco; nzila ya kuvwiila. Mpawo ikuti kamu jisi zyoonse ezi, inga mwayungizya ezyo ku lusyomo lwanu.

²³¹ Mpawo, kwamana eco, cane, muyanda kuyungizya lukakatilo ku lusyomo lwanu. Ikuti na muli jisi lusyomo, “lu labeleka kuleta lukakatilo,” Bbaibbele lya kaamba. Mwabona? Aboobo, *olu* ngo lukakatilo. Lino, eco nce cintu cicilila ciyo yaka ciimo eci. Nywebo mulizi, Leza uli jisi ziyasyo ncobeni mu Buyake Bwake.

²³² Amubone mbo tubulide, mukwesu, mucizi? Mwabona? Mwabona kaambo, ino tuli aali? Iiyi, munene. Mwabona? Tu lijisi bulemu, lijisi koongolola a zintu, nkaambo tuli jisi lusyomo. Pele cindi twa boola ansi ku zintu ezi *awa*, Leza takonzyi kutuyaka mu kuba ciimo eco. Mwabona? Ta konzyi. Ta konzyi kutuyaka kusika ku musyobo oyo wa busena. Tu lijisi zyoonse ezi zintu zimbi. Tu lawa, kutezeleka a ncico. Mwabona? Ta konzyi kuyaka Mbungano Yakwe.

²³³ Lukakatilo a nzi? Ino musyobonzi wa lukakatilo? Cintu citaanzi, nkuba a lukakatilo a Leza. Ikuti na mujisi lusyomo lwini, ncobeni, muyooba a lukakatilo lwini ncobeni, nkambo lusyomo lu labeleka kuleta lukakatilo. Cindi Leza aamba cintu cili coonse, mula cisyoma. Kwa mana. Muli jisi lukakatilo.

²³⁴ Kwaamba, “Ee, Nda ka Mu lomba masiku ainda kuti a ndiponye, elyo Ndili cisidwe mboonya mbuli cifumo cino.” Oh, ma! Lukakatilo nzi?

²³⁵ Leza wa kaambila Abrahamu, nkabela myaka ili makumi aali obile ayosanwe yaka cilila tii kwakali akwalo citondezyo cimwi. Wa kacili kusyoma. Wa kajisi lukakatilo kuli Leza. Uh-huh.

²³⁶ Amu Mu bikka kumbele lyanu lyoonse. A Be cintu cicilili ca kwiindilila. Ta mu konzyi ku Mwi indilila, aboobo a mu Mu bikke buyo kumbele lyanu. “Wa kaamba obo, ciyo citika.” Mwabona? Amu Mu bikke kumbele lyanu. Mbo mbubo.

²³⁷ Nowa wakajisi lukakatilo. Inzya. Nowa wakajisi lukakatilo, ncobeni lwa kulemekaleza. Leza wa kaamba, “Njo nyonyoona nyika eyi a mvula,” elyo Nowa wa kakambauka myaka ili mwaanda aili makumi obile, kwalo. Lukakatilo lunji. Awalo mudumo taukaloki kuzwa ku Julu. Taakwe cintu cakaliko. Kuzula lusubo buyo mbuli mbo kwakabede lyoonse, kwa myaka ili mwaanda a makumi obile, pele wa kali silukakatilo.

Mpawo, Leza ula soleka lukakatilo lwanu. Mbo mbubo. Leza ula basoleka.

²³⁸ Nakamana Kwaambila Nowa, eno Wa kaamba, “Nowa, Ndi yanda kuti uzumanane a kunjila mu bwaato. Njo binga banyama mukati muya, nkabela Ndi—Ndi yanda kuti unjile. Kotanta nzila ya kumatantilo, eno, kutegwa inga walangalanga, mpulungwido yatala. Lino, Ndi yanda kunjila muya. Ndi yanda kwaambila bantu aba, ‘Juunza, eco nce Ndali kukambauka kwa muya ili mwaanda makumi obile, ciyo citika.’ Ncibotu, koya kunsellelo kuya ukabaambile.”

²³⁹ Ino cakali cinzi citondezyo citaanzi? Nowa waka njila mu bwaato. Taakwe nokwakali mvula. Nowa waka libambila, elyo wakasama kkoti lyamvula, a zintu zyoonse, elyo wakali kukonzya kusondela aanze, mu ziindi zinji. Wa kali bambila. Pele buzuba bwaka cilila . . .

²⁴⁰ Nda syoma inga wakaambila mukwasyi wakwe, a bamukabana bakwe a boonse balo, kaamba, “Oh, ma! Juunza muyo bona cintu cimwi eco ncomu tana bwene. Nkaambo, ku milengalenga yoonse, kuyo siya. Alimwi muzuzumo a ndabo ziyo citika. I panga pati lya Leza liyo zwela kwiinda mu mulengalega. Uyo pa mulandu ku nkamu eyi ya basizibi abo batukakila, kwa myaka eyi ili mwaanda a makumi obile. Amu langilile a kubona buyo.” Mwabona?

241 Bamwi basyomi batali kabotu maningi, mulizi, abo baimaima koonse elyo bata soli kunjila, mulizi. Nywebo mu—mu cibajisi, mulizi. Aboobo ba—ba kaboola, baamba, “Ee, mudaala inga kano luleme, aboobo tuyo unka kutala a kulindila kwa mazuba masyoonto, na kulindila maora masyoonto cifumo cino, a kubona.”

242 Buzuba bwakacilila, mubusena bwa makumbi asiya, mpaawa kwa kaboola zuba kali tanta mbuli buyo mbo lyakacita lyoonse. Nowa waka sondela. Kaamba, “Yawe, taakwe makumbi.”

243 Oyo mulombwana wa kaboola, kaamba, “Ah, Ndi lizi wali umwi wabo. Nywebo mwabona, mula imaima atala awa.”

244 “Ee, ndi jatile, munene. Ha-ha. Ndiza Nda—Nda—Nda buyo, nywebo mulizi, kubotelwa akuyandisya buyo, nywebo mulizi. Ku baanga, mwabona. Ha-ha-ha.”

245 Pele, Nowa, wa kajisi lukakatilo. Kaamba, “Ikuti na tii yasika sunu, iyo sika kuno juunza.” Nkaambonzi? Leza wa kaamba obo.

“Ncindi nzi Na kakwaambila eco, Nowa?”

246 “I myaka iili mwaanda a makumi obile. Nda boola lweendo olu lulamfu, aboobo Ndi lindila buyo kuno eno.” Mwabona eco? Kwiinde kaindi. . .

247 Tu lajana, Leza wa boola lweendo olu lulamfu, kulindila Mbungano, ayalo, pele Uyooba kuya. Muta libiliki. Wa ka Ci syomezya.

248 Kalindila eci ciindi coonse ku bubuke. Ku yooba kumwi. Muta libiliki. Leza waka kusyomezya. Amu lindile buyo calukakatilo. Ikuti na mwaona, eco taci. . . Inga wafukula aniini kakutana citika, pele muyo sinsimuka ku ciindi eco. Wa ka kusyomezya, nywebo mwabona. I kufukula, mwabona, nco twiita kuti kufukula kwa lufu, nywebo mulizi. Eco ncotwiita kuti lufu, kufukula biyo kuniini, nanka kooni muli Kristo. Taakwe cintu mbuli kufwa muli Kristo. Buumi a lufu tazikonzyi kuba antoomwe. Mwabona? Tu fukula buyo, kufukula kutegwa beenzuma batakozzi kutwiita. Ngu Umwi buyo ukonzya kwiita. “Uyo ita, elyo Ndi yo Mu vwiila,” wa kaamba Jobu. Jobu uloona lino kwa myaka ili zyuulu zyone. Muta libiliki. Uyo—uyo sinsimuka. Muta libiliki. Uci lindila.

249 Nowa wakalindila. Buzuba bwane bwakainda. Taakwe mvula. Cili kabotu. Ciyo citika.

250 Nda konzya kumvwa Muka. Nowa wakaboola aciimo cimbi a kwaamba, “Taata, sa uli ma- . . .?”

“Uta kanani mbuli obo.”

251 Wa kajisi lukakatilo, nkaambo wa kajisi lusyomo. Iyi, munene. Wa kajisi bubotu. Wa kajisi luzibo lwakuti Leza wakali luleme. Wa kali jisi lulyendeleyo. Ta kanyema buyo

pe, akwaamba, “Ee, ta Ndi zyi coonse nco caamba. Nda sweekelwa mpuwo yangu yoonse anze kuya.” Peepe, peepe. “Bantu tabacindi bikkili maanu. Ndiyo zwa kuya a kutalika ku busena kuya a kutalika koonse, bupya alimwi.” Peepe, peepe. Wa kajisi lukakatilo. Leza waka syomezya. Leza uyo cicita. Leza uyo cicita, nkaambo Leza wakaamba boobo.

²⁵² Elyo inga Nda bona mwana wakwe wini waboola aciimo cimbi, kwaamba, “Taata, yebo ulizi. . .” Kaumauma janza lyakwe atala a masusu aakwe malamfu alaamvwi, yebo ulizi. Elyo wa kali myaka iili mwaanda yakukomena, nywebo mulizi, kakkede awa. Kaamba, “Ndi lizyi kuti yebo uli sikale mupati. Nda—Nda kuyanda, taata. Pele cila konzeka na kuti inga wali lubide aniini loko?”

“Oh, peepe. Peepe.”

“Nkaambonzi?”

“Leza wakaamba obo!”

²⁵³ “Ee, taata, aya mazuba ali cisambomwe ka tukkede mujulu muno. Katukkede mujulu muno mu bwaato obu butakwe meenda, bwakaindi, bupati bukkede mpoonya awa. Nkabela bubikkidwe insikizi koonse, mukati a nze. Elyo twali kuyaka ali mbubo kwa myaka eyi yoonse. Elyo wakaima kuya a kukambauka, kusikila wakaba aa mvwi a lubala. Elyo mpaawa mpo bedede atala ano, kusola kwaamba cintu cili *boobu-a-boobu*. Nkabela bantu bali mukuseka, a kuwaala madeede akabola a zintu ku lubazu lwa ndilyo. Langa kuya eco ncoli mukucita. Nkaambonzi, yebo ulizi. . .”

“Koba silukakatilo, mulombe.”

“Sa uli masimpe?”

“I yoowa!”

Mukamwana wakwe wa kaamba, “Taata, yebo ulizi. . .”

“I yoowa!”

²⁵⁴ “Pele twali kulindila myaka eyi yoonse, kulindila. Twa kali kulibambila. Alimwi wa katwaambila kuti iyoowa, imvwiki yainda. Elyo tuli mukati muno, nkabela milyango yoonse iili jalidwe, alimwi mpaawa tuli mu kweendenda koonse mukati muno, nkabela zuba lili mukuumpa buyo ncobeni aansi mbuli mbo lyakabede.”

“Pele i yoowa!”

“Mbobuti mbozyi?”

“Leza wakaamba obo!”

²⁵⁵ Lino cindi mwaba boobo, amu luyungizye. Pele ikuti tamu lu jisi boobo, muta—muta soli kulu yungizya. Ta luka beleki. Ta luka beleki ku kuponya. Ta luka beleki a cintu cimbi cili coonse. Mwabona? Lu leelede kusangana a cibelesyo cikozyenye nko caka yumisigwasigwa. Cili kabotu. Mweelede

kulu yungizya. Lukakatilo ku cisyomezyo ca Leza. Iyi, munene. Nowa waka cisyoma. Nkabela wakali jisi lukakatilo kuli Leza, myaka iili mwaanda a makumi obile.

²⁵⁶ Musa, wakali jisi lukakatilo kuli Leza. Iyi, munene. “Musa, Nda swiilila kulila kwa bantu Bangu. Nda bona mapenzi abo. Nda seluka ansi kuzo banununa. Nda boola ku kutuma kuya ku musanza.”

²⁵⁷ Elyo lwandaano luniini awo aakati ka nguwe a Leza, elyo Leza waka tondezya bulemu Bwakwe. Kaamba, “Mpaawa Nda inka.” Cindi naka bona lumwi i bulemu bwa Leza, nywebo mwabona, wa kali jisi lusyomo.

Kaamba, “Ino ncinzi eco cili mu janza lyako, Musa?”

Wa kaamba, “I musako.”

Wa kaamba, “Ko usowela ansi.”

Iwa kasanduka kuba nzoka. Wa kaamba, “Oh, ma!” Wa katalika. . .

²⁵⁸ Kaamba, “Ko ibweza, Musa. Ikuti na Nda konzya kwii sandula kuba inzoka, Nda konzya kwiisandula kujokela mboyabede.”

²⁵⁹ Ah! [Mukwesu Branham wakamba maanza aakwe ziindi zyoatatwe—Mul.] Ameni! Ikuti na Leza inga wandipa buumi bwa kunyama, Ula konzya kudipa Buumi bwa kumuuya! Ikuti na Leza wakakonzya kundipa kuzyalwa kutaanzi, Ula konzya ku ndipa Kuzyalwa kwabili! Ameni! Ikuti na Leza inga waponya *eci*, kwiinda ku kuponesegwa kwa Buleza, Ula konzya ku ci busya alimwi ku bulemu Bwakwe, mu buzuba bwa mamanino. Kuli kabotu.

²⁶⁰ “Inga nda waala musako oyu aansii elyo wasanduka kuba nzoka. Nda konzya kwisandula kujokela ku musako. Ko ibweza ku mucila.”

²⁶¹ Musa wakatambika ansi akwiijata. Ngooyo mbo wakabede, i musako. Wa katalika kuyungizya luzibo kuya. Mwabona?

“Ino ndi penzi nzi ku janza lyako, eno, Musa?”

“Kwiina.”

“Ko li bikka ku camba cako.”

²⁶² “Kuli kabotu. Ino kujatikizya. . .” Kutuba a cinsenda. “O Mwami, kolanga ku janza lyangu!”

“Ko lijosya ku camba cako, Musa.”

²⁶³ Wa kali pilusya mbuli *obu*, lwaka sanduka biyo mbuli. . . Wa katalika buyo kuziyungizya mbuli *obo*, mpawo, mwabona. Iyi, munene.

²⁶⁴ Wa kasika ku musanza kuya. Elyo lwandaano lutaanzi. . . Wa kasika ku musanza kuya. Wakazwa kuya a kwaamba, “I

Mwami Leza waamba, ‘Koleka bantu Bangu baunke.’ Farao, Ndi yanda kuti uzibe eci. Nda boola mbuli mwiiminizi wa Leza. Yebo weelede kundi swiilila.”

265 Farao wa kaamba, “Kuswiilila? Sena ulizi kuti Ndi meni? Ndime Farao. Kukuswiilila yebo, omuzike?”

266 Kaamba, “Uyo ndi swiilila, kwataba obo wanyonyooka. Uyo cita cimwi eco nca yanda.” Nkaambonzi? Wa kalizi eco nca kali kwaambaula. Wa kajisi kutumwa. Wa kali ku musanza kuya. Wa kambaula kuli Leza. Wa kajisi lusyomo. Wa kalizi awo mpakabede.

“Yebo uyanda kuti mebo ndi kuswiilile? Kozwa awa!”

“Ndila ku tondeezya.”

“Ndi tondeezya i citondeezyo.”

Wa kasowa musako ansi; kasanduka kuba nzoka.

267 “Nkaambonzi,” wa kaamba, “kweena kwa simabibo kutakwe nkokuya kwa simabibo! Boola kuno kwa kaindi ka niini. Boola kuno, Janesi, yebo alimwi a Jambre, kosowa kasako kako ansi.” Baka tu sowa ansi, alimwi twa kasanduka kuba tu nzoka.

268 Kaamba, “Lino, o muntu uitakwe luzibo, wa boola kuno kuli ndime, imuna Egepita, a farao wa ku Egepita. Alimwi yebo ko selemuka ansi kuno a mabibo aako amwi aali ansi a bupyungi, zimwi zya kweneena kwako,” mu lizi, kubala mizeezo. Mulizi eeco ncendili mu kwaamba. Nda syoma muli muku cibala. “Bube bwa kubala mizeezo na cimwi cintu, mwa bona, inzya, koselemuka ansi kuno a zimwi eezyo.” Kaamba, “Ee, inga twa cita zintu nzyoonya eezyo nzocita.”

269 Ino Musa wakali nzi? Ta kaamba, “Oh, Ba. Farao, Nda—Nda usa, munene. Ndi yooba muzike wako.” Peepe, munene.

270 Wa kaima nji. Ameni. Kkala mponya awo. Leza wa kaamba, kakutakwe buya aku zumbauzya mu moyo wakwe, “Ko uumuna. Ndiyo kutondeezya cintu cimwi.” Kuti yebo wacita mboonya oobo Mbwaamba kuti cita, kubaanga ca ka lubila; koima nji, koba sicamba.

271 Musa wa kaamba, “Mu lizi, elyo ni Nda kabikka ntalisyo eyo, kwakali lukakatilo lwa kabikkwa alya, elyo Ndila lindila buyo a kubona eeco Leza ncayo cita.”

272 Mbaabo buzoka bakaindi bakaliko, kaba yongosana koonse, kabafuta, kabafooma kuli umwi aumwi. Cintu citaanzi mu lizi, nzoka ya Musa yakainka, “Mena, mena, mena,” alimwi akuzi mena zyoonse ansi alya. Wa kajisi lukakatilo.

Aabo balindila aa Mwami, bayo kubulusaya
nguzu zyabo,
Bayo tanta atala amababa abo mbuli sikwaze.

Sa eeco cili kabotu? [Mbunga yaamba, “Ameni.”—Mul.] Mwabona? Iiyi.

Bayo zuza aku takatala, kweenda akuta wizuka.

Mwabona, kamu lindila buyo aa Mwami. Amube a lukakatilo. Mwabona? Iiyi, munene.

²⁷³ Nkabela Israyeli yakali kuyo gwisigwa. I lwaandano lupati lwa kaboola, elyo Musa waka lindila.

²⁷⁴ Mpawo waka sika mu nkanda. Ngu lweendo lwa mazuba buyo atandila kuli otatwe na one. Ngu ma maile buyo aali makumi aone kuzwa ooko kwa ku zabuka kuya, mutala moonya ooko nko bakazabuka alimwi. Pele, Musa, mu nkanda, kalindila myaka iili makuni one. Lukakatilo. [Mukwesu Branham waseka—Mul.] Ameni. Cili kabotu. Wa ka lindila myaka iili makumi one. Oh! Iiyi, munene.

²⁷⁵ Elyo tweelede kuba a lukakatilo kuli umwi aumwi, aswebo. Mwabona? Ciindi cimwi. . . Tu laba—tu laba batakwe lukakatilo maningi kuli umwi aumwi. Tu yeeya kuti tweelede kuba mbuli Musa. Musa wakali jisi lukakatilo ku bantu. Amulange, eeco nci cakabapa kuti bata landuki. Mwabona? Ikuti na musola kucita cintu cimwi. . .

²⁷⁶ Mbuli, Nda sola kuleta Mulumbe ooyu kuya ku cikombelo, kubona kuti membala umwi aumwi wa cikombelo abe *Eci*. Nciyumu ku cicita. Nda sola kuba a lukakatilo; eeyi ngu myaka iili makumi otatwe a yotatwe. Mwabona? Kuba a lukakatilo. Banakazi bacigela masusu abo, nzila njiyonya buyo. Pele koba buyo a lukakatilo. Mwabona? Koba buyo a lukakatilo. Kolindila. Uu leelede. Ikuti na tolu jisi, utasoli kuyaka atala ali eeci ansi *awa*. Koba a lukakatilo.

²⁷⁷ Akwalo ku ciindi cimwi, ciindi eeyo nkamu ya bantu basikupaupa yataka jisi camba boobu, baka citya Musa kuti acite cintu cimwi cilubide. Pele, nekuba, ciindi nicaka boola ku kazekelo, Leza waka cimwa ku micito yabo. Wa kaamba, “Ko lyaandanya lwako, Musa. Ndiyo jaya nkamu yoonse yabo, akutalika a mpya.”

²⁷⁸ Wa kali waala mu mukwiiminina, a kwaamba, “Leza, uta ciciti.” Ncinzi? Lukakatilo ku bantu abo bakali kumu papila.

²⁷⁹ Ndi yeeya kuti na inga twa cicita? Ikuti na tamukonzyi, muta soli kuyaka atala ali *eci*, nkaambo ta—ta cicinci, mulizi. Eeyo nje nzila cimwi citaanzi mbo caka yumisigwa muli *eci*, alimwi eeyo nje nzila cimwi coonse ca nzizyo mbo ceelede ku yumisigwa. Ikuti na ta muciti, ta muka booli ku ciimo eco ca busena lwakukkalila Leza uupona, ikuti na tamu jisi lukakatilo, lukakatilo, umwi aumwi. Ncibotu.

²⁸⁰ I bana ba Hebrayo bakali jisi lukakatilo. Masimpe, bakali jisi. Leza waka basyomezya, ka baambila, “Muta kotamini ku

cikonzyanyo cili coonse.” Pele bakali jisi lukakatilo. Kaamba, “Wesu Leza ulakonzya. Pele, nekubaboobo, ta tuka kotami ku cikonzyano cako.” Lukakatilo, kuziba eeci, ikuti Leza uyo mubusya alimwi mu mazuba a mamanino.

²⁸¹ Obu buumi ta bwaambi cintu maningi, nekubaboobo. Mwabona? Leza uyo bubusya alimwi mu mazuba aa mamanino. Pele ciindi caboola ku kotamina cikozyano, ta tuko cicita. Lino, tu yooa Kaisara eezyo zya Kaisara, pele, ciindi ca boola kuli Kaisara kunyonganya zya Leza, Leza ngo mutaanzi.

²⁸² “Leza wa kaamba, ‘Muta kotamini cikozyanyo eco.’ Elyo ta Ndi kocicita. Leza wesu ulakonzya kutuvuna. Ikuti na Ta citi, ta Ndi kokotama ku cikozyanyo.”

Kaamba, “Ncibotu, ndeelyo bbila lyamulilo.”

²⁸³ “Ee,” wa kaamba, “oh, Nda yeeyela, yawa canguzu akulizima lyoonse.” Pele tii caka cicita. Kuciba silukakatilo.

²⁸⁴ Cifumo cakacilila, cindi ni baka tondezegwa kumbele lya nkuta, mpaawo kwaka kkede Nebukadinezara. Wa kaamba, “Ncibotu, balombe, sena muli libambide ku ndiyeyya mbuli mwaami wanu?”

“Masimpe. Kopona lyonse, O mwaami.”

“Lino amukotame ku cikozyanyo cangu.”

“Oh, peepe.”

²⁸⁵ “Ee, mu yoopya. Muli bantu basongo. Muli cenjede. Mwali lugwasyo lupati kuli ndiswe. Mwali cilongezyo ku bwami bwesu. Sa tamukonzyi kumvwisya kuti ta Ndi yandi kucita eci? Pele Nda bamba kuzibya kubuleya awa, elyo kweelede kucitwa. Ta ndi yandi kumu sowela mukati muya. Oh, no baalumi, ino muli apenzi nzi?”

²⁸⁶ “Ndi lizi eco cimvwika kabotu. Pele, Leza wesu ulakonzya kutuvuna. Pele nekubaboobo. . .” Kajisi lukakatilo.

²⁸⁷ Bakatalika kweenda kutanta aa cibumbili. Umwi wa kalanga kuli umwi aumbi. “Cili kabotu. Ncibotu.” Kaba basilukakatilo. Keenda ntaamo yomwe, Leza takali mo. Ntaamo zyobile, Ta kali mo. Ntaamo zyoatwe, ntaamo zyone, ntaamo zyosanwe, kuzumanana buyo kuyabuya, nekubaboobo Ta kali mo. Elyo wa kataamuka kuleya kunjila mu bbila lya mulilo. Ba kajisi lukakatilo. Eno Wa kali mo. Mwabona? Mulilo munji weelede wa kubaumpa, kuumpa zyaanzyo zyabo kuzwa ku maanza a matende abo. Elyo cindi ni bakauma ku tako lya mulindi, Wa kali ko. Mwabona? Ba kajisi lukakakilo.

²⁸⁸ Daniele nzila njiyona. Daniele wa kajisi lukakatilo. Masimpe. Ta kali sikuyooleka pe. Peepe, munene. Ino wakacita nzi? Wa kajula mpulungwido a kukomba, kuli koonse. Kwakali kuyandika kwa Leza. Wa ka jisi lukakatilo. Wa kalindila kuli

Leza, mukuziba kuti Leza wakali kukonzya ku bamba Ijwi Lyakwe. Ba ka muwaalila mu cilido ca balavu, kaamba, “Tuyo lekela balavu bamumane kumulya.”

²⁸⁹ Wa kaamba, “Eco cili kabotu.” Wa kajisi lukakatilo. Nkaambonzi? “Ee, Nda lindila ciindi eci coonse, kuli Leza. Ikuti na Nde lede kulindila myaka iimbi iili cuulu, Ndiyo buka alimwi mu buzuba bwa mamanino. Aboobo, kaba basilukakatilo, kulindila.”

²⁹⁰ Paulo wa kajisi lukakatilo. Camasimpe wakali jisi. Amulange eco Paulo nca kacita. Mukanana kujatikizya silukakatilo!

²⁹¹ Mbobuti kujatikizya bantu ba pentekoste? Kufumbwa kuti bakali jisi kutumwa, “Amulindile mane,” mwabona, “amulindile mane muka zuzigwe a Nguzu.” Ciind cilamfu buti? Tee bakajisi mubuzyo, cindi cilamfu buti nociyooba? Ba kajisi buyo bwiinguzi, “Amulindile mane.”

²⁹² Ba kainka kutala kuya a kwaamba, “Kuli kabotu, balombe, ndiza mu maminiti aali kkumi aosanwe kuzwa lino i Muuya Uusalala uyo tuwida elyo tuyooba a mulimo wesu.” Maminiti aali kkumi aosanwe akainda, taakwe muntu. Buzuba bomwe bwakainda, peepe; obile, otatwe, one, osanwe, cisambomwe, ciloba.

²⁹³ Bamwi babo inga no bakaamba, “Yawe, ta muyeeyi kuti twa Uu tambula kale?”

“Peepe, peepe, peepe, peepe.” Nce cico. Peepe. Kuli kabotu.

²⁹⁴ “Nywebo ncibotu mwazwa, balombe.” Dyabolosi wa kaamba, “Nywebo—nywebo—nywebo mulizi mujisi kale eco nco muyanda. Amu zumanana, mutalike mulimo wanu.”

²⁹⁵ “Peepe, peepe, peepe. Ta tuna na Uu tambula, pe. Nkaambo, Wa kaamba, ‘Kuyo boola, eco cinga ciyo citika ku mazuba aa ku mamanino: A milomo iimamauka a myaambo imbi Njo kanana ku bantu aba, elyo oku nko Kulyookezya nko Nda kaamba,’ mwabona, Isaya 28:19.” Kaamba, “Eci nce—eci nce Cico, muyo—muyo Uu tambula cindi... Nkaambonzi, tuyo uziba Wa boola. Tuyo uziba Wa boola. Tuyo uziba, ‘Cisyomezyo ca Taata.’” Mpaawo wa kalindila mazuba aali fuka. Elyo mpawo ku buzuba bwa kkumi, “Twa kali kokuya.” Ba kajisi lukakatilo, lwa kulindila.

²⁹⁶ Lino, ikuti kojisi musyobo oyo wa lukakatilo, Leza aamana kukupa cisyomezyo elyo wacibona mu Bbaibbele, “Nci cangu,” nkokuti kolindila. Nkabela, ikuti na kojisi musyobo oyo wa lukakatilo, koluyungizya ku lusyomo lwako. Elyo ulabona obo kulampa mbo waba eno kuti uli mukusika aatala awa eno? Uli mukusika kunzila aatala awa eno. Ncibotu. I keenzyo ka nkoloko kali muku zyunguluka koonse, akalo, embo na? Ncibotu. Ncibotu. Koyungizya olu ku lusyomo lwako.

²⁹⁷ Lyoonse ku Mu bikka kumbele lyanu, kuyeeya, wakali Nguwe waka syomezya. Takali ndime, kasyomezya. Ta kali mweembeli, kasyomezya, na Mukwesu Neville. Ta kali mukutausi umwi umbi, kasyomezya. Ta kali mupaizi na pope umwi. Ta kali muntu wa nyika. Wa kali Leza wakapanga cisyomezyo, nkabela Leza ulakonzya kuzwindilizya zintu zyoonse Nzya kasomezya. Ncibotu. Ikuti na muli jisi musyobo oyo wa lusyomo, lwa kuziba kuti Leza waka cisyomezya! Koamba, “Mukwesu Branham, Nda ciswa. Ndi yanda kuponesegwa maningi.” Koku tambula. Ngu cipego cipedwe kuli nduwe, iyyi, munene, ikuti na ula konzya kusyoma. “Ee,” yebo waamba, “Ndi la syoma.” Nkokuti kociluba. Kwa mana. Ca mana. Mwabona?

²⁹⁸ Amube a lukakatilo, ikuti kamu jisi lukakatilo. Ikuti na tamu jisi, muli muku bbamauka kuzwa ku Buyake obu awa, mwabona. Ciyo usizya aansu zyoonse zimbi, eco cintu comwe. Mweelede kuti kamu jisi eco. Muta ciyungizyi, nkaambo, ciyo nyonyoona buyake bwanu ikuti na tamu jisi lukakatilo, ikuti na tamu jisi bubotu bwa kuyungizya ku lusyomo lwanu olo ndo mwaamba kuti mu lijisi. Elyo ikuti na tamu jisi lusyomo luli loonse, a kusola kubikka bubotu aali ndulo, ciyo ba lusyomo lwanu. Mwabona? Nywebo mwaamba, “Ee, eno, lindila kaindi kasyonto. Ndiza obu mbo bulubizi boonse, kwalo. Ndiza Leza tali Leza. Ndiza takukwe Leza.” Mwabona, ciyo andula cintu ncobeni mu bubili. Mwabona?

²⁹⁹ Pele ikuti ka mujisi lusyomo lwini, mpawo amubikke bubotu bwini kuli ndulo, mpawo luzibo lwini, mpawo lulyendelezyo lwini, mpawo lukakatilo lwini. Mwabona? Muli mukweenda ncobeni aatala ku mundando. Ncibotu.

³⁰⁰ Casanu, amuyungizye kulemekaleza. Oh, ma! Kulemekaleza kweelede kuyungizigwa. Ino kulemekaleza caamba nzi? Nda kalanga mu madikishinari one na osanwe nkabela tii Nda kakonzya akwalo kujana eco nco lyakali kwaamba. Kumalekelo, Nda kainka kunsalelo ku Mukwesu Jeffries kuya, twa kali jana mu—mu dikishinari. *Kulemekaleza* caamba “kuba mbuli Leza.” Oh, ma! Mwamana kuba a lusyomo, bubotu, luzibo, lulyendelezyo, lukakatilo, mpawo kuba mbuli Leza. Fyuu!

³⁰¹ Yebo waamba, “Ta ndi konzyi kucita eco, Mukwesu Branham.” Oh, iyyi, ula konzya.

³⁰² Andi mubalile buyo Malembe masyoonto, kwa kaindi buyo kaniini. Matayo 5:48. Tu yoobweza eyi a kubona obo mbuli mboili mvwisya, Matayo 5:48, akubona ikuti na mweelede kuba mbuli Leza. Mulizi Bbaibbele lyaamba kuteeti, “Nywebo muli baleza.” Jesu wakaamba obo. Nkaambonzi? Boonse bubotu, zyoonse zintu ezyo zili muli Leza, zili muli ndinywe. Matayo 5:48, “Nywebo amube...” Jesu kaambaula, mu twaambo twa zyoowe.

Nywebo amube eno b-a-l-o-n-d-o-k-e-d-e, (Eco ncinzi?) balondokede, akwalo mbuli Taata wanu . . . ku julu uli londokede.

303 Mwasika aatala *awa* eno, kamutana ku lombwa kucita eco. Zyoonse zintu ezi zyeedele kuyungizigwa lutaanzi. Mpawo cindi mwasika aatala *awa*, Wa kamulomba eno kuba balondokede, kulemekaleza, bana balombe abasimbi ba Leza. Kuli kabotu. Nzingaye zintu nze Ndi konzya kwaamba antoomwe ku nzila eyo!

304 Atu jule ku ba Efeso 4, a kulangalanga koonse kuya *awa* eco, mu Bbuku lya ba Efeso, nco lyaamba kujatikizya cintu eci, acalo, kujatikizya nzila mbo tweelede—nzila mbo tweelede kucita. Efeso, capita 4, a kutalikila aa kampango ka 12. Efeso 4, a kutalikila aa kampango ka 12. Ncibotu. Atu talikile aatala *awa* aa kampango ka 11.

Elyo wa kapa bamwi, baapostolo; a bamwi, basinsimi; . . .

305 Amuyeeye masiku ainda? Muta soli kubweza mulimo wa muntu uumbi. Mwabona?

. . . a bamwi, bakambausi; a bamwi, beembeli . . . a bamwi, bamayi;

306 “Ku kulondola Leza?” Sena lyaamba mbuli obo? [Mbunga yaamba, “Peepe.”—Mul.] I bulondosi bwa nzi? [“Basalali.”] Ino mbaani basalali? I bantu bakasalazigwa. Ameni. I bantu abo bakatalikila kuzwa aansi *awa*.

. . . kulondola kwa basalali, ku kubeleka kwa mulimo (mulimo wa Jesu Kristo), ku kuyaka kwa mubili wa Kristo (ku kuyaka, Ku sumpula, kuyaka): kusikila . . .

Mane toonse tu kaboole mukati ku lukamantano lwa lusyomo, a . . . luzibo lwa Mwana wa Leza, alimwi ku muntu uulondokede, kusika ku kaanzambwe, (oh, ma), ku ceeleko ca ciimo ca buzule bwa Kristo:

307 “Kulondoka,” citola kulemekaleza. Mweelede kuyungizya ku lusyomo lwanu, kulemekaleza. Mwabona, mutalikila aansi *awa*, a bubotu. Mpawo muunka ku luzibo. Mpawo muunka ku lulyendeleyo. Mpawo muunka ku lukakatilo. Lino muli a kulemekaleza. Kulemekaleza! Oh, ma! Ciindi cesu cili mukumana. A tubone. Pele mulizi kulemekaleza ncolwa kali kwaamba. Mwa kaimba lwiimbo olu:

Kuba mbuli Jesu, kuba mbuli Jesu,
A nyika nco Ndi yandisya nkuba mbuli
Nguwe;
Mu lweendo loonse lwa buumi kuzwa aansi
kuya ku Bulemu
Nda lombwa biyo kuba mbuli Nguwe.

308 Oko nko kulemekaleza. Cindi Na kaumwa ku lubazu lumwi lya busyu, Wa kapa kuli lumbi. Cindi Na ka nyemenwa, taakwe Na kambaula. Ta kajosya mu kusamapaula. Mwabona? Bunaleza, lyoonse kulangila cintu comwe, “Ndi cita eco lyoonse cibotezya Taata.” Mwabona? Iiyi, munene. Lyoonse. Oko nko kulemekaleza. Mwabona?

309 Mwamana kuzwa *awa*, kusika *awa*, kusika *awa*, kusika *awa*, kusika *awa*, kusika *awa*, lino muli mukuboola mu ciimo cizwide lino ca mwana wa Leza. Pele mweelede kuba a *eci*, kusanganya coonse *eci*, elyo ta mukonzyi kutalika akwalo kusikila mwajana *eci*.

310 Lino amuyeeye muyuni uusiya kajisi mapepe aa piikkoko. Muta mu lubi. Mwabona? Muta soli kuci yungizya mane mwa zyalululwa ncobeni. Nkaambo, nywebo, ta cika beledi, elyo nywebo—nywebo tamu konzyi kucibamba kuti cibeledi. Ciyooloola kuli *eci*, na *eci* awa, ciyoolulumbuka ku busena bumwi.

311 Pele cindi mwasika aansii *awa*, inziba yaka zyalululwa kasimpe, mpawo muta yungizyi cintu cili coonse. Cila yungizya kuli ncico, mwabona, laboola aatala, ncibotu, kuboola mu bulondosi. Ncibotu.

312 Mpawo, cacisambomwe, atu yungizye, Bbaibbele lya kaamba awa, kuyungizya luyando lwabunyina... luyandano lwabunyina. Lino, eco ncimwi cibotu, mponya awa, icisambomwe, ciloba. Ncibotu. Kuyungizya luyandano lwabunyina. Ncibotu. Cindi twa sika kuli ceeco, luyandano lwabunyina, amu libikke mu busena bwakwe, aa makani. Lino nywebo mwaamba...

313 “Mukwesu wangu waka ndibisizya,” kaamba Petro. “Sa Ndi ka mujatile,” wa kaamba, “ziindi zili ciloba mu buzuba?”

Wa kaamba, “Kwaziindi zili myaanda yone amakumi aali fuka.” Mwabona?

314 Luyandano lwabunyina. Lino, nywebo mwabona, ikuti mukwesu walubizya koonse maningi, mutabi babula cambia kuli nguwe. Mwabona? Peepe. Mwabona? Amube aluse kuli nguwe. Kamuya, munzila iili yoonse.

315 Muntu umwi wa kaamba, kutali kaindi kalamfu kakainda, kaamba, “Mbobuti mbokonzya kusyoma zintu ezyo mu nzila njo cita, elyo kocuunka ku Assemblies of God, a ba Oneness, a boonse bambi?” Mpawo amubikke, mwabona, luyandano lwabunyina. Mwabona? Mwabona? Kulangila, buzuba bumwi, mwabona; sicamba kuli mbabo, mwabona; silulyeendelezyo, kukakatila a nguwe; luzibo, ku mvwisya eco nca syoma, amuyeeye, cili mu moyo wakwe, eco mbocibede; bubotu, muli lwako, ku bulekela kuzwa antomwe a luse, lubombo, kuli nguwe; kuba a lusyomo kuti buzuba bumwi Leza uyo muyobolola. Mwabona?

³¹⁶ Luyandano lwabunyina, cintu caciloba. Comwe, cabili, catatu, cane, casanu, icisambomwe, ciloba. [Mukwesu Branham waumauma a boodi lya ncoko ziindi zili ciloba—Mul.] Mwabona, cintu caciloba. Mpawo, lino, muli mukuboola.

³¹⁷ Cintu cicilila, mpawo, amuyungizye luyandisyo, luli ngo luyando. Eelyo ndibbwe lya nsonje. Bumwi bwa mazuba aya, mu mbungano . . .

³¹⁸ Lino, akaka, acizibwe aa teepu, a kufumbwa bumbi, ta Ndili mu kuyiisya eci kuba njiisyo, eco nco Ndiyo amba eno. Pele Ndi yanda ku mutondezya buyo kuti, kwiinda ku lugwasyo lwa Leza, obo mbo cibede ncobeni, kuti, Bbaibbele taanzi eelyo Leza ndya kasola kulemba lyakali lya Zodiaki mu mulengalenga. Li latalika a nakalindu. Li lagola a Leo i mulavu. Elyo cindi Nda sika ku Cinamatizyo eco Cacisambomwe a Caciloba, muyo jana kuti, cindi Cinamatizyo eco cimbi ni caka julwa, citondezyo ca Zodiaki ca busena obo cakali kkansa, inswa yakatintanisigwa. Nkabela obo mbo bukkalo motupona mo lino, bwakayubununwa. Alimwi cintu cicilila Cinamatizyo nco cakanamatula, Ca kayubununa Leo i mulavu, i Kuboola kwabili kwa Kristo. Ula boola, kutaanguna, kuli nakalindu; Ula boola, ucilila, Leo i mulavu. Ndiyo leta eci ku . . .

³¹⁹ Lino, ta Ndi zyi naa Ndiyo ba a ciindi cifumo cino. Ndiyo cita kububotu maningi mbuli mbo Ndi konzya kucita, ku mutondezya kuti intaamo ezi zili mu ma piramidi, mbubonya buyo, Bbaibbele lyabili Leza ndya kalemba. Enoki wa kaalemba, a kwaabikka mu piramidi.

³²⁰ Elyo lyatatu, Leza lyoonse ulalondolwa mu butatu, alimwi Wa kalifungula Lwakwe kuba Ijwi Lyakwe.

³²¹ Awa, lino, amuyeeye, mu piramidi . . . Ndi yeeyela kuti bunji bwanu no basimpi a bantu bakali mu Egepita. I piramidi taikwe neyaka samide insonje. Tai naba. I—i Ibbwe lya Kusampaulwa, a zintu zyoonse zimbi nzo bajisi, pele nekubaboobo . . .

³²² Ikuti na muli jisi mali ya dollar mu nkomo zyanu, a mu lange aa mali ya dollar, nkabela muyo jana eco, atala ku lubazu lwa kululyo, ijisi sikwaze a ndembela ya America. Alimwi ya kaamba, caando “ca United States.” Ku lubazu lumbi, ili jisi piramidi, a bbwe lyansonje lipati ncobeni a liso lya muntu. Ilaamba ku lubazu olu, “I caando cipati.” Ee, ikuti na eci ngu cisi cipati, nkaambonzi caando eci cipati nco cinga tii caba caando caco cini ca cisi? Leza ula babamba kuti bape bumboni, takukwe makani oko nkobaya.

³²³ Nda kali kwambaula kuli dokotela umwi ciindi cimwi, nkabela wakali kundibisyabisy maningi, kujatikizya kuponesegwa kwa Buleza. Wakali imvwi mu kagwagwa. Wa kaamba, “Ba. Branham, mu nyonganya buyo bantu.” Kaamba, “Taakwe kuponesegwa, cita kwiinda ku bantu basilika aa misamu.”

324 Nda kajanika kuti ndacebuka, kulanga ku citondezyo cakwe aa mootokala, kajisi nzoka eyo aa mungwala. Nda kaamba, “Yebo ncibotu ugwisye citondezyo eco mu mootokala yako, mpawo, nkaambo citondezyo cako cini cilungulula kuti Leza ngu Sikuponya.”

325 I dokotela wini ula syoma eco. Mbabo bayanga balo. Iyi, munene. I nzoka aa mungwala! Musa wakasumpula nzoka aa mungwala. Wa kaamba, “Ndime Mwami oyo uuponya malwazi aanu oonse.” Nkabela ba kalanga ku nzoka eyo, ku kuponesegwa kwa Buleza. Alimwi kakuli bala lungulula ku kulwana; kakuli citondezyo cabo cini cilungulula kuba lwana. Fyuu!

326 Awa, cisi cesu, kacaamba kuti zintu ezi nkozili, nkabela basampaula zintu ezi, elyo mali abo beni, cilengwa camali aabo, zilungulula kuti caando ca zilengwaleza zyoonse ngu Leza. Amubone liso eelyo liimvwi atala awo mujulu lya ceeco, aa mali ayo a dollar? Eco ngu caando cipati.

327 Taakwe nilya kabikkidwe aatala lya piramidi. Tii bakali kukonzya kumvwa kuti nkaambonzi. I Ibbwe lyasonje lyaka kakakwa, i Mutwe, Kristo. Pele Uyo boola, buzuba bumwi.

328 Lino, mu kuyaka, bubotu. . . Kuyaka cibumbwa eci, kuyaka ciimo eco, mwabona, cila talika a ntalisyo ya ibbwe; lusyomo, bubotu, luzibo, luyendelezyo, lukakatilo, kulemekaleza, luyandano lwabunyina. Ino cicita nzi? Mpawo bali mukulindila Ibbwelyamutwe, lili ngu luyando, nkambo Leza ngu luyando. Nkabela Ngu endezezya, alimwi Ni nguzu zya cimwi acimwi ca zintu ezi zyoonse. Mbo mbubo. Iyi, munene.

329 Moonya mukati *awa*, moonya mukati *awa*, mwabona Ndi jisi, busena bwaakati, milimo eyi yoonse mukati awa, alimwi awa mayuwe aya maniini aboola. Ino eco ninzi? I Muuya Uusalala kauseluka, kwiinda muli Kristo, mwabona. Muuya Uusalala! I Muuya Uusalala uli atala a zyoonse *ezi*, kuswaanganya eci antoomwe, kuyaka (i nzi?) Mbungano ilondokede, kuti Bbwelyansonje li Ci vunike oonse atala.

330 Ino cacita nzi alimwi? Ca yubununwa kwiinda mu Makkalo aa Mbungano Aaliciloba, a batumwa ba Mbungano ziliciloba.

331 Katalikila kaindi *awa*. Nkokuli Mbungano nkoya kasanguna kuyakilwa? Nkokuli Mbungano ya pentekoste nkoya kasanguna kuyakilwa? Kwiinda ku Musalali Paulo, ku Efeso, inyeenyezi ya Bukkalobwa Mbungano yaba Efeso, Efeso.

332 I bukkalo bwa Mbungano bwabilii bwakali Smurna. “Bubotu.” Irenaesi, muntu mupati oyo waka simpika Makani mabotu aakwa Paulo.

333 Bukkalobwa Mbungano bucilila bwakali Pergamo, oyo wakali Martini. Martini wakali muntu mupati oyo waka kkala. Paulo, Irenaesi, Martini.

³³⁴ Mpawo mu Tuataira kwa kaboola Kolumba. Sa mula yeeya? Nceeci we, lilembedwe kabotu *awo*. Kolumba. Kuzwa Kolumba. . . I Makkalo aa Musinze akaboola mukati muya.

³³⁵ Mpawo kwa kaboola Sarde, eelyo lyaamba *cifwide*. Luthar. Aleluya! Ncinzi mpawo? Ino ncinzi ciboola kwamana Sarde, Luthar?

³³⁶ Mpawo kwa kaboola Filadafia. “Kulemekaleza.” Wesleyi, busalali! “I baluleme bayo pona ku lusyomo,” kaamba Luthar. Kusalazigwa kwiinda muli Wesleyi.

³³⁷ Mpawo kwaka njila luyandano lwabunyina, kwiinda mu Laodikeya. Elyo tu lasyoma Mulumbe mupati wa kulibonya kwabili kwa Eliya, mu buzuba bwa mamanino, uyo fumpa nyika.

³³⁸ Mpaawo we, Makkalo aa Mbungano AalCILoba, intaamo ziliciloba. Leza kayaka Mbungano Yakwe, cili mbuli muntu omwe mu cigaminina, muli Lwakwe. I bulemu, Nguzu zya Leza, kazi seluka kwiinda muli *eci*, ku Ci swanganya antoomwe. Aboobo, bantu ba Pentekoste abo baka tantamuka bana Luthar, baka tantamuka bana Wesleyi a zintu, tabazi eco nco baambaula. Nywebo mwabona, baka pona mu cibeela *eci* ca tempele. Eeyo nje nzila, bantu bamwi inga baboola atala awo a kuloka. Pele kuli cibeela cini ca ceeco, cizumanana kubamba buyake kusumpuka. “Njo boozeyza,” mbwaamba Mwami.

³³⁹ Nywebo mula yeeya *I Musamu wa Nabwiinga?* Nywebo mula yeeya nkambauko aa *I Musamu wa Nabwiinga?* Ba ka Ulya do mane ku cisiko, pele Wa kaukokweda. Ba kajisi mitabi yakabungwe; Wa kaugonka ntabi. Ba kabamba mbungano imbi, mitabi yatubungwe; Wa kaugonka ntabi. Pele moyo wa Musamu oyo waka zumanana kukomena. “Elyo ku ciindi caku mangolezya kuyooba Mumuni.” Mwabona? Eco nce ciindi Kristo ncaboola, i Muuya Uusalala. Jesu ula seluka a kulibikka Lwakwe ku Mutwe wa Mbungano mpawo, alimwi Uyo busya Mbungano eyi, nkambo Mubili Wakwe Wini. Mukati *muya* muli Mubili.

³⁴⁰ Elyo nzila Leza mbali mukutulangila mbuli muntu ugaminina kukomena, nzila Mbwa njizya Mbungano Yakwe mukati kuti ikomene. Makkalo aa Mbungano oonse, A laba Mbungano yomwe mpati. Mwabona?

³⁴¹ *Aba* balombwana tee bakali kuyandika kuba mbuli *aba* balombwana mbobabede. *Eci* tee cakali kuyandika kuba mbuli *eci* mbo cakabede. Mwabona? Pele Wa kayaka Mbungano Yakwe nzila njiyona. Wa kayaka Mbungano Yakwe—Yakwe nzila njiyonya Mbwa yaka bantu Bakwe. Mpawo Petro ulaamba awa, kusaanguna, zintu zili ciloba: lusyomo, bubotu, (mwabona, kutanta), luzibo, lulyendelezyo, lukakatilo, kulemekaleza, luyando lwabunyina, amuyungizye luyandano lwabunyina, elyo mpawo luyando lwa Leza. I Muuya Uusalala, Kristo muciiimo ica muntu wa Muuya Uusalala, waboola aali ndinywe, mu lubapatizyo lwini lwa Muuya Uusalala, nkabela

muli jisi zyangubotu ezi kazinatikidwe muli ndinywe. Mpawo, Leza uponena mu Cikombelo, citegwa Buyake, busena bwakukkalila bwa Cikombelo cipona ca Leza uupona.

³⁴² Cindi muntu anojisi musyobo wa zintu ezi, mpawo i Muuya Uusalala ulaboola aali nguwe. Takukwe makani, inga mwaambaula a myaambo, inga mwiya cipego cili coonse eco Leza ncajisi. Inga mwacita eco. Pele kusikila zyangubotu ezi *awa* zyangjila muli nduwe, ucizwide ku ntalisyo iini, ncobeni ya lusyomo. Pele cindi zyangubotu ezi zyakomena mukati, nkabela wayungizya ezyo kuli eco, nkabela waba cibumbwa cipona. Uu li cikozyano, ceenda a cipona.

³⁴³ Pele, nywebo mulizi, i—i muhedeni, bala fugamina kumbele lya cikozyano, muzimo wakuyeyela buyo. Elyo mu nzila yakuyeyela buyo bala syoma kuti muzimo wakuyeyela buyo ula bavwiila. Obo mbuhedeni. Obo mbuna Roma. Ba lakotamina basalali bamisyobo yoonse a zintu zyoonse zimbi. Elyo bali jisi Musalali Cecelia, muzimo wa ng'anda, a zintu zyaandene zinji maningi. Ba lafugama kuli eco, alimwi bala syoma ncobeni eco mu nzila yakuyeyela buyo. Ino—ino musyobo mboubede, wa Leza uupona wini.

³⁴⁴ Pele cindi swebo, kutali mu nzila yakuyeyela buyo, pele tula fugamina kumbele lya Leza uupona, bubotu bupona, luzibo lupona, lukakatilo lupona, kulemekaleza kupona, Nguzu zipona kazizwa kuli Leza uupona, zibamba muntu uupona kuba cikozyano cipona mu ciimo ca Leza. Ino ucita nzi? I zintu nzizonyanya ezyo Jesu nzyakacita; kweenda nzila njiyonya Nja keenda, kucita zintu nzizonyanya Nzya kacita. Nkaambo, tacili cintu cakuyeyela buyo. Kuli kasimpe ka tondezya.

³⁴⁵ Mwabona eco nco Ndi pandulula? Mwabona nzila zyangubotu obu, ezi ziyako zya buyake, mbo zitondezya mukati antoomwe a batumwa ba Mbungano, a makkalo aa Mbungano? Lino, bumwi bwa mazuba aya, tuyo bweza limwi alimwi lya mabbala aya, akuziyya kumanizya, a kucitondezya kuti ci lacizibya. Cila inka antoomwe coonse. Masimpe. Mwabona? Oh, ma! Obo mbu cili cibotu, mwabona, kubona mbocibede—eco nce cicita.

³⁴⁶ Lino, eyi ni Ng'anda eyo Leza mwakkala mukati; kutali buyake bujisi mulangu mupati aatala aali mbubo, a ngazi ndamfu atala aa cikombelo. Mwabona? “Pele Mubili Yebo ngo Wa kandibambila,” Mubili wakuti Leza akonzye kukkala mukati, Leza kakonzya kweenda mukati, Leza akonzye kubonena mukati, Leza kakonzya kwaambauwida mukati, Leza kakonzya kubelekela mukati. Amen! Cibelesyo cipona ca Leza, Leza keenda aa matende obile, muli nduwe. Bulemu! “I ndyato zyamaulu zya mululami zila laililwa aa Leza,” Leza keenda muli nduwe. “Nkambo nywebo muli magwalo aalembdwe, abalwa a bantu boonse.” Alimwi ikuti Buumi obo mbuli muli Kristo buli muli ndinywe, muyo zyala Buumi obo Kristo mbwa kazyala.

³⁴⁷ Mbuli mbu Nda kaamba lyoonse. Mubweze musinza wa musamu wa peachi, alimwi ikuti ulakonzya kuulonzya, kwiinda mukubikkwa, mu musamu wa apele, musamu wa apele inga wazyala micelo yama peachi. Masimpe. Cancobeni inga wacita. Takukwe makani mitabi mbo iboneka, ijisi musinza wa musamu wa apele, mwabona, na kufumbwa musamu mboubede. Mwabona? Kugwisya buumi bwa musamu wa apele, kubugwisya boonse, a kuupa i—i kubikkwa kwa musinza, a kuswimba kuzwa ku musamu wa peachi kuya mu musamu wa apele. Ino ncinzi cicitika? Tau cikazyali micelo yama peachi pe. Mwabona? Peepe, munene. Tau ka zyali. Ikuti na buumi bwa musamu wa peachi bwanjila mu musamu wa apele, mubwini, tauci kazyali ma apele. Uyo zyala ma peachi, mwabona, mwabona, nkaambo ujisi buumi mukati kanguwo.

³⁴⁸ Ee, mwa tubweza, eco tacli cintu pele lufulu lwa musokwe, i cikoto, mwabona, alimwi kwiina cintu kuli ndiswe, nkambo toonse tuli fwide mu zibi a milandu. Toonse tuli mu musyobo oyu wa bube. Alimwi mpawo swebo, lwesu, lakonzya kuli fugamina, kulipa lwesu, kusikila Leza wabweza kapila Kakwe kakulonzezya, i Zina lya Jesu Kristo, nkaambo, “Taakwe Zina limbi kungsi aa Julu kwiinda muli ceeco muntu mweelede kufutulwa,” a kulonzya Buumi bwa Kristo kuya muli ndiswe. Mpawo tulaba a musyobo *oyu* wa lusyomo, lusyomo olo Kristo ndwa kajisi. Nkabela lusyomo lwa Kristo tii lwakayakidwe mu ba Farisi abo, naanka ba Saduki, nanka mu mipika, a nketro, a mpani zyabo, a kusanzya kwabo. Lwa kayakidwe aa Ijwi lya Leza, ameni, kunji maningi, kusikila Kristo wakali Ijwi, Ijwi lyakalifungula kuba mu mubili wabuntu. Alimwi mpawo cindi twakonzya kubikkwa maningi ku Nguzu Zyakwe, cakuti twa fwa ku kuyeeya kwesu kwini, alimwi lusyomo lwesu lwaba lusyomo lwakasimpe, aleluya, nkabela Buumi bwa Kristo bulabikkwa muli ndiswe. Tu laba zilenge zya Leza zipona, busena bwakukkalila awo Muuya Uusalala mpoukonzya kumwaya zileleko Zyakwe muciiindi coonse kuya, nkabela tuli mu ciimo ca Kristo.

³⁴⁹ Jesu wa kaamba, “Sa taku lembedwe? Nywebo mwa Ndi pa mulandu, kwaamba, ‘Ndili Mwana wa Leza.’ Sena taku lembedwe, kuti, ‘Muli baleza.’ Sa mulao wenu wini tawaambi obo?” Mbuli Musa, mbuli Eliya, mbuli basinsimi abo bakapona muni loko kuli Leza, kusikila Leza ula lilonzya buyo Lwakwe ncobeni muli mbabo. Elyo ba kaamba, kutali lwabo, pele Leza. “Muta libiliki eco nco mweelede kwaamba, nkambo tamuli ndinywe abo kanana. Ngu Taata oyo uukkala muli ndinywe; Walo ngu kanana.” Majwi Aakwe tali aakwe mwini, nkaambo, buumi bwakwe, uli fwide.

³⁵⁰ Ikuti na wafwa, mwa gwisya bulowa kuzwa ku muntu, akumubikka musamu wakutabola. Penzi lya ncico, bunji bwabo tii baka kikkwa musamu wakutabola. Mwa gwisya

bulowa kuzwa ku muntu, ula fwa. Mpawo cintu luzutu ncimu nkozya kucita nku josya bulowa bumbi muli nguwe; uyopona alimwi. Mwaka gwisya bulowa bwakwe.

³⁵¹ Elyo mpawo twabikka mukati Bulowa bwa Jesu Kristo, mwabona, nkabela obo buleta lusyomo lwa Jesu Kristo, bubotu bwa Jesu Kristo, luzibo lwa Jesu Kristo, lulyendeleyo lwa Jesu Kristo, lukakatilo lwa Jesu Kristo, kulemekaleza kwa Jesu Kristo, luyandano lwabunyina lwa Jesu Kristo, a luyando lwa Leza, luli ngu Jesu Kristo. Ngo Mutwe elyo ula mweendeleya. Nkabela matende aanu ni ntalisyo, lusyomo. Amen! Ula mweendeleya kwiinda ku Mutwe, citola i...?... Nceeco we. Ngooyo muntu uulondokede wa Leza, cindi anojisi zyabubotu obu.

³⁵² Mpawo, Leza, katondezya Mbungano Yakwe mbuli Nabwiinga, i mukaintu. Leza ulatondezya Mbungano Yakwe mbuli Nabwiinga. Elyo nzila Mbwa leta muntu amuntu kuba mwana Wakwe, ku njila muli Nabwiinga oyo, Wa leta akwalo Nabwiinga kwiinda mu makkalo aya, [Mukwesu Branham waumauma a boodi lyakwe lyancoko ziindi zili ciloba—Mul.] kusikila A lete Mbungano eyi yomwe iimaninide muli *eci*.

³⁵³ Matende aangu alaputaputa. Nkaambonzi? Nkaambo mutwe wangu waambo boobo. Lino, ta konzyi kuputaputa mbuli janza lyangu, nkaambo matende aangu. Luthar takonzyi kucita zintu ezyo nzyo twakacita, abalo bana Methodisti taba konzyi, nkaambo bakali cintu cimwi cimbi. Mwabona? Matende alaputaputa nkaambo mutwe waamba boobo. Alimwi mutwe taakwe no waamba, “Lino, matende, amube janza. Kutwi, koba meso.” Mwabona?

³⁵⁴ Pele, bukkalo abukkaloo, Leza wabikka zintu ezi mu Mbungano Yakwe, a kwikozyanya kwiinda ku kutondezya muntu amuntu kuti ulijisi ezi, uli a bube obu. Alimwi *Eci* cilenge, cindi camaninina, ngu Mbungano ya Leza kaiya ku Kukwempwa. Alimwi *eci* cilenge, elyo camaninina, ngu mulanda wa Leza, mu Mbungano ya Leza, eyo yiinka mu Kukwempwa. Bulemu! Mwabona eco nce Nda amba? Nceeco we. Nceeco cintu cizwide.

³⁵⁵ *Mpaawa* kwaboola muntu, Paulo, kabikka ntalisyo. Irenaesi wakatalika kutila *eci* muli njiyo. Uu cilila wakatila *eci*. Uu cilila wakatila *eci*. Uu cilila *eco*, a *eco*, a *eco*, a kuzumanana kuyansi kusikila bwaboola ku bukkalo bwa mamanino. Pele ino ncinzi? Ngu Muuya nguwenya.

³⁵⁶ I muuya nguwenya oyo uukkala muli ndime, ulaamba, “Maanza, kotandabika kutobela cintu eco.” I muuya nguwenya waamba, “Matende, ko taamuka.” Mwabona eco nco Ndi pandulula?

³⁵⁷ Mpawo, ciimo coonse ca buntu bwako cilalingulwa a kweenzegwa a zintu ezi, pele tabu konzyi kweendelezegwa cakumaninina mane kabu jisi bube obu.

³⁵⁸ Sa mwakasola kumvwa eci? Lino andi mwaambile eci. Elyo amube ncobeni. . . Amubikke eci ku matwi anu aaswiilila. Mwabona? I nketani ni njumu loko aa maswaanino ayo mpoyi kompeme maningi. Cili luleme. Taili njumu maningi kwiinda maswaanino ayo mpoyi kompeme.

³⁵⁹ Takukwe makani buyumu obo *ezi* mbo ziyakidwe, *eci* mbo ziyakidwe; ikuti na cili jisi maswaanino aakompeme, mpaawo abusena mpoyi dunsukila. Alimwi taili njumu maningi kwiinda maswaanino ayo aakompeme. [Mukwesu Branham uli mukutondeka kuli cilembedwe ku boodi lyakwe lyancoko—Mjul.] Lino na kamu jisi, nywebo mwaamba muli jisi *eci*, *eci*, *eci*, tamu jisi *eci*, mpaawo abusena mpoyi dunsukila. Ikuti na ka mujisi *eci*, nkabela tamu jisi *eco*, iyo dunsuka mponya awo. Muli jisi *eci*, nkabela tamu jisi *eco*, iyo dunsuka. *Eci*, alimwi ikuti na tamukwe *eci*, iyo dunsuka. *Eci*, nkabela ta mujisi *eci*, iyo dunsuka. Mwabona? Elyo ikuti na tamu. . . Konzyi kuba a *eci* kakutakwe kuba a *eci*.

³⁶⁰ Aboobo cindi mwapa buntu bwanu cakumaninina, mpawo Muuya Uusalala ulatila buyo kwiinda muli ndinywe, muli zyaubotu ezi, nkabela muli cikombelo cipona. Mpawo bantu bala sondela a kwaamba, “Oyo ngo muntu uuzwide bubotu, luzibo (ula syoma Ijwi), lulyendelezyo, lukakatilo, kulemekaleza, luyandano lwabunyina, kuzula luyando lwa Muuya Uusalala. Mwabona, ngooyo mbwabede, keenda koonse akoonse.” Ino ninzi? I ciimo cakuti basikutasyoma balakonzya kulanga a kwaamba, “Ngooyo Munakristo. Ngooyo mwaalumi, nanka mwanakazi, abo bazi *eco* nco baambaula. Tona kubona muntu munaleza loko, mubotu loko, silubomba loko.” Uli namatikidwe. I caando cila tondezya ku mabazu oonse. Naa ulaunka na ulaboola, ulabona caando mbubonya buyo. Nceeco we. Mwabona? Cindi mwaalumi nanka mwanakazi ano jisi *eci*, nkabela Bbwelyansonje lila seluka a kuba babikka caando mu Bwami bwa Leza, buli ngu Muuya Uusalala.

³⁶¹ Mpawo Ijwi, kaliboola kuzwa *Awa*, lila liyubununa Lwalyo kwiinda muli cimwi acimwi ca zilenge ezi, mwabona, a kubamba Cilenge eci kumaninina kuba Cikombelo ca Leza uupona, mukozyano uupona, uweenda mukozyanyo uupona wa Bunakristo. Obo Kristo mbwa kabede, bantu aba mbobabede, nkaambo Buumi Bwakwe buli mukati awa. Bali muli Kristo. Alimwi buumi bwabo buli fwide a kuiswa muli Kristo, kwiinda muli Leza, a kwaandwa mukati muya kwiinda ku Muuya Uusalala. Bakorinto Bataanzi 12. Mbo mbubo. Mwabona? Mwali bala lwanu kuba bafwide, mpawo muli zyedwe ku lusyomo. Mpawo bubotu a zintu

ezi zimwi zyayungizigwa kuli nduwe kusikila walondoka, cikozyano cipona ca Leza. Eco ncibotu na? [Mbunga yaamba, "Ameni."—Mul.]

³⁶² Elyo mpawo Leza, kwiinda muli eco, waleta akwalo Makkalo aa Mbungano Aaliciloba, kutondezya intamo zyoatwe ezyo Nzya kaleta, kuyaka muntu Wakwe mu cikozyano Cakwe, Wa kayaka Mbungano iimaninide mu cikozyano Cakwe. Alimwi ku bubuke, oyu Mubili uumaninide uyo busigwa ku buumi a Nguwe kwa lyonse, nkaambo ngu Nabwiinga. Mwabona? Aboobo eco cilagwisya mu bukkalo abukkalo, bukkalo abukkalo obo buboola.

³⁶³ Elyo kuli kunji kuyandika, amuyeeye. Amuyeeye eco Paulo nca kaamba kuya kuno mu ba Hebrayo 11? Andi mubalile buyo cintu cimwi katutana kujala awa, kwakaindi kasyonto. Elyo mpawo muyo...Ci baanga cimubamba kulimvwa kubaanga muli beenzu ciindi Nda...lyoonse, cindi Nda bala eci. Ndila bweza ba Hebrayo 11, alimwi Ndiyo talikila aa kampango ka 32.

Ino nkokuli kumbi, *ino Nke caamba nzi lino?*
nkambo ciindi cila ndimanina nkeci mwaambila
nywebo aa Gideoni, . . . a Baraki, a . . . Samusoni, a . . .
Jafita; . . . David . . . alimwi Samuele, . . . a basinsimi:

Abo kwiinda ku lusyomo bakazunda mami,
bakoonda milimo iiluzi, bakatambula cisyomezyo,
baka muma mulomo wa balavu,

Baka zimya bukali bwa mulilo, ba kayokoka
kunsonga zya mabemba aa mapanga, alimwi
mukulengauka bakapegwa nguzu, bakaba basinguzu
mu kucija, bakamwaya . . . bakamwaya makamu aa
bamuzwakule.

Banakazi bamwi abakafwidwa bakwabo
bakabusigwa ku lufu: . . . bamwi bakainda mu
kupenzegwa, baka penzegwa, ba kakaka kuvunwa;
kuti inga bakajane bubuke bubotu buciza:

³⁶⁴ Kuyaansi mukati awa. Mwabona? [Mukwesu Branham waamba kuli cilembedwe ku bboodi lyakwe lyancoko—Mul.] Ncibotu.

Elyo bamwi bakajisi masukusyo . . . bakali
kudinkaulwa . . . kukwibbaulwa, inzya,
mukuyungizya . . . kupenzegwa munketani . . .
kwaangwa muntolongo:

Bakali kufuswa mabwe, bakali kukosaulwa aakati,
bakali kusunkwa, bakali kajazigwa a . . . mapanga:
bakali kuya butuntulika akudabila mu zikuntu zya
mbelele a zikutu zyampongo; ba keenda kaumbaumba,
alimwi a kufwabizigwa, alimwi a kugutaikwa;

(*Abo nyika mbo iteelede:*) . . .

365 Mwabona, mu mabbulakketi kuya, ula bona mu Bbaibbele lyako.

. . . *bakali buya bupobaila mu nkanda, a mu malundu, a kuya butuntumana mumpangala a mumalindi aa nyika.*

. . . *boonse aba, mu kujana mpuwo mbotu ku lusyomo, . . .*

366 *Awa!* [Mukwesu Branham waamba kuli cilembedwe ku bboodi lyakwe lyancoko—Mul.]

. . . *mpuwo mbotu ku lusyomo, tee bakatambula cisyomezyo:* (Mwabona?)

Leza mbwaka tubambila cintu cimwi ciinda cibotu, kuti nikwatali ndiswe neba taka londolwa.

367 Sa mwa cimvwa? Aba bantu bakafwa, mukati *awa*, bala langila a kulindila ndiswe. Aboobo, *eyi* Mbungano yeelede kuboola ku bulondosi, kutegwa kuletwe bubuke. Alimwi bali kuni, myuuya ili kuni aa cipaililo, kulindila Mbungano eyi kuti iboole ku bulondosi Bwayo, kuteeti mane cindi Kristo aasike.

368 Elyo Mbungano eyi, nywebo mwabona, iya buba nsyoono maningi, mu cibeela cisyoono ca nkamu. [Mukwesu Branham waamba kuli cilembedwe ku bboodi lyakwe lyancoko—Mul.] Ngu cintu cipati cibosya maningi kwiinda eco, pele mbuli buyo kulemba eco atala awo, mwabona. I boola kuba mbuli kubosya kwa mpela ya nyeleti. Kusikila, i Mbungano, mu cibeela cisyoono ca nkamu, ileelede kunjila mu busena kusikila yaba musyobo omwe wa mulimo oyo *eci* nco wakasiya, nkaambo, cindi Ibbwelyamutwe lya joka . . .

369 Lili jisi ka baanga ni nkomo niini *awa*, awo mpo liya kukkala moonya mukati muya, aa piramidi yalyoonse. Ta lili buyo nsonje ikkala oonse aatala. Ngu kabeela kabosya kaniini, alimwi keelede kukkala atala awo, nkambo kalekela kuzwa kwa maanzi.

Elyo cindi lya boola, eyi Mbungano yeelede kusumpulwa.

370 Zyoonse ezi, mabwe amwi mu piramidi, ali kkede ca kulondoka maningi mane tokonzyi kwiinzya mbeli aakati kangawo, kaalema kunji, kaakkede mukati muya. Mbangaye ba kaatansika mujulu, ta bazi. Pele a kayakwa.

371 Elyo atala *awa*, cindi Nsonje ya piramidi yasika, piramidi Lwayo, i Mubili wa Kristo uleelede kuyo sumpulwa. Kutali buyo kayanza kabuzumini kamwi luzutu nanka njiisyo, nanka cintu cimwi omo motwiinda. Iyooba iilondokede maningi mbuli Kristo, mane, cindi Na boola, Walo a mulimo oyo ziyo swaangana kuumana kwa kujatana kabotu antoomwe. Mwabona? Mpawo kuyo boola Kukwempwa, kuya ku Muunzi.

³⁷² Amubone omo motupona lino, mu Laodikeya, omo mbungano nkoya kali bukkalo bubijide loko obo mbobaka sola kuba ambubo. Mu Bbaibbele, tu jana kuti, bwakali bukkalo bwa mbungano bulikke obo Leza mbwakali aanze aa mbungano, kakonkomoma, kasola kujoka mu buyake Bwakwe bwini. I tuyanza twabuzumini a tubungwe twa ka Mu tandila aanze kuzwa ku mbungano Yakwe ini. “Amulange, Nda ima ku mulyango aku konkomona. Ikuti na kufumbwa muntu wamvwa nyota a ku ndijulila mulyango, Ndiyo njila, a kulalila anguwe.” Mwabona? Mboobo mbo cibede, mu bukkalo *obu* bwa mbungano. Ba ka Mu tandila aanze bucebuce, kusikila *awa* baka Mu tanda cakumaninina. Ta bayandi cintu cakucita a Nguwe.

³⁷³ Lino mulabona sunu oko nkotuya. Akwalo cindi ca mamanino aa Bukkalo bwa Mbungano ya Laodikeya bwaba bwa kalengwa maningi, kusikila bwalo a Bunakatolika, obo mbwa kaimwaya mukati *awa*, buli mukuboola antomwe a kukamantana kuba mbungano yomwe mpati. A nsangano ya mabungano, ncimwi buyo mbuli Bunakatolika.

³⁷⁴ Kuli biyo lwandaano lomwe, ikuti na bakonzya buyo kusalazyanya aali eco, awo mpa kulya mulalilo. Eco nce cintu buyo cooko cilangwa aa bishopo, eco—eco—eco cikasya Bunakatolika a buna Protestanti ku kuswaangana, ngu nzila ya mulalilo. I mbungano ya Katolika ilaamba, “Ngu mubili.” Nkabela mbungano ya Protestanti ilaamba, “Wiiminina i mubili.” I Katolika ipanga pobwe lya mukamu kuzwa kuli nguwo. I pobwe lya mukamu ngu, kuti, ba lalya mulalilo, kulangila kuti bajatilwa. I muna Protestanti ulaulya kwiinda ku lusyomo, kulumba Leza, mu mulalilo, kuti bajatilwa. I muna Protestanti ulaamba, “Twa jatilwa.” I muna Katolika ulaamba, “Tu langila kuti twajatilwa.” Pobwe lya mukamu a mulalilo. Ba ciita kuti pobwe lya mukamu; tuwiita kuti mulalilo. I pobwe lya mulalilo nkulangila kuti kuli boobu. I mulalilo nkuziba kuti cili boobu, aku Mu lumba kuli ncico. Mwabona? Elyo nceeco cintu luzutu eco nciba takonzyi kuzuminana wo. Bayo cicita.

³⁷⁵ Oh, ci boneke kabotu maningi. Ciyu kamantana, ku kweendelezya...Ciyu—ciyo—endelezya zyoonse i...Ee, i Bbaibbele lya kaamba, “Elyo aba banyama bakapa nguzu zyabo kuli sikuvuula,” mwabona, bakali kamantanya lwabo. Mwabona? Mbubonya biyo eco Bbaibbele nce lya kaamba kuti inga bayoocita, bali mu kucicita eno. Cili mukutobela kabotu ncobeni bucebuce eno, mvwiki ino njiyona. Taakwe cintu nce Ndi lwana bantu ba Katolika, mbubona buyo mbuli bantu ba Protestanti.

³⁷⁶ Nywebo noba Methodisti a Baptisti, a bunji bwanu noba Pentekoste, cindi mabungano aanu nainka moonya mu nsangano eyi ya mabungano, cindi noba jisi cikkalilo cabafu

cipati ciyakidwe mu New York, ya nsangano ya mabungano, ngu cimwi buyo mbuli mu United Nations a zintu. Bali mukusola kuswaanganya buna Protestanti antoomwe.

³⁷⁷ Lino, bana Katolika bali cenjede kuli eco, a kuyo leta oyu Pope John wa tweenti thrii, nanka tweenti tu, kufumbwa mbwabede. Uli mukusola, mu nzila ya bubombe, yaansi, kuleta lusyomo loonse lwaba Protestanti a lusyomo lya Katolika kuba lusyomo lomwe, mbubonya Bbaibbele eco ncelya kaamba kuti inga bayocita. Nceeco we. Elyo bana Protestanti bali muku kweenwa nkambo ka ncico, kalobo, katambo, a mbilibili.

³⁷⁸ Nkaambonzi? Nkaambonzi? Nkaambo taba jisi zintu *ezi*. *Luzibo*, “I Ijwi lililuleme.” *Lukakatilo*, “Abo balindila ku Mwami.” Mwabona eco nce Nda amba?

³⁷⁹ Mbuli oyo bishopo muna Methodist nca kaamba buzuba bumwi, cindi noba kazumizya eco kuba mulao. Alimwi muntu oonse ulizi eco, nzila, eeco cakapa muzeezo oyo, kusola kujana mupailo umwi kuti kunooambwa mu mbungano, na mu cikolo. Alimwi kali kuyanda kuti. . . Ndi yeeya kuti lyakali mbuku lya mupailo ilya Presbyteria, nanka cintu cimwi cimbi, nkabela bazyali bakatola i—i—i cikolo ku mulao nkaambo tee baka konzya kuzumina mupailo oyu kwaambwa mu cikolo. Alimwi bishopo oyu muna Methodist wakali mulombwana wakaindi musongo, wa kaima akwaamba, “Eco cili lubide.” Kaamba, “Ta cili mu milao ya cisi.” Wa kajata luwo lwa ncico. Wa kaamba, “Mbuli mu mbungano yesu ya Methodist,” wa kaamba, “mu mbungano yesu ya Methodist,” kaamba, “bunji bwa bantu besu lyoonse baambaula masampu aa Hollywood, alimwi cibeela ca makumi aali fuka abosanwe ba launka ku kuyo ceebela nekubaboobo.”

³⁸⁰ Ino ndi penzi nzi? Ba kasiya *eci*. Eco mbombubo. Ba kasiya eco.

³⁸¹ Nda kali kwambaula nkonya kuno mu kaanda aka, buzuba bumwi, ku i—i—i—kuli simulimo wa imwi ya mabungano mapati loko ya Methodist eyo iliko mu Falls City, imwi ya mabungano akumuuya loko aa Methodist iliko mu Falls City. Kutondezya, bukkalo bwa Methodist obo buboola mukati kucilila bukkalo bwesu kuya, i Pentekoste. Alimwi wa kaamba, “Mu St. Louis, Missouri, ba kabweza kulangalanga kupati, kutandila myeezi iili yotatwe nanka yone, a kujana.” Oyo muntu inga kakkede awa cifumo cino. Ee, ngo muyaki oyo uli mukuyaka eci, ku tubambila buyake. Methodist yaku Kagwagwa Kapati, oko nkwa zulilwa, oko Mukwesu Lum abamwi nkwaakali mweembeli. Aboobo lino tu jana kuti, muli eco, eco Nda syoma ba kali cibeela ca bantu bana Methodist cakali makumi aali ciloba mu kulangalanga kupati, kuti, kuvwentaurya kulilemeke kwa mu St. Louis, kwa katondezya cibeela ca makuni aali ciloba ica bana bunji ba Methodist kuti

bakali kufweba, alimwi cibeela ca makumi ali cisambomwe alusele ca mbabo bala nywa zyakunywa zya bukoko. I muna Methodist! Alimwi cintu ceenzu cakali, cindi kulangalanga nokwaka pegwa, nanka kuyeeyelwa kwaakati ka baalumi a banakazi; banakazi, cakali cibeela ca makumi aali ciloba, cimwi cili makumi aali ciloba, kutandila cibeela ca makumi ali osanwe ca baalumi. Bunji bwaba makaintu bala fweba akunywa kwiinda baalumi. Cibeela ca makumi ali ciloba, cibeela cacintu cimwi ca makumi ali ciloba, banakazi kwiinda baalumi mboba kabede.

³⁸² Lino ino kuti twa pakamana maningi ku Njiisyo ya Bbaibbele ya kusama tubbudula a kugela masusu, a zintu mbuli ezyo, wabona, oko kulemekaleza, banakazi kabaamba zya kulemekaleza a busalali? Nkamu zya misobano ya njuka azintu zyoonse zimbi, basimambani, balabalika zyaufuba, bata konzya kujata indimi zyabo beni. Milaka yabo kwaambaula a kuvwiya, a kweenda koonse akoonse. Mbuti kujatikizya baalumi? Nkamu ya misobano yanjuka, misobano ya goofu, kumasena kuya kabata samide kabotu loko, kaba samide zisani ziboneka tombe zyakaindi ziniini, abalo banakazi kabaizya misaalo ziindi zilamfu ku masena kuya. Ani ta cigambyi!

³⁸³ Mwabona makanze mabi asisidwe nge basabizya kucitwa ku mukambausi oyo, mukambausi mwaange, cifumo cino? Iiyi, munene. Ta syomi kuti mwaalumi oyo ujenwe mulandu wa ceeco. Ino wa kacita nzi? Oyo Mukwesu... Ta ndikonzyi kuyeeya lyakwe... [Muntu umwi waamba, “Dan Gilbert.”—Mul.] Inzya. Dan Gilbert, mukambusi mwaange. Cindi mwaalumi oyo nakaanga a kujaya Dan, awa myeezi misyoonto yakainda, alimwi eno mukaintu wakwe uliafwi kutumbuka. Mubwini, Dan ulifwide, inga tii babikka bulowa ku muvwanda eno. Waa mba kuti Dan wakamwaanganya kumulala, alimwi kuti walo... “Oyo muvwanda wa Dan.” Cili boobo... Ta ndi syomi eco buyo kwiinda mbo Ndi konzya i—kuti i—i cikwaangala ujisi mapepe a piikkoko. Peepe, munene. Nda syoma kuti mbubeji. Nda syoma Dan Gilbert wakali muntu wa Leza. Alimwi Nda syoma ayo makanze aa dyabolosi.

³⁸⁴ Mbuli cintu eco kusola kubikka zya mipailo. Oyo bishopo muna Methodist—Methodisti wakaindi wakali musongo loko kujata eco. Ikuti na kacita, ikuti eco nicaka zwidilila, eco cakapegwa muzeezo buyo ku cintu cimwi cimbi. Mbo mbubo.

³⁸⁵ Mbuli buyo eli penzi lya lusalululo lwa mibala kunselelo ku Musanza, cintu nciconya. Nda syoma kuti bantu beelede kwaanguluka. Nda syoma cisi eci ciiminina lwaanguluko. Ta ndipi butongo kuli Ba. Kennedy kutumina nkamu zya bamasooja kumusanza. Nekubaboobo, ta Ndili i—i “simulimo mupya,” alimwi ta Ndili muna Demokrati. Ta ndili muna Republíkani. Ndili Munakristo. Aboobo Ndili...Pele ta

Ndi syomi muli eco. Ta ndi syomi kuti bantu basiya beelede kusambala bupati bwabo ku zintu zili boobo, akwalo. Ya kali i—ya kali nkamu ya Repablikani. I bulowa bwa Abraham Lincoln bwakaangulula bantu abo nkaambo wakali munaleza. Ndi yeeya kuti beelede kukkalilila ku nkamu yabo ikuti na bayo voota kuli koonse.

³⁸⁶ Pele Nda mwaambila cintu comwe, mulombe oyo takali kunselelo kuya kaambo buyo kakuti, zikolo zyabo. Mulombe oyo ngu sicisi. Muna America. Olu ndwaanguluko lwa boonse. I mubala wa muntu tuelede kucinca kutazumina kwakwe. Toonse swebo. . . “Leza,” kaamba, “ku muntu omwe, wakabamba bulowa boonse, zisi zyoonse.” Toonse tuli bamwi. Pele, mulombe oyo, wakali musooja. Ngu siluzibo lunji. Wa kalwanina eco caka luleme. Wa kali jisi nguzu zyakuti aye ku cikolo. Mbo mbubo. Pele wakali jisi zikolo zinji oko nkwakali kukonzya kuunka.

³⁸⁷ Ngu cintu mbocibede. Ikuti na waba kunze lyaco, ngu zintu zyakabungwe zya ciindi cino kuya, ezyo zyoongelezya eco. Nkaambonzi? Bali mukucinca miyeeyo ya mavooti abantu abo basiya kuzwa ku Repablikani kuya ku Demokrati, nkabela bali mukusambala bupati bwabo kwiinda kuli ncico. Mbo mbubo mbwini. I Muuya Uusalala tauko awa. . .

³⁸⁸ “Amu muleke oyo uli aa busongo.” “Amu muleke oyo ujisi luzibo.” Mbombubo. Mbuli buyo mbungano eyi, obu bukkalo kwasunu, kabuli sambala. Sa tamu konzyi kubona eco ciyo citika?

³⁸⁹ Ta ndikwe makani na eci cabikkwa aa teepu. Nceeci caboola. Uh-huh. Iiyi. Ino ndi penzi nzi? Baama bangu bakaindi bakali kunga balaamba, “Kopa dyabolosi zimweelede zyakwe.”

³⁹⁰ Kuli muntu omwe oyo waka cita cintu buyo ca maanu, oyo wakali Castro ku musanza kuya. Iiyi, munene. Wa kainka mu musanza kuya. Elyo bantu bajisi akweendezya lubono lwabo bakali jisi minsale yoonse a zintu zyoonse ezyo. . . cili a celekelo ca ngolide, mbuli United States. Ino inga na kacita nzi? Wa kaula zyoonse zizuminano ezyo zya mali akaloba ku mfulumende. Akujana mali munzila iili yoonse njakali kukonzya. Ino wakacita nzi mpawo? Wa kabamba zyamali akozyanya, a kwa cinca. Kwaajosya ncobeni. Eco nce cintu cilikke cisi eci nce cikonzya kucita.

³⁹¹ Sena mwakamvwa *Life Line* cifumo cimwi? Nkaambonzi, nywebo mulizi, cili mbuli biyo kuti mwasambala mali akaloba ku ngolide. Aya mali akaloba abwezedwe kale. Alimwi eyi mfulumende iiliko eno ili mukubelesya mali kunzi? Ku mali a mitelo ayo ngeba nobwezelela myaka iili makumi one kuzwa eno. Ili nyonyokede. Eyo ngu *Life Line* ncobeni kuzwa ku Washington D.C., koonse ku cisi. Mali amitelo

ngebali mukubelesya, a kusola kuula aku zisi zimbi. Ee, bali mukwaavozya buyo munzila iili yoonse. Sa ta muboni? Obo mbo mbubo eco ncobayo—ncobayo cita. Mwabona? Ino ncinzi? Lino, ikuti cisi eci caunka aansi, icintu buyo nco ceelede kucita nkuunka aansi. I cintu buyo ncoci konzya kucita nkubula aamali.

³⁹² Eco nce cintu buyo ca maanu kucita, kucinca cilengwa camali. Pele taba kocicita, ku bweendelezi bwa mulimo oyu waino. I mbungano ya Katolika ya bana Roma ijisi ngolide ya nyika. Alimwi eco nco bayoocita nku sambala yoonse, “Aba bantu bavubide,” a bamwi bambi, “ba nyika,” mbuli Bbaibbele mbolya kaamba. Ino bayo citanzi, ka batana sweekelwa? I Kkampani ya Tombwe iya Brown a Williamson, bunji bwa boonse mba Katolika, akwalo. Alimwi zyoonse zintu ezi zimbi, ino bayo citanzi? Bayo cizumina eco, elyo bayo bweza mali kuzwa ku Rome, elyo mpawo ca sambala mbubonya bupati bwaco. Rome ila ciiminina. Iiyi, munene. Iyo ciiminina. Alimwi bali mukujana milao yeelede eno, kujana kweelede koonse kuli mbabo, kuleta mukati nkamu yakwe ya maminisita. Amulange eco Ba. Kennedy ncobali mukulomba.

³⁹³ Elyo cindi ni mwaka bona eci, buzuba bumwi, takucikwe kuyandika ku voota limbi. Ino cigwaasya nzi ku voota? Cindi, bala cibikka mu mutende, a kucitondezya kumbele lya buleya, nkabela baka kaka kucita kufumbwa cintu kujatikizya ncico. Cindi, ba katondezya kuti mincina koonse ku cisi yaka bikkwa, kuti basalae Ba. Kennedy kwiinda ku mavooti akubeja. Sena Bbaibbele ta lyaambi kuti inga uyonjila kwiinda mu lweeno? Cilimasimpe, bube bwalweeno. Lino, Ta ndi lwani nkamu ya Demokrati mbuli mbe talwani nkamu ya Republikani, pele Nda amba buyo masimpe kuzwa ku Bbaibbele. Ino cigwasya nzi ku voota? Ba lizi oyo uyonjila kuya.

³⁹⁴ Mbangaye banu ba yeeya kuzibya kwaa zipekupeku oko nko cakajisi bamakaintu bobile kabaimvwi kumbele? Elyo umwi wa kaamba, “Ndiyo vootela Ba. . . .” Nanka, mukaintu muna Protestanti wa kaamba, “Ndiyo vootela Ba. Kennedy.”

Ba kaamba, “Nkaambonzi?”

³⁹⁵ Kaamba, “Nkaambo Ndi yeeya kuti muntu musongo maningi kwiinda Ba. Nixon. Uyo bamba kuba Muleli mubotu.”

³⁹⁶ Mpawo wa kaamba, “Oyu mukaintu muna Katolika. ‘Nguni ngo yaku vootela?’”

³⁹⁷ Waa kaamba, “Ndili muna Katolika, muna Katolika wa Roma, muna Katolika winiwini.” Wa kaamba, “Elyo Ndiyo vootela Ba. Nixon.”

“Nkaambonzi?”

³⁹⁸ Kaamba, “Nkaambo, Ndi yeeye kuti Ba. Nixon bayo bamba Muleli mubotu nkambo uli zibide maningi kucita zintu. Uli zyi kabotu zya kkomunizimu.” Oyo mukaintu wa kabeja.

³⁹⁹ Ndi jisi *The . . . eco* nco baita kuti, *The Facts Of Our Faith*, bbuku lya Katolika lyamuulo mupati maningi ku kuulwa. Alimwi lilaamba mukati muya, “Ikuti na kuli muna Katolika waima kusalwa, oyo uli mukuzundana amuna Protestanti; ikuti muna Katolika wa vootela muna Protestanti, ula tandwa kuzwa ku luswaanano lwa mbungano ya Katolika.” Ncobeni. “Alimwi kuti nakuli bana Katolika bobile baima muku voota ku mulimo omwe, bayo sala muna Katolika oyo uusyomeka maningi ku ‘mbungano yeendelezya’ a ku mu vootela.”

⁴⁰⁰ Amubone obo, lweeno olo, ino bali mukusola kucita nzi? Ku vozya mali, kuti baule. Nkaambonzi? Bali mukusola kucimwaya. Elyo bali mukucicita, nkabela taikwe mali. Alimwi ino ncinzi? Cili a ceelekelo ca ngolide. Alimwi mbungano ya Katolika, kabunga ka zyuuno zyandeene, kali jisi ngolide ya nyika. [Muntu umwi waamba, “I ma dollar aali mabbilioni aali mwaanda amakumi ali cisambomwe aali lusele.”—Mul.] Bbilioni iili mwaanda a makumi aali cisambomwe aali lusele. Nceeco we. Kuciwaala kujoka nkoonya ku ceelekelo ca ngolide, alimwi nywebo no bantu amubambe buyo maanda anu a zintu, pele mu zulilwa ku mbungano ya Katolika. I cisi cizulilwa ku mbungano ya Katolika. I cintu coonse cakacegwa moonya mukati mbuli boobo, kwiinda mu cilengwa camali abo. Sena Bbaibbele ta lyaambi eco? Eco nce cifwanikiso Bbaibbele nkoli tuleta.

⁴⁰¹ Nce ndili mukusola kwaamba, mukwesu, sunu. Ba yoamba, “Eco ciyoobamba mbungano mbotu. Ciyo kamantanya buna Protestanti.” Ci boneka kabotu ku liso lya kunyama, pele luzibo lwa nyika eyi mbufubafuba kuli Leza.

⁴⁰² “Elyo caka botela Leza, kwiinda ku—ku bufubafuba bwa kukambauka, ku futula babo ba sweekede,” kwiinda ku mulimo wa Buleza, oyo Ngwa kasala mu Mbungano Yakwe, ku kuyaka Mbungano aa bube obu bwa kumuuya alimwi kutali a cintu cili coonse eco cizulilwa ku nyika.

⁴⁰³ Petro wa kaamba, “Alimwi nkaambo mwaka vunwa ku bubi bwa nyika kwinda mu cisusi ca mali, a cisusi ca ciindi cibotu, a misaalo, a ulya, a kunywa, a cisusi nco tu jisi. Mwa kavunwa kuli eco. Elyo lino muli mukuyaka mu bube bwamaponeno. Ndi kanana eci ku Mbungano,” wa kaamba. Nceeco we. Sena mwacibala? Sena mwa cimvwa? Sena mwa cimvwa cindi netwa cibalulula muli Petro Wabili? Amu swiilile buyo eco ncaamba awa, obo mbo ceebeka mbuli mbo cilembedwe mukati awa, obo mbwa—obo mbwa ci kanana. Ncibotu. Amu swiilile kuli nguwe eno mbuli mbwa kanana. Ncibotu.

Petro, Simoni Petro, muzike a muapostolo wa Jesu Kristo, kuli baabo . . . kajana lusyomo luyandisi mbuli lwesu antoomwe a ndiswe kwiinda mu bululami bwa Leza a Mufutuli wesu Jesu Kristo:

. . . luumuno lu—lu vuzizigwe kuli ndinywe kwiinda ku luzibo lwa Leza, a kwiinda kuli Jesu Kristo Mwami wesu,

Kweendelana mbuli—mbuli nguzu zyakwe zya buleza wa tupa zintu zyoonse. . .

404 Mbaani bayo kona nyika a zintu zyoonse? [Muntu umwi waamba, “Basalali.”—Mul.] Masimpe. “Zijatikizya. . .” Inzya. Ncibotu.

. . . ezyo zijatikizya ku buumi a kulemekaleza, kwiinda mu luzibo lwa oyo wa katwiita ku bulemu kusika ku bulemu:

Mulinzizyo tu li pedwe i ku cisyomezyo ciyandisi. . . cipati loko: kuti kwiinda kuli zeezi inga twaba basizyaabilo zya bupange bwa buleza, mbukunga twa kavunwa ku bubi (Amuswiilile kuli eco.) obo buli mu nyika kwiinda ku cisusi.

405 Cisusi ca mali, cisusi ca zintu zipati, cisusi ca mpuwo, ezi zintu zili fwide ku musyomi. Ta tukwe makani. I tente nanka kaanda kaniini, nkaambonzi nce Nde elede kulibilika; kupona nanka kufwa; kubbila nanka kunyikila? Eci neccentu nce Ndi yanda, Bwami bwa Leza. Naa Nda bamba ng’anda yangu, naa Nda bamba mukwasyi wangu, naa Nda bamba kufumbwa cintu mbo cibede, andi bambe Kristo, bulangizi bwesu bwa Bulemu.

406 Ko ndiyaka, O Mwami, kuba *Eci*. Leka Kristo abe Mutwe wangu, kuti kabeleka muli ndime. Aa ntalisyo yangu, lusyomo lwangu olo luli muli Nguwe, lekela bubotu, luzibo, lulyendelezyo, lukakatilo, kulemekaleza, a luyandano lwabunyina, zibeleke muli ndime, O Mwami, ngo mupailo wangu. Ta ndikwe makani; kupona nanka kufwa, kubbila nanka kunyikila; kabungwe, kutakwe kabangwe; mweenzuma nanka taakwe mweenzuma. Kolekela Eco cibebeleke muli ndime, lekela bubotu bwa Kristo, luzibo Lwakwe, lukunke, kutegwa Ndi konzya kuyiisya ezyo.

407 “Nkambo Leza wakabikka mu Mbungano, baapostolo, basinsimi, bamaiyi, beembeli, a bakambausi, boonse ku kulondola a kuleta ezi zyaububu zyoonse muli njiyo, nkambo ka bulondosi obo bwa Kuboola kwa Mwana wa Leza.” Limwi alimwi lya mabwe *aya* nziyako kuzwa kuli Lyomwe eelyo. *Eci* nciyako ca *Eci*. Bumwi abumwi bwa zyaububu obu buzulilwa muli Nguwe, alimwi zila kunka kuzwa kuli Nguwe, kwiinda kuyansi muli mbabo. Amen.

408 Ngu twelufu okuloko. Nkokuli koonse nko ciya? Amen. Sena mula Mu yanda? [Mbunga yaamba, “Ameni.”—Mul.] Sena mula yanda eco? [“Ameni.”] Amuswiilile, nobana baniini.

409 Mucizi Kidd waamba, cifumo cino, “Mukwesu Bill, ta Ndi zyi naa Ndi yookubona alimwi.” Eco catii baange candicisa

maningi. Mwabona? Uli mukuyeeya kuti waa cembaala, nkabela mbwabede. Nda lomba kuli Leza kuti kacimu bambide a Mukwesu Kidd, kwa ciindi cilamfu.

⁴¹⁰ Andi mwaambile, ta tuzyi na ciindi cilamfu buti notuyooba aumwi aumwi. Ta ndizyi na ciindi cilamfu buti ne Ndi nooli andinywe. Leza inga wandiita kuzwa ku nyika. Inga wandiita kuya ku busena bumbi bwa mulimo. Inga wakwiita kuya ku busena bumwi. Ta tuzi. Pele, atu—atu jane. Tu talekeli eci ku twindilila buyo. Atu bweze eco.

⁴¹¹ Nceeco we, mu Bbaibbele. Nceeci we, kutondezya zintu zyoonse zimbi. Elyo ikuti ni Nda jisi buyo ciindi ca kucicita! To konzyi kucicita mu buzuba bomwe. Nywebo mulizi eco. Pele, konzya kuswaanganya cintu coonse!

⁴¹² Amulange, cindi twa mana mulumbe oyo kuya, inga mwabona eco Muuya Uusalala nco wakacita awo aa bwaanda, sa mulabona? Mbangaye bakali kuno kaindi? [Mbunga yaamba, “Ameni.”—Mul.] Mwabona? Masimpe! Kuseluka ncobeni, wakalamba cifwanikiso ica cintu nciconya, oyo Angelo wa Mwami.

⁴¹³ Mwabona, cili kasimpe. Muta cilekeli kuti cimuloboke. Amu jatilile kuli ncico, nobana. Amujatilile kuli eco. Amuyeeye, amuyake aa lusyomo lwanu, bubotu, luzibo, lukakatilo!

⁴¹⁴ Lino, awa, Ndi yeeya kuti Nda jisi kabeela kaka pepa awa, ikuti na tii Nda kalosya aa busena bumwi cindi ni Nda liku kambauka. Ncobeni nkaaka awa. Nda lumba, mukwesu. Nda lumba, kunji kapati. Ikuti na muyanda ku—ku langa aali nkako, akubona na kuli cintu cimwi awa eco nco munga mwabona. . . Ndiza ncikozyano cibotu aniini kwiinda eco cili awo, kutegwa inga mwakkopalola cimwi ca zeezi. Ndiyo caanzika buyo atala awa, alimwi ncobeni inga mwa cilanga a—a kuci lembulula.

⁴¹⁵ Elyo Ndi yanda kuti mucitole akuyo ciya, a kuceezyanisya, alimwi mpawo mukacicite. Muta ciyi buyo, kuceezyanisya, pele kucicita cindi mwacita. Cibweze mukusinizya kuli lwako. Uta ambi, “Ee, Nda botelwa kuswiilila kuli ncico.” Nda cita, ambebo. Pele amu swiilile kuli ncico, alimwi mpawo kucitambula, cili andeene. Mwabona? Mwabona? Cili andeene. Mwabona?

⁴¹⁶ Kuli zyelelo zili ciloba zipanga ciimo ca Leza. Kuli Makkalo aa Mbungano Aaliciloba, eyo Leza ngakaleta ku Mbungano kusika ku celelo eci. Elyo Wa kali jisi batumwa bali ciloba kuti bacicite. Kuli bali ciloba, ciloba, ciloba. Mwabona? Ciloba i—i ngu mweelwe wa Leza wa kumaninizya, alimwi kotatwe ngu mweelwe wa Leza wakulondola. Aboobo, kuli kotatwe, alimwi kotatwe kwa ciloba. Aboobo, munzila yalwiiyo lwa nombolo, kumuuya, kwiinda ku Ijwi, kwiinda ku bumboni bwa Muuya Uusalala, coonse ca ncico camana cintu antoomwe. Atu ciye.

417 Atu yungizye ku lusyomo lwesu zintu ezi, mpawo, kutegwa inga twanjila mu ciimo ca Kristo; mukuba baswaangene antoomwe a luyando lwabunaleza, kuyoowa Leza, bulemu kuli umwi aumwi mu myoyo, lulemeko lupati kuli umwi aumwi, lwayandano lwabunyina a lwabacizi, kakutakwe bubyaaabi, taakwe pele kunjoloma buyo kwa Muuya Uusalala. Mwabona? Kupona antoomwe, kuba Munakristo. Kweenda a lusyomo. Ko lekela bubotu bwa Leza bukunke kwiinda muli nduwe; kolekela luzibo lwa Leza, cindi caboola kuli ciluleme a cilubide. Cindi dyabolosi atondezya cintu cimwi citali mbuli Malembe, ci futatile. Mbo mbubo.

418 Inga Nda yeeyela baapostolo kuti tee kalilemekaka mbuli ndiswe. Ba kainka koonse akoonse, antela baalumi ba majwi masyoonto, kusikila noba kasika ku cikambaukilo. Ba keenda mukati a kucita eco ncoba keelede kucita, elyo bakazwa. Iiyi, munene. Ba kajisi nguzu. Ba kajisi bubotu. Taakwe noba kajisi ku kazyanya a bantu. Ba kalizi awo mpoba kaimvwi. Kwa mana. Ba kalizi oyo ngo bakasyoma. Ba kazumanana kweenda mu Muuya. Kucita luzutu. . .

419 Mbuli mbo Nda kaamba busiku bumwi. Kuzumizya komwe kuniini, ngu koonse oko Leza nkwa keelede kucita, mpawo taakwe cintu cakali kukonzya ku balesya. Ti bakabuzya akwiya, a kuwayawaya a kulibilika mbuli ndiswe mbotu cita, naa beelede kucita *eci* nanka *eco*. Ba kazumanana a kucicita, akwalo. Kuzumizya komwe buyo kuniini kwa Leza, eco caka cicita, cakufwambaana buyo. Nkaambonzi? Mbobuti mbo bakali kukonzya kuziba kuti kwakali kuzumizya kuzwa kuli Leza? Ba kali jisi zyoonse zyabubotu mukati omu, zyoonse ezi zyelelo. Nkabela kuzumizya kutaanzi kuniini kuzwa kuli Leza kwakeelanya atubeela toonse twa *eci*, alimwi a Ijwi Lyakwe. Ba kalizi kuti lyakali Ijwi lya Leza, elyo mpawo bakaunka. Tii bakali kulibilika kujatikizya cintu cimbi. Cindi Leza na kaamba, ba kaunka. Tu lambaula. . .

420 Leza ula kanana kuli ndiswe, alimwi tu laamba, “Ee, tu yotalika kweenda. Tu yoobona ikuti na tu lakonzya kupona Buumi obu.” Cintu citaanzi mulizi, muntu umwi wakunyonganya. Ee, masimpe, oyo ngu dyabolosi.

421 Mweelede ku mubona kusola kundigwisya ku muswaangano oyu cifumo cino. Mweelede kuba aceeco ciindi cimwi. Oh, luse! Nde elede kulwana ciindi coonse elyo Nda amba muswaangano. Alimwi ikuti Ndiya ku kukombela mulwazi, a muntu umwi uli mukufwa a utana futulwa, kuli kwiitwa kwa luwaile kuli makumi otatwe kuboola mu maminiti aali kkumi, ikuti bala konzya kujana eco cakufwambaana, ku ndisinkila kuli ncico. “Oh, Mukwesu Branham, weelede kucita *eci*.” Pele ngooyo muntu uli muntenda. Masimpe. Inzya.

⁴²² Busiku bumwi, Nda kaitwa ku busena. I mwaalumi mukubusi, Nda kaambaula kuli nguwe kunselelo awa muli eco nco mwiita kuti, cisambalilo cipati, myaka misyoonto yakainda. Wa kaba mukolwi wa bukoko. Nda kali muzi mulombe, mulombe mubotu ncobeni, pele wakali sizibi. Nkabela aboobo banyina bakaita. Ndi yeeya kuti wakaita Doc kwa ziindi zinji. Nda. . . Kaita, elyo ba kaita Billy, alimwi—alimwi kumamanino Nda katambula mulumbe. Alimwi ciindi ni Nda katambula mulumbe, kusyomeka ku bubotu, tee Nda kajisi kulwana maningi kuli boobo mu buumi bwangu, kuti ndisike ku mulombe oyo.

⁴²³ Cindi ni Nda kasika kuya, mulombwana uupengede waka kacilwa kundiziba. Ngooyo mbwa kabede, kalede awo, cakutaliziba, a kuzumanana buyo. Bawisi kabasola ku muumauma, a kwaamba, “Oyandwa.” Alimwi mwaalumi uli makumi aali osanwe, kutandila myaka iili makumi osanwe aomwe yakukomena. A kwaamba, “Oyandwa,” *eci*, “elyo kacilede zii.” Alimwi wakali kusola kubuka. Maboko aakwe maniini akaindi katandila kukomena mbuli *obo* koonse. I mulombe waka jisi kkansa maningi kusikila taakali cintu pele kkansa yakayuma. Zyoonse zibeela zya mubili wakwe zyaka jisi kkansa. Awalo munzwi wa bulowa bwakwe wakali a kkansa, zintu zyoonse. Alimwi ngooyo mbwakabede, kasola kubuka, a kuzumanana mbuli *obo*.

⁴²⁴ Nda kamujata ku janza, Nda kaamba, “Woodrow, Woodrow, oyu ngu Mukwesu Branham.”

⁴²⁵ Bawisi bakwe ba kaamba, “Sena yebo tozi? Oyu ngo Mukwesu Bill. Woodrow, oyu ngo Mukwesu Bill.”

Wa kaamba, “Uh. Huh. Uh-uh-uh.” Mbuli *obo*.

⁴²⁶ Elyo bawisi bakalanga a kwamba, “Billy, wamuka asyoonto kuboola.”

Nda kaamba, “Taakwe kumuka maningi. Uli ano.” Nda jisi nkondo.

⁴²⁷ Elyo balombe bamwi, balombe bambi, basizibi, bakali liimvwi awo, bamwi bamukowa wakwe. Nda kaamba, “Mwabona nywebo, balombe, amuli bambile, nkaambo muyo sika ku busena obu. Mu leelede kusika ansi ncobeni awa. Mwabona? Ndiza kutali a kkansa eyi—eyi. Inga mwaboola a cintu cimwi cimbi, kubusena kuya mu mugwagwa mupati, kamuzwa bulowa calufu, nanka cintu cimwi. Mu leelede kuboola kuli nco.” Twa kaambaula kuli mbabo.

⁴²⁸ Nda kali kulindila kubona eco Muuya nco wakaamba kucita. Kulindila. Cintu citaanzi nywebo mulizi, Nda kamvwa kuzumizigwa oko kuniini. “Kobikka maanza aali nguwe.”

⁴²⁹ Nda keenda kuzunguluka, kaamba, “Nywebo nyoonse amu kotamike mitwe yanu.” Ba kakotamika mitwe yabo, balombwana bobile nanka botatwe mukati muya.

⁴³⁰ Nda kabikka maanza ali nguwe. Nda kaamba, “Mwami Leza, lekela mulombe oyu a putuzye kuziba eco nca yoocita, katana swangana cintu eci. Uli mukufwa. Oyu dyabolosi wa muzambaila, nkabela ula fwa. Alimwi wakakolwa caku lufu, alimwi ngooyu uli muciiimo eci. Nda lomba kuti Ula mu fwida luse.” Alimwi cindi ni Nda ka mupailila, cifumo cakacilila wa kali kkeke, kambaula kuli bawisi.

⁴³¹ Busty Rogers, oyo...Ba kandiita kunselelo kuno ku cibbadela, kutali cindi cilamfu cainda. Nda kali kubusena kuya buzuba obo, ni Nda kamana ku kambauka kunselelo ku Milltown oko Georgie Carter muniini nkwa kaponesegewa. Nyoonse nywebo mula kuyeeya. Alimwi kuya cindi Mukwesu Smith, mukambausi wa Methodist, kaamba, “Ikuti kufumbwa muntu wakasola ku bapatizigwa, mu Zina lya Jesu Kristo, azwe kungsi lya tente lyangu,” mbuli boobo. Kutala kuya ku kalonga ka Totten, kandi jisi muswaangano kutala kuya. Alimwi, oh, kandi sampaula mebo ku zintu zyoonse ezyo nzomu konzya kuyeeya. Taakwe ni ndakaamba jwi; wakazumanana ncobeni. Nda kajisi kutumwa. I Mwami waka nditondezya cilengaano. Kwakali kabelele kunselelo kuya, kakapatide kubusena bumwi mu nkanda. Nywebo nyoonse mula yeeya cilengaano, nywebo nyoonse. Ndi yeeyela kuti mulacita. Sena mula ciyeeya? [Mbunga yaamba, “Ameni.”—Mul.] Masimpe. Ncibotu. Nkabela Nda kali kuya buselemuka kwiinda mu nkanda kuya, kuya bu kayandaula.

⁴³² Nda kainka ku kalonga ka Totten. Mukwesu Wright kuya ulizi. Twa kakosola, kutaziba eco cakucita. Nda kaula kakambaukilo kaniini kakubelesya kusyoonto, ka kkobili lyomwe. Nda kali kuunka kubusena kuya, kwiima awo a kukambauka aa matantilo. Wa kaamba kuti wakali kuya butanta, atala lya kalundu, kuyoocita zya makwebo. Nda kainka a nguwe. Kwakali mbungano mpati yakaindi ya Baptisti yakayakidwe awo, taakwe ncoyakajisi. I Mwami wa kaamba kuli ndime, “Koima awa.”

⁴³³ Nda kaamba, “Andi zwe mponya awa, Mukwesu Wright.” Na kaima. Wa kainka kuyabuya aatala nkabela wakajoka.

⁴³⁴ Nda kainka kuya, elyo tee nda kakonzya kujula mulyango. Nda kaamba, “Mwami, ikuti na Yebo uli muli ceeci, Yebo uyanda ndime kunjila mu mbungano, ndi julile mebo.” Nda kakkala ansi awo nkabela kandiyeeya.

⁴³⁵ Kamvwa muntu umwi kaboola; wakeenda kumbele, alimwi wa kaamba, “Wapona buti? Ndiyo kwaambila,” kaamba, “uyanda kunjila mu mbungano?”

Nda kaamba, “Iyi, munene.”

Wa kaamba, “Ndi jisi cijaluzyo awa.”

⁴³⁶ Katalika muswaangano. Imvwiki ntaanzi, kwakanyina nokuceya. Busiku butaanzi, Nda kajisi mbunga, Mukwesu Wright a mukwasyi wakwe. Cintu citaanzi nywebo mulizi, ku mamanino aa mvwiki, tii baka konzya ku bajanina busena bwakwiima mu lubuwa, nokuceya. Nekubaboobo kabelele oko tii kaalina libonya pe. Mukwesu Hall wakafutulwa mu ciindi eco, mweembeli kuya eno, boonse babo. Tii nda kakonzya kujana kabelele aka mpoka kabede. Nikwakainda kaindi, kuzwa ku mbungano ya Kristo, kumusanza kumselelo lya kalundu, oyo musimbi muniini wa myaka ili fuka a myeezi iili lusele takalina enda, kalede awo. Ngooyo mpa kabede. Nywebo nyoonse mulikazi kaano. Iiyi, munene.

⁴³⁷ Elyo masika ayo cindi Busty Rogers, siluzibo lunji mupati ncobeni weebeka kaimvwi awo... Nda kuzwa awo. Elyo mpaawo kwakaimvwi mbunga ya Mukwesu Smith kuti ba ndiseke, ku ndifubaazya, nkambo ka kubapatizya mu Zina lya Jesu. Nda kazwa mu maanzi aa ntimba ya kalonga ka Totten, oko nko bakajisi I... [Kabeela katakwecintu aa teepu—Mul.]... kutala ku kagelo ka meenda kuya, a kuvuuma buyo canguzu mbuli mbo kakali kukonzya. Badaikona banji bakeenda kubusena a ndime.

⁴³⁸ Nda kaamba, “Nda ima ano masika aya mu bwiminizi bwa Malembe Aasalala aa Leza.” Nda kaamba, “Nda kabala mu Bbaibbele awa aa busena Petro mpa kaamba, ‘Amusanduke, umwi aumwi wanu, mu bapatizigwe mu Zina lya Jesu Kristo kuti mu jatilwe zibi zyanu.’” Nda kanyona, ndapa Bbuku kuli umwi wa madaikona.

⁴³⁹ Ndakeenda kubusena kuya, alimwi Nda kaamba, “Kufumbwa oyo uyanda, oyo usanduka ku zibi zyakwe, uleelede ku boola.” Ndakeenda kubusena kuya mu maanzi. Nda kaamba, “Kuboneka kuti kuli ndime kuli Baangelo abo bakkede mu mitabi yoonse eno, kabalangilila.” Oh, ma! Kutandila ciindi Nda kabapatizya batandila kuli bobile na botatwe, mbunga yakwe yoonse, balo banakazi kaba samide madresii aa siluki mabotu, kabanjila maanzi ayo canguzu, kaboongolola agolela majwi abo. Nda kabapatizya mbunga yakwe yoonse mu Zina lya Jesu Kristo. Mu li cizi. Ndi jisi cifwanikisyo ca ncico. Nceeco mbo cakabede.

⁴⁴⁰ Ino cakali cinzi? Kuyungizya ku bubotu bwanu. Mwabona? Amu cileke cilikke. Leza ulizi nzila yakucicita. Leza ulizi nzila yakuleta zintu ezi kuti zicitike. Amu baleke baambe eco nco bayanda. Ta cipangi lwandaano luli loonse. Amu zumanane buyo kweenda.

⁴⁴¹ Busty Rogers kaimvwi awo, cindi nakabona eco, wa kaamba, “Mpawo Nda cisyoma a moyo wangu oonse.” Elyo kubusena bwamu maanzi wa kaboola, ka samide zisani zyakwe zibotu, nkabela wa kabapatizigwa mu Zina lya Jesu Kristo.

442 Kutandila myaka yotatwe na yone yakainda, baka diita kunselelo kuno ku cibbadela mu New Albany. Ngooyo wakaliko, kafwa, ku kkansa, yaka mulya koonse. Madokotela bakamupa kusikila cifumo cicilila, kuti apone. Kaamba, “Uli mukufwa eno.” Kaamba, “Koboola ndyoonya eno.”

443 Nda kaselemukila ku kampetu, cindi ni Nda kacita, kwiima awo akukomba. Wa kaamba, “Billy, ngooyo fulicoongo kazyungulika ku kkona eelyo aatala awo.”

444 Elyo Nda kacebuka, kuti ndilange. Nda kaamba, “Busty, ngu cizuminano. Yebo tokafwi pe. I cizuminano ca Bulowa cakufutula.”

445 Nda kabikka maanza angu aali nguwe, kaamba, “Mwami Leza, obo cilengaano eco kulaale citondezya kuti Uli ano. Cizuminano cako nkuti, eci, ‘Kwiinda ku mibunda Yakwe twa ponesegwa.’” Kabikka manza aali nguwe, elyo mpaawo wakaba kabotu. Kamutuma ku muunzi.

446 Elyo kutandila myaka iili yone na yosanwe, kutandila myaka yone, kuzela nswi koonse akoonse mu mulonga a zintu zyoonse, kazi zumanana. Elyo awo aakali kkansa ali kubaanga mpa goyooyo lya da, kali kwamuna, kwakali cikoto ciyumu. I madokotela, basiluzibo lunji ba cibbadela, kamwaambila kuti bakali jisi busilisi bwa kkolobboti abo bukonzya kukwazamuna eco, kuzumizya cakulya cinji kuyaansi ku ciindi comwe. Wa kajisi ciindi ciyumu kujana cakulya cinji, wakali kunga ulya aniini maningi. Wa kainka kuti kukacitwe. Tee nda kazi kuti wakaliko.

447 Elyo cindi nibaka mupandula, kajana kuti ca kamusowela mu kasuntu, nkabela wakaba abulwazi bwakulebuka boongo. Kalebula lubazu lwakwe aansi mbuli boobu. Elyo cintu buyo ncaakali kukonzya kucita nkulila buyo kusyoonto. Alimwi waka bweza penso, mbuli *boobu*, a kuunka, “uh, uh, uh.” Alimwi wakasola kulemba, kuzungaana mbuli boobo, a janza lyakwe bbotu. Lubazu lwakwe lwa lumwesi, lwakalebuka kuyaansi. Alimwi wa kalemba apepa, janza lyakwe: “Jesu ulafutula, 1900 amwi aambi.” Tee baka konzya kucimvwa.

448 Aboobo eno ciindi mukaintu wakwe nakaamba, “Mukwesu Branham, ta Ndi zi eco ncaamba kwiinda kuli eco.”

449 Nda kaamba, “Muka. Rogers, eco ncaamba, kwakali 1900 amwi aambi, kuteeti nakafutulwa a kubapatizigwa mu Zina lya Jesu kunselelo kuya. Eco necili mukugwasya kabotu eno. Ta yoowede kufwa pe.”

450 Nda kaamba, “Mwami Leza, kovuna buumi bwakwe. Nda ci kombela, mu Zina lya Jesu, kuti Uyo vuna buumi bwakwe.” Kabikka maanza aali nguwe. I bulwazi bwakulebuka boongo bwakamuleka. I kasuntu kakamuleka. Alimwi wakabuka mu bulo. Alimwi uli kabotu eno, kapa bumboni.

⁴⁵¹ Amuyungizye ku lusyomo lwanu, bubotu; amu yungizye ku bubotu bwanu, luzibo; ku luzibo lwanu, lulyendelezyo; ku lulyendelezyo lwanu, lukakatilo; ku lukakatilo lwanu, kulemekaleza; ku kulemekaleza kwanu, luyando lwabunyina; ku luyando lwabunyina lwanu, i Muuya Uusalala, mpawo Kristo uyoboola. Nkaambo, kusi Lyakwe buyo... I Muuya Uusalala ngu Muuya wa Jesu Kristo mu Mbungano, kuti uyubunune zyabubotu ezyo. Oh, ma!

Nkaaka awa, ngu kkota kuzwa twelufu.

Nda yanda . . . Nda Mu yanda
Nkaambo Wa kasanguna kundiyanda,

Kuyansi loko *awa*, nota linaba cintu cili coonse.

A ku-... (Ino Wa kacita nzi?)... lufutuko
lwangu

Ku cisamu ca Kalivari

Mbobuti mbo Ndili *eci*? Nkaamba Wa ndiyanda, kusanguna.

Nda Mu yanda, Nda Mu yanda
Nkaambo Wa kasanguna kundiyanda...
(Nkaako i kaambo.)

A kuula lufutuko lwangu

Ku cisamu ca Kalivari.

⁴⁵² Nda syomezya cinicini, cifumo cino, kuli Nguwe, a moyo wangu woose, kuti, ku lugwasyo Lwakwe a ku luzyalo Lwakwe, Nda komba kuti Ndiyo yandaula mazuba oonse, kakutakwe kuleka, kusikila Ndi kamvwe zyelelo ezi zyoonse ka zikunka mu ciimo cangu eci cakaindi ciniini, kusikila inga Nda ba kuyubunuka kwa Kristo muumi. Nkaambo, Wa kaba cibi mbuli ndime, kuti inga Nda ba... boola bululami bwa Leza, mbuli Nguwe. "Wa kabweza busena bwangu; Mwami, andi bweze Bwakwe eno." Nkaambo, obo mbo bukanze Mbwa kafwida. Mbangaye bayo syomezya cinicini i cintu eco nciconya, ku luzyalo lwa Leza? [Mbunga yaamba, "Ameni."—Mul.] A mitwe yesu kiikoteme eno, a maanza esu mujulu. "Nda..."

⁴⁵³ Nda cisyomezya cinicini, Mwami, mbungano eyi ya cisyomezya cinicini, "I ciimo cizwide ca Jesu Kristo!"

Nkaambo Wa kasanguna kundiyanda
A kuula lufututuko lwako
Ku cisamu ca Kalivari.



I CIIMO CA MUNTU UULONDOKEDE TNG62-1014M
(The Stature Of A Perfect Man)

Oyu Mulumbe aa Mukwesu William Marrion Branham, wakakambaukwa lutaanzi mu Chikuwa Munsondo kuseeni, Kavumbikaniini 14, 1962, ku Branham Tabernacle mu Jeffersonville, Indiana, U.S.A., wa kagu sigwa kuzwa ku rekordi yamagnetiki teepu a kulembwa cakutagwisyacintu mu Chikuwa. Obo busanduluzi bwamu Chitonga bwa kalembwa a kumwaisigwa aa Voice Of God Recordings.

CHITONGA

©2016 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Kuzibya Kwa Nguzu Zyakkopi

Nguzu zyoonse zilitaminidwe. Eli bbuku inga lyalembwa ku purinta yaku ng'anda ku kubelesya kwamuntu na kuvozegwa, kakutakwe kubbadelesya, mbuli cibelesyo ca kumwaisya Makani mabotu aa Jesu Kristo. Eli bbuku talikonzyi kusambalwa, kulembululwa muciiimo cipati, kubikwa aa webbusaiti, kuyobolwa mu ciyanza cakujokolosya, kusandululwa mu misyobo iimbi, na kubelesegwa kulomba lugwasyo lwa mali kakutakwe kuzumizigwa kulembedwe kwabumboni aa Voice Of God Recordings®.

Ku makani aamba na cakubelesya cimbi ciliko, walombwa kukwaba ku:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org